

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 六. 妙覺 – 普光明殿

力用	佛	佛不思議法品
	法	如來相海品
	僧	佛小相光明功德品
本體	僧	普賢菩薩行品
	法	寶王如來性起品
	佛	離世間品



# 華嚴經離世間品之一

世尊 示成正覺		爾時，世尊在摩竭提國寂滅道場普光法堂，坐蓮華藏寶師子座，成等正覺；念不二念，無相念；住佛所住，等一切佛；到無礙趣，得不還法，無礙境界，住不思議，遠離三世；於一切世界普現其身，知一切法具足成就一切妙行，永滅疑惑，離虛妄身，能與一切菩薩無量智慧，住佛無二法，究竟到彼岸，具足如來不可沮壞智慧法門，究竟無量無邊虛空、法界等如來諸地；（依十波羅蜜而得成就圓滿）
菩薩圍遶		與百千億那由他不可說一切佛刹微塵等菩薩摩訶薩俱，悉是一生當成阿耨多羅三藐三菩提，各從十方世界來集，具足成就一切菩薩方便智慧，善巧方便，
菩薩成就自性 地十波羅蜜法	佛	調伏眾生，悉令安住菩薩正法，
	法	分別了知一切世界，觀察明達解脫境界，
	僧	悉已除滅一切虛妄，具足成就一切妙行，
	精進	善攝眾生深入無量巧方便法，善知一切眾生果報，
	禪定	善知一切眾生心，使諸根境界方便；
	般若	三世一切諸佛所說句味及義，善聞受持，廣為人說；
	方便	善入無量無邊世間，離世間法；善能解了諸有為法，皆悉無二；
	願	於一念中得一切佛智，於念念中，善能示現成等正覺，令一切眾生發菩提心，成等正覺；
	力	入一眾生境界，善知一切眾生心之境界，不捨如來地，現菩薩身，得不退轉一切智地，不捨菩薩行，深入無行智，
	智	為一切眾生故，於無量無數劫修菩薩行，於無量無數劫，難得值遇菩薩之寶，轉正法輪，調伏眾生，悉令速得明淨法眼，成就三世一切諸佛淨住行願，
		具足如是等無量無邊功德。一切諸佛盡未來劫說不可盡，
十普菩薩		其名曰：普賢菩薩、普正法菩薩、普化菩薩、普慧菩薩、普眼菩薩、普光菩薩、普觀察菩薩、普照菩薩、普幢菩薩、普覺菩薩，…。（十波羅蜜成就妙覺十普菩薩）
十波羅蜜 圓滿		如是等百萬億那由他不可說佛刹微塵等菩薩摩訶薩，皆悉具足普賢行願。隨諸世界有佛興世，悉能往詣請轉法輪，悉能受持諸佛正法，令一切佛種姓不斷，悉能了達一切諸佛次第授記，隨諸世界成等正覺，轉淨法輪於無佛世界，現身為佛，出興于世，令有染者，悉得清淨，除滅一切菩薩業障，入無礙法界。
普賢菩薩 入三昧		爾時，普賢菩薩正受三昧，其三昧名佛華嚴；入三昧已，十方一切世界，六種十八相震動，出微妙音，一切世界無不聞者，然後安詳從三昧起。
普慧菩薩 兩百問		爾時，普慧菩薩知諸菩薩大眾雲集，問普賢菩薩言：佛子！何等為諸菩薩摩訶薩依果？何等為奇特想？何等為行？何等為善知識？何等為勤修精進？……善哉佛子！如向所問，願具演說。（普慧菩薩兩百問，依涅槃十波羅蜜及菩薩入法界十波羅蜜各設百問，兩百問之結構科判，見總釋部分之大問離世間品）
普賢菩薩 兩千答		爾時，普賢菩薩摩訶薩告普慧等諸菩薩言：佛子！菩薩摩訶薩有十種依果。何等為十？所謂：菩提心依果，究竟不忘失故；善知識依果，隨順和合故；善根依果，長養諸善根故；諸波羅蜜依果，究竟修行故；一切法依果，永出生死故；諸願依果，長養菩提故；諸行依果，廣修習故；菩薩依果，一生補處故；供養佛依果，信心不壞故；一切如來依果，正教離顛倒故。佛子！是為菩薩摩訶薩十種依果，若菩薩摩訶薩住此依果，則得如來無上智依果。（兩百問之首）…（問答見附38-1）

## 華嚴經離世間品之二

普賢菩薩兩千應		佛子！如來、應供、等正覺究竟佛事已，有十種義，示現大般涅槃。何等為十？所謂：
	佛	明一切行悉無常故；
	法	明一切有為非安隱故；
	僧	明般涅槃趣最安隱故；
	精進	明般涅槃遠離一切諸怖畏故；
	禪定	以諸天人樂著色身，明色身無常，是磨滅法，令求常住淨法身故；
	般若	明無常力強不可轉故；
	方便	明有為法不隨愛行不自在故；
	願	明三界法悉如坯器無堅牢故；
	力	明般涅槃最為真實不可壞故；
	智	明般涅槃遠離生死非起滅故。
		佛子！以此十種義故，如來、應供、等正覺示現大般涅槃。佛子！一切如來、應供、等正覺法皆如是，所願已成，已轉法輪，所應度者，皆悉已度；已與菩薩授尊記號，一切佛事皆悉究竟，安住不變，示現大般涅槃。佛子！是為如來、應供、等正覺，以十義故，示現大般涅槃。（兩百問之末）
菩薩結會		佛子！是為菩薩摩訶薩清淨勝行大妙法門。諸佛所說無量深義，能令一切諸有智者皆悉歡喜，究竟一切菩薩大願，不斷所行。
讚歎修行		佛子！若有眾生聞此經者，信心清淨，不起誹謗，如說修行，彼諸眾生，速成阿耨多羅三藐三菩提。何以故？菩薩摩訶薩如說行故。佛子！是故菩薩摩訶薩應如說行，一心敬信受持此經。
付囑修行		佛子！此經出生一切菩薩諸行功德，深妙義華，深入智慧，攝一切法門，遠離世間聲聞、緣覺、一切眾生所不共法，悉能普照一切法門，長養善根，度脫眾生；是故菩薩摩訶薩應一心聽受，護持此經。若菩薩摩訶薩受持此經，則能出生一切諸願，以少方便，疾得阿耨多羅三藐三菩提，
大光普照十方佛讚		說此出生一切菩薩諸行功德，深妙義華，深入智慧，攝一切法門，遠離世間聲聞、緣覺、一切眾生所不共法，悉能普照一切法門，長養善根，度脫眾生經時，佛神力故，此經法如是故，十方無量阿僧祇世界六種震動，大光普照。爾時，十方諸佛面對觀視普賢菩薩，歡喜讚言：善哉！佛子！乃能說此出生一切菩薩諸行功德，深妙義華，深入智慧，攝一切法門，遠離世間聲聞、緣覺、一切眾生所不共法，悉能普照一切法門，長養善根，度脫眾生經。
諸佛流通		佛子！汝已善學此法，善知此法，快說此法，我等諸佛亦說此法，一切諸佛亦復如是；是故，佛子！我等悉共守護此經，令未來菩薩未聞者聞。
普賢菩薩說偈結會		爾時，普賢菩薩承佛神力，觀察十方一切大眾、一切法界，以偈頌曰： （二百三十一偈，見附38-2）
		...
		一切剎微塵，悉可知其數，一切虛空界，皆悉可度量，
		一切眾生心，念念可知數，佛子諸功德，說之不可盡。
		欲具此功德，及餘勝妙法，欲滅一切苦，安樂諸群生。 欲與諸如來，身口意齊等，應發金剛心，究竟此勝行。

附38-1：華嚴經離世間品之普慧菩薩兩百問之一

涅槃十波羅蜜百問	佛十波羅蜜（十問百法）	佛波羅蜜		佛子！菩薩摩訶薩有十種依果。何等為十？所謂：（此首問答與前重複）
			佛	菩提心依果，究竟不忘失故；
			法	善知識依果，隨順和合故；
			僧	善根依果，長養諸善根故；
			精進	諸波羅蜜依果，究竟修行故；
			禪定	一切法依果，永出生死故；
			般若	諸願依果，長養菩提故；
			方便	諸行依果，廣修習故；
			願	菩薩依果，一生補處故；
			力	供養佛依果，信心不壞故；
			智	一切如來依果，正教離顛倒故。
				佛子！是為菩薩摩訶薩十種依果，若菩薩摩訶薩住此依果，則得如來無上智依果。
		法波羅蜜	奇特想 十種	佛子！菩薩摩訶薩有十種奇特想。何等為十？所謂：於一切善根，生自善根想；於一切善根，生菩提種子想；於一切眾生，生菩提器想；於一切願，生自願想；於一切法，生出生死想；於一切行，生自行想；於一切法，生佛法想；於一切語言，生語言道想；於一切佛，生慈父想；於一切如來，生無二想。佛子！是為菩薩摩訶薩十種奇特想，若菩薩摩訶薩安住此想，則得無上巧妙方便轉一切想。
		僧波羅蜜	十種行	佛子！菩薩摩訶薩有十種行。何等為十？所謂：令一切眾生，專求正法行，善根淳熟行，善學一切戒行，長養一切善根行，一心不亂修三昧行，分別一切諸智慧行，修習一切所修行，莊嚴一切世界行，恭敬供養善知識行，恭敬供養諸如來行。佛子！是為菩薩摩訶薩十種行，若菩薩摩訶薩安住此行，則得如來無上大智行。
		精進波羅蜜	善知識 十種	佛子！菩薩摩訶薩有十種善知識。何等為十？所謂：能令安住菩提心善知識，能令修習善根善知識，能令究竟諸波羅蜜善知識，能令分別解說一切法善知識，能令安住成熟一切眾生善知識，能令具足辯才隨問能答善知識，能令不著一切生死善知識，能令於一切劫行菩薩行心無厭倦善知識，能令安住普賢行善知識，能令深入一切佛智善知識。佛子！是為菩薩摩訶薩十種善知識。
		禪定波羅蜜		佛子！菩薩摩訶薩有十種勤修精進。何等為十？所謂：
			佛	教化一切眾生勤修精進，
			法	入一切法勤修精進，
			僧	令一切世界清淨勤修精進，
			精進	究竟一切菩薩所學勤修精進，
			禪定	令一切眾生滅一切惡勤修精進，
			般若	除滅一切地獄、餓鬼、畜生、閻羅王苦勤修精進，
			方便	降一切魔勤修精進，
			願	為一切眾生作清淨眼勤修精進，

附38-1：華嚴經離世間品之普慧菩薩兩百問之二

涅槃十波羅蜜百問	佛十波羅蜜（十問百法）	禪定	力	恭敬供養一切諸佛勤修精進，
			智	令一切如來皆悉歡喜勤修精進。
				佛子！是為菩薩摩訶薩十種勤修精進，若菩薩摩訶薩住此精進，則具如來無上精進波羅蜜。
		般若波羅蜜		佛子！菩薩摩訶薩有十種正希望。何等為十？所謂：
			佛	自住菩提心，亦令眾生住菩提心正希望；
			法	自離忿爭，亦令一切眾生離於忿爭正希望；
			僧	自離愚癡，安住佛法，亦令眾生捨離愚癡，安住佛法正希望；
			精進	自修善根，專求正法，亦令眾生修習善根，專求正法正希望；
			禪定	自究竟諸波羅蜜，得到彼岸，亦令眾生究竟諸波羅蜜，得到彼岸正希望；
			般若	自生如來種姓家，亦令眾生生如來種姓家正希望；
			方便	自深入觀一切法無盡性，亦令眾生深入觀一切法無盡性正希望；
			願	自不誹謗一切佛法，亦令眾生不誹謗一切佛法正希望；
			力	自滿一切智願，亦令眾生滿一切智願正希望；
			智	自深入一切如來無盡智藏，亦令眾生深入一切如來無盡智藏正希望。
				佛子！是為菩薩摩訶薩十種正希望，若菩薩摩訶薩安住此法，則得如來無上平等大智正希望。
		方便波羅蜜	成就十種眾生	佛子！菩薩摩訶薩有十種法，成就眾生。何等為十？所謂：布施成就眾生，色身端嚴成就眾生，說法成就眾生，同意成就眾生，無染著成就眾生，歎菩薩行成就眾生，示現一切世界熾然成就眾生，歎如來功德成就眾生，示現神力自在成就眾生，種種巧方便微密隨順世間行成就眾生。佛子！是為菩薩摩訶薩十種成就眾生，若菩薩摩訶薩安住此法，則能成就一切眾生。
			十種戒	佛子！菩薩摩訶薩有十種戒。何等為十？所謂：不壞菩提心戒；離聲聞、緣覺地戒；饒益觀察一切眾生戒；令一切眾生住佛法戒；一切菩薩學戒戒；一切無所有戒；一切善根迴向菩提戒；不著一切如來身戒。
		力波羅蜜		佛子！菩薩摩訶薩有十種自知受記法，令彼菩薩自知受記。何等為十？所謂：
			佛	一向發菩提心菩薩受記；
			法	不厭菩薩行菩薩受記；
			僧	於一切劫修諸苦行菩薩受記；
			精進	隨順一切佛法菩薩受記；
			禪定	於一切如來所說決定信向菩薩受記；
			般若	具足修習一切善根菩薩受記；
			方便	令一切眾生安住菩提菩薩受記；
			願	於一切善知識和合隨順菩薩受記；
			力	於一切善知識生如來想菩薩受記；
			智	守護菩提本願菩薩受記。
				佛子！是為菩薩摩訶薩十種自知受記法，令彼菩薩自知受記。

附38-1：華嚴經離世間品之普慧菩薩兩百問之三

涅槃十波羅蜜百問	佛十波羅蜜（十問百法）	智波羅蜜		佛子！菩薩摩訶薩有十種入。何等為十？所謂：
			佛	入願、
			法	入行、
			僧	入聚、
			精進	入波羅蜜、
			禪定	入具足、
			般若	入分別願、
			方便	入性、
			願	入莊嚴刹、
			力	入神力自在、
			智	入示現出生。
				佛子！是為菩薩摩訶薩十種入；亦入三世一切菩薩所入。
	法十波羅蜜（十問百法）	佛波羅蜜	諸十如種來入	佛子！菩薩摩訶薩有十種深入如來。何等為十？所謂：深入無量無邊諸佛菩提；深入無量無邊轉淨法輪；深入無量無邊諸方便法；深入無量無邊微妙音聲；深入無量無邊調伏眾生；深入無量無邊神力自在；深入無量無邊種種異身；深入無量無邊三昧；深入無量無邊力無所畏；深入無量無邊示現涅槃。佛子！是為菩薩摩訶薩十種深入如來；此十種深入法，三世諸佛悉亦共入。
				佛子！菩薩摩訶薩有十種入眾生心行。何等為十？所謂：
		法波羅蜜	佛	入過去一切眾生心行；（所言往昔皆表越有為之無量微細法，入無為地）
			法	入未來一切眾生心行；（因緣具備果未成熟，依微細智明其生滅，曰未來）
			僧	入現在一切眾生心行；
			精進	入一切眾生諸善根行；
			禪定	入一切眾生不善根行；
			般若	入一切眾生心心所行；
			方便	入一切眾生諸根行；
			願	入一切眾生種性行；
			力	入一切眾生煩惱使習氣行；
			智	入一切眾生時、非時調伏行。
				佛子！是為十種入眾生心行；因是十種入眾生心行，則能普入一切眾生心行。
		僧	入十世界	佛子！菩薩摩訶薩有十種入世界。何等為十？所謂：入不淨世界、入清淨世界、入小世界、入中世界、入微塵世界、入微細世界、入伏世界、入仰世界、入有佛世界、入無佛世界。佛子！是為菩薩摩訶薩十種入世界；因此十種入世界，則能普入一切世界。
			精進	入十劫種
				佛子！菩薩摩訶薩有十種入劫。何等為十？所謂：入過去劫、入未來劫、入現在劫、入可數劫、入不可數劫、入可數不可數劫、入不可數可數劫、入一切劫非劫、入非劫一切劫、入一切劫即是一念。佛子！是為菩薩摩訶薩十種入劫；因此十種入劫，則能普入一切諸劫。

附38-1：華嚴經離世間品之普慧菩薩兩百問之四

涅槃十波羅蜜百問	法十波羅蜜（十問百法）	禪定	說三世十種	佛子！菩薩摩訶薩有十種說三世。何等為十？所謂：過去世說過去世；過去世說未來世；過去世說現在世；未來世說過去世；未來世說現在世；未來世說無盡；現在世說未來世；現在世說過去世；現在世說平等；現在世說三世即一念。佛子！是為菩薩摩訶薩十種說三世；因此十種說三世，則能普說一切三世。
			入三世十種	佛子！菩薩摩訶薩有十種入三世間。何等為十？所謂：入世間、入語言道、入性、入施設、入想、入名字、入語言、入無盡、入離欲、入寂滅。佛子！是為菩薩摩訶薩十種入三世間；因此十種入三世間，則能普入一切三世間。
		方便波羅蜜		佛子！菩薩摩訶薩有十種捨離憂惱，心無厭悔。何等為十？所謂：
			佛	供養一切佛，捨離憂惱，心無厭悔；
			法	親近一切善知識，捨離憂惱，心無厭悔；
			僧	專求一切法，捨離憂惱，心無厭悔；
			精進	常聞正法，捨離憂惱，心無厭悔；
			禪定	常說正法，捨離憂惱，心無厭悔；
			般若	教化調伏一切眾生，捨離憂惱，心無厭悔；
			方便	令一切眾生安住佛道，捨離憂惱，心無厭悔；
			願	於一一世界中，行不可說不可說菩薩行，捨離憂惱，心無厭悔；
			力	遊行一切世界，教化眾生，捨離憂惱，心無厭悔；
			智	出生一切佛法，捨離憂惱，心無厭悔。
				佛子！是為菩薩摩訶薩十種捨離憂惱，心無厭悔；若菩薩摩訶薩安住此法，則得如來無上智慧，永離厭悔。
		願波羅蜜	不可壞智十種	佛子！菩薩摩訶薩有十種不可壞智。何等為十？所謂：知眾生智不可壞；知諸根智不可壞；知受生智不可壞；知世界智不可壞；知法界智不可壞；知佛智不可壞；知法智不可壞；知僧智不可壞；知三世智不可壞；知一切語言道智不可壞。佛子！是為菩薩摩訶薩十種不可壞智；若菩薩摩訶薩安住此智，則得如來無上不可壞智。
				佛子！菩薩摩訶薩有十種陀羅尼。何等為十？所謂：
		力波羅蜜	佛	聞持陀羅尼，不忘一切法故；
			法	持正法陀羅尼，巧方便分別一切法如實故；
			僧	不生一切法陀羅尼，覺一切法無自性故；
			精進	法明陀羅尼，普照不可思議諸佛法故；
			禪定	三昧陀羅尼，於現在一切佛所，聞法不亂故；
			般若	音聲圓滿陀羅尼，究竟解了不可思議語言法故；
			方便	三世陀羅尼，分別說一切三世佛不思議法故；
			願	種種辯才陀羅尼，分別解說無量無邊諸佛法故；
			力	出生無礙耳陀羅尼，不可說佛所說諸法，悉能聞故；
			智	持一切佛法陀羅尼，安住如來十力無畏故。
				佛子！是為菩薩摩訶薩十種陀羅尼；若菩薩摩訶薩欲得此法，應勤修學。



附38-1：華嚴經離世間品之普慧菩薩兩百問之五

涅槃十波羅蜜百問	法	智	十種佛	佛子！菩薩摩訶薩知分別說十種佛。何等為十？所謂：正覺佛、願佛、業報佛、住持佛、化佛、法界佛、心佛、三昧佛、性佛、如意佛。佛子！是為菩薩摩訶薩知分別說十種佛。
	佛波羅蜜			佛子！菩薩摩訶薩有十種發普賢心。何等為十？所謂：
		佛		發大慈心，救護一切眾生故；
		法		發大悲心，代一切眾生受一切苦毒故；
		僧		發一切施為首心，悉捨一切諸所有故；
		精進		發正念一切智為首心，樂求一切佛法故；
		禪定		發功德莊嚴心，學一切菩薩諸行故；
		般若		發金剛心，一切受生不忘失故；
		方便		發大海心，一切白淨法悉流入故；
		願		發須彌山王心，一切誹謗苦言悉堪忍故；
		力		發安隱心，施一切眾生無畏故；
		智		發究竟般若波羅蜜到彼岸心，巧分別一切法無所有故。
				佛子！是為菩薩摩訶薩十種發普賢心；若菩薩摩訶薩安住此心，以少方便，則具足普賢巧方便智。
	僧十波羅蜜（十問百法）			佛子！菩薩摩訶薩有十種普賢願行法。何等為十？所謂：
		佛		盡未來劫行菩薩行普賢願行法；
		法		恭敬供養未來一切佛普賢願行法；
		僧		立一切眾生於普賢菩薩願行普賢願行法；
		精進		積集一切善根普賢願行法；
		禪定		入一切波羅蜜普賢願行法；
		般若		滿足一切菩薩願行普賢願行法；
		方便		莊嚴一切世界普賢願行法；
		願		往生一切佛所普賢願行法；
		力		善巧方便，求一切法普賢願行法；
		智		於一切十方佛刹，成無上菩提普賢願行法。
				佛子！是為菩薩摩訶薩十種普賢願行法；若菩薩摩訶薩修此願行，疾得具足普賢願行。
	僧波羅蜜	生起十大種悲		佛子！菩薩摩訶薩有十種大悲，常觀眾生。何等為十？所謂：觀察眾生無所歸依而起大悲；觀察眾生隨逐邪道而起大悲；觀察眾生貧無善根而起大悲；觀察眾生長寢生死而起大悲；觀察眾生行不善法而起大悲；觀察眾生欲縛所縛而起大悲；觀察眾生在生死海而起大悲；觀察眾生久遠長病而起大悲；觀察眾生無欲善法而起大悲；觀察眾生失諸佛法而起大悲。佛子！是為菩薩摩訶薩十種大悲，常觀眾生。
				佛子！菩薩摩訶薩有十種發菩提心因緣。何等為十？所謂：
		佛		教化成熟一切眾生，發菩提心因緣；
	精進	法		除滅一切眾生苦，發菩提心因緣；
		僧		與一切眾生種種快樂，發菩提心因緣；

附38-1：華嚴經離世間品之普慧菩薩兩百問之六

涅槃十波羅蜜百問	僧十波羅蜜（十問百法）	精進波羅蜜	精進	除滅一切眾生愚闇，發菩提心因緣；
			禪定	與一切眾生佛智，發菩提心因緣；
			般若	恭敬供養一切諸佛，發菩提心因緣；
			方便	隨如來教，令佛歡喜，發菩提心因緣；
			願	見佛色身相好，發菩提心因緣；
			力	入一切佛智，發菩提心因緣；
			智	顯現佛力無畏，發菩提心因緣。
				佛子！是為菩薩摩訶薩十種發菩提心因緣。
		禪定	十種心	若菩薩摩訶薩發菩提心，應當恭敬供養，親近善知識，何以故？欲速覺一切智故。彼菩薩摩訶薩恭敬供養，親近善知識，起十種心。何等為十？所謂：於善知識起給侍心、不違心、隨順心、歡喜心、不求利心、一向心、同善根心、同願心、如來心、同滿行心。佛子！是為菩薩摩訶薩於善知識起十種心。
				佛子！若菩薩摩訶薩發如是十種心，則得十種清淨。何等為十？所謂：
		般若波羅蜜	佛	正直心清淨，究竟不失故；
			法	色身清淨，隨所應化，無不見故；
			僧	音聲圓滿清淨，究竟一切語言法故；
			精進	辯才清淨，巧方便說不可思議諸佛法故；
			禪定	智慧清淨，除滅一切愚癡闇故；
			般若	受生清淨，具足菩薩自在力故；
			方便	眷屬清淨，成就過去同行眾生諸善根故；
			願	果報清淨，除滅一切業障故；
			力	諸願清淨，同一切菩薩故；
			智	諸行清淨，究竟普賢菩薩行故。
				佛子！是為菩薩摩訶薩十種清淨
		方便波羅蜜	波羅蜜十種	佛子！菩薩摩訶薩有十種波羅蜜。何等為十？所謂：檀波羅蜜，捨一切有故；尸波羅蜜，淨佛戒故；羼提波羅蜜，具足佛忍故；精進波羅蜜，於一切時不退轉故；禪波羅蜜，正念不亂故；般若波羅蜜，觀一切法悉如如故；智波羅蜜，深入佛力故；願波羅蜜，普賢菩薩願行滿故；神力波羅蜜，示現一切神通力故；法波羅蜜，攝取一切法故。佛子！是為菩薩摩訶薩十種波羅蜜；若菩薩摩訶薩安住此法，則得如來無上究竟智波羅蜜。
			隨順十種覺知	佛子！菩薩摩訶薩有十種隨順覺知。何等為十？所謂：隨順覺知一切世界；隨順覺知一切眾生不可思議；隨順覺知一切諸法不一不異；隨順覺知一切法界；隨順覺知一切虛空界；隨順覺知一切世界入過去世；隨順覺知一切世界入未來世；隨順覺知一切世界入現在世；隨順覺知一切如來，於一念中具足願行；隨順覺知三世諸佛，悉同一行。佛子！是為菩薩摩訶薩十種隨順覺知；若菩薩摩訶薩安住此法，則得一切法，自在普照，隨意滿願；於一念中，覺無上道，一切佛法，悉現在前。

附38-1：華嚴經離世間品之普慧菩薩兩百問之七

涅槃十波羅蜜百問	僧十波羅蜜（十問百法）	力波羅蜜	決定智 十種	佛子！菩薩摩訶薩有十種決定智。何等為十？所謂：決定了知一切諸法於一念中；決定了知一切諸法以無礙智；決定了知一切眾生心心所行；決定了知一切眾生皆悉同根；決定了知一切眾生煩惱、習氣諸行；決定了知一切眾生諸心使行；決定了知一切眾生善不善行；決定了知一切菩薩願行；決定了知神力自在，變化住持；決定了知一切如來成就十力。佛子！是為菩薩摩訶薩十種決定智；若菩薩摩訶薩安住此法，則得一切諸法巧妙方便。
		智波羅蜜		佛子！菩薩摩訶薩有十種力。何等為十？所謂：
			佛	深入一切法力；
			法	解一切法，猶如化力；
			僧	解一切法，猶如幻力；
			精進	令一切法，入佛法力；
			禪定	於一切法，無染著力；
			般若	專求一切善妙法力；
			方便	一向恭敬供養一切善知識力；
			願	令一切善根悉究竟得無上智力；
			力	深心信解一切佛法不誹謗力；
			智	究竟不退一切智心力。
				佛子！是為菩薩摩訶薩十種力；若菩薩摩訶薩安住此力，則能具足如來無上十力。
	精進十波羅蜜（十問百法）	佛波羅蜜	平等法 十種	佛子！菩薩摩訶薩有十種平等。何等為十？所謂：一切眾生平等；一切法平等；一切佛刹平等；一切佛乘平等；一切善根平等；一切菩提平等；一切願平等；一切波羅蜜平等；一切行平等；一切佛平等。佛子！是為菩薩摩訶薩十種平等；若菩薩摩訶薩住此平等，則具足一切諸佛無上平等。
		法波羅蜜	佛法句 十種方便	佛子！菩薩摩訶薩有十種方便佛法句。何等為十？所謂：說一切法，言說方便佛法句；一切法如幻；一切法如電；一切法緣起；一切法淨業；一切法文字；一切法實際；一切法無相；一切法真實義；一切法法界。佛子！是為菩薩摩訶薩十種方便佛法句；若菩薩摩訶薩安住此法，則得無上方便一切智。
		僧波羅蜜	十種說法	佛子！菩薩摩訶薩有十種說法。何等為十？所謂：說甚深法；說勝妙法；說種種莊嚴法；說一切智法；說隨順波羅蜜法；說出生如來力法；分別說三世法；說不退菩薩法；說讚歎一切佛功德法；說一切菩薩行，一切佛平等，一切如來境界法。佛子！是為菩薩摩訶薩十種說法；若菩薩摩訶薩住此說法，則得如來無上說法。
		精進波羅蜜	十種持	佛子！菩薩摩訶薩有十種受持。何等為十？所謂：受持一切善根功德；受持一切佛所說法；受持一切譬喻；受持一切方便法門；受持一切出生陀羅尼門；受持一切除疑惑法；受持一切菩薩具足法；受持一切如來所說平等三昧法門；受持一切普照法門；受持一切諸佛自在神力。佛子！是為菩薩摩訶薩十種受持；若菩薩摩訶薩安住此法，則得如來無上智慧持法。

附38-1：華嚴經離世間品之普慧菩薩兩百問之八

涅槃十波羅蜜百問	精進十波羅蜜（十問百法）	禪定波羅蜜		佛子！菩薩摩訶薩有十種辯。何等為十？所謂：
			佛	不虛妄取一切法辯；
			法	於一切法無所行辯；
			僧	於一切法無所著辯；
			精進	於一切法悉空無辯；
			禪定	於一切法無闇障辯；
			般若	於一切法佛所持辯；
			方便	於一切法不由他悟辯；
			願	於一切法巧方便說句、味身辯；
			力	於一切法說眾生辯；
			智	於一切眾生等心觀察，令歡喜辯。
				佛子！是為菩薩摩訶薩十種辯；若菩薩摩訶薩安住此辯，則得如來無上巧方便辯。
	精進十波羅蜜（十問百法）	般若波羅蜜	十種勝法	佛子！菩薩摩訶薩有十種勝法。何等為十？所謂：成熟一切眾生勝法；普照一切諸法勝法；修習一切善根、一切行勝法；大乘智慧勝法；具足無著淨戒勝法；一切善根悉迴向菩提勝法；勤修精進不退勝法；降伏一切眾魔勝法；發菩提心，自在遊行勝法；隨時應化，現成菩提勝法。佛子！是為菩薩摩訶薩十種勝法；若菩薩摩訶薩安住此法，則得如來無上大智勝法。
			方便	佛子！菩薩摩訶薩有十種無著。何等為十？所謂：於一切世界無著；於一切眾生無著；於一切法無著；於一切所作無著；於一切善根無著；於一切生處無著；於一切願無著；於一切行無著；於一切菩薩無著；於一切佛無著。佛子！是為菩薩摩訶薩十種無著；若菩薩摩訶薩安住此法，則能速轉一切眾想，得清淨無上無所著智。
			願波羅蜜	佛子！菩薩摩訶薩有十種平等心。何等為十？所謂：長養一切功德平等心；一切語言法平等心；於一切眾生平等心；於一切眾生業報平等心；入一切法平等心；於一切淨穢佛刹平等心；於一切眾生性，若好若醜平等心；於一切行，無所選擇平等心；入一切如來力，無所畏平等心；入一切如來智慧平等心。佛子！是為菩薩摩訶薩十種平等心；若菩薩摩訶薩安住此心，則得如來無上平等心。
	力波羅蜜			佛子！菩薩摩訶薩有十種出生智慧。何等為十？所謂：
			佛	入一切眾生性，出生智慧；
			法	入一切佛刹，無一無異，出生智慧；
			僧	入分別十方，一切世界網，出生智慧；
			精進	入一切俯仰翻覆世界等，出生智慧；
			禪定	巧方便入一切諸法，無一無異，出生智慧；
			般若	入一切種種異身，出生智慧；
			方便	入一切世間顛倒惑網，悉無所著，出生智慧；
			願	入一切法，究竟一乘，出生智慧；

附38-1：華嚴經離世間品之普慧菩薩兩百問之九

涅槃十波羅蜜百問	精進十波羅蜜（十問百法）	力波羅蜜	力	入一切法界，自在神力，出生智慧；
			智	入三世一切眾生，諸佛種性，常不斷絕，出生智慧。
				佛子！是為菩薩摩訶薩十種出生智慧；若菩薩摩訶薩安住此法，則得無盡法藏。
		智波羅蜜		佛子！菩薩摩訶薩有十種變化。何等為十？所謂：
			佛	眾生變化、
			法	身變化、
			僧	佛刹變化、
			精進	供養變化、
			禪定	音聲變化、
			般若	行願變化、
			方便	調伏成熟眾生變化、
			願	菩提變化、
			力	說法變化、
			智	住持變化。
				佛子！是為菩薩摩訶薩十種變化；若菩薩摩訶薩安住此法，則得一切無上化法。
	禪定十波羅蜜（十問百法）	佛	力十持種	佛子！菩薩摩訶薩有十種持。何等為十？所謂：佛持、法持、眾生持、業持、願持、行持、境界持、妙持、善持、智持。佛子！是為菩薩摩訶薩十種持；若菩薩摩訶薩安住此持，則於一切法，得自在持。
				佛子！菩薩摩訶薩有十種大正希望。何等為十？所謂：
		法波羅蜜	佛	菩薩摩訶薩發如是心：盡未來世，一切諸佛出興于世，我當隨順奉行，悉令歡喜，得大正希望。
			法	彼一切如來、應供、等正覺，我當以無上恭敬供養而供養之，得大正希望。
			僧	恭敬供養彼諸佛已，必當具足誨我正法；聞正法已，三世菩薩，一切諸地所生功德，令我悉得，得大正希望。
			精進	菩薩摩訶薩發如是心：我當於不可說不可說劫，修菩薩行，常不離佛及諸菩薩，得大正希望。
			禪定	菩薩摩訶薩發如是心：我當正向菩提，離一切畏，所謂：不活畏、惡名畏、死畏、惡道畏、大眾畏；如是等畏，我當遠離；休息除滅一切眾魔外道，不能壞我，得大正希望。
			般若	菩薩摩訶薩發如是心：令一切眾生，究竟成就無上菩提，安住菩提；成菩提已，我當於彼佛所，盡其形壽，修菩薩行，恭敬供養彼諸如來；彼諸如來滅度之後，我當悉取舍利，起無量塔而供養之，受持守護彼諸佛法，得大正希望。
			方便	菩薩摩訶薩發如是心：令十方一切世界，悉以無上莊嚴而莊嚴之，平等清淨，住持出生神力自在，六種震動，得大正希望。
			願	菩薩摩訶薩發如是心：令一切眾生悉除疑惑，清淨直心，除滅煩惱，永閉惡道，開善趣門，成就慧光，照除癡闇，降伏眾魔，置安隱處，得大正希望。

附38-1：華嚴經離世間品之普慧菩薩兩百問之十

涅槃十波羅蜜百問	禪定十波羅蜜（十問百法）	法波羅蜜	力	菩薩摩訶薩發如是心：無量無數劫，如來難值，正法難聞，譬如優曇鉢華；我欲見佛，聽受正法，應念見聞；於彼佛所，直心清淨，離眾諂曲，捨幻偽法，常見諸佛，一心恭敬，得大正希望。
			智	菩薩摩訶薩發如是心：我當擊大法鼓，雨甘露法，作大法施，清淨無畏，大師子吼，滿足大願，安住法界；於無量無數劫，常為眾生講說正法，安住大悲，身、口、意業，未曾疲厭，得大正希望。
				佛子！是為菩薩摩訶薩十種大正希望；若菩薩摩訶薩安住此法，則得無上智慧大正希望。
		僧波羅蜜		佛子！菩薩摩訶薩有十種深入佛法；何等為十？所謂：
			佛	一切世界入過去世，是為第一深入佛法；
			法	一切世界入未來世，是為第二深入佛法；
			僧	一切世界入現在世所有世界數、世界行、世界說、世界清淨、世界智，悉入現在世，是為第三深入佛法；
			精進	一切世界悉分別入一切世界，是為第四深入佛法；
			禪定	悉分別入一切眾生業報，是為第五深入佛法；
			般若	悉分別入一切菩薩行，是為第六深入佛法；
			方便	悉次第知過去一切如來，是為第七深入佛法；
			願	悉次第知未來一切諸佛出興于世，是為第八深入佛法；
			力	悉知現在十方世界，一切佛刹，佛及眷屬，說法教化法界、虛空界等眾生，是為第九深入佛法；
			智	知世間法，知聲聞、緣覺、菩薩法，知如來法，於彼諸法無一無異，而說一異於彼諸法，悉入法界，無所入故，如法相說，無所染著，是為第十深入佛法。
				佛子！是為菩薩摩訶薩十種深入佛法；若菩薩摩訶薩安住此法，則能深入阿耨多羅三藐三菩提甚深智慧。
		精進波羅蜜		佛子！菩薩摩訶薩有十種依止，菩薩依此行菩薩行。何等為十？所謂：
			佛	依止供養一切諸佛，行菩薩行；
			法	依止調伏一切眾生，行菩薩行；（缺前兩種依止，此處經文依八十華嚴）
			僧	依善知識，行菩薩行；
			精進	依一切善根，行菩薩行；
			禪定	依清淨佛刹，行菩薩行；
			般若	依不捨一切眾生，行菩薩行；
			方便	依深入一切波羅蜜，行菩薩行；
			願	依一切菩薩滿足諸願，行菩薩行；
			力	依無量菩提心，行菩薩行；
			智	依一切諸佛菩提，行菩薩行。
				佛子！是為菩薩摩訶薩十種依止；菩薩依此行菩薩行。

附38-1：華嚴經離世間品之普慧菩薩兩百問之十一

涅槃十波羅蜜百問	禪定十波羅蜜（十問百法）	禪定波羅蜜	十種無畏心	佛子！菩薩摩訶薩有十種發無畏心。何等為十？所謂：滅一切業障，發無畏心；佛滅度後，受持守護正法，發無畏心；降一切魔，發無畏心；不惜身命，發無畏心；如法調伏一切外道，發無畏心；令一切眾生，皆悉歡喜，發無畏心；令一切大眾，皆悉歡喜，發無畏心；調伏一切天、龍、夜叉、乾闥婆、阿脩羅、迦樓羅、緊那羅、摩睺羅伽，發無畏心；遠離聲聞、緣覺地，入甚深法，發無畏心；於不可說不可說劫，修菩薩行，心無疲厭，發無畏心。佛子！是為菩薩摩訶薩十種發無畏心；若菩薩摩訶薩安住此心，則得如來大智無所畏心。
				佛子！菩薩摩訶薩有十種除滅一切疑惑，發無疑心。何等為十？所謂：
		般若波羅蜜	佛	菩薩摩訶薩發如是心：布施攝取一切眾生，戒忍、精進、定慧、慈悲、喜捨，攝取一切眾生，不生疑惑，若生疑惑，無有是處，是為第一除滅一切疑惑，發無疑心。
			法	菩薩摩訶薩發如是心：未來一切諸佛出興于世，我當奉給，恭敬供養，於彼不生疑惑，若生疑惑，無有是處，是為第二除滅一切疑惑，發無疑心。
			僧	菩薩摩訶薩發如是心：令一切世界，種種莊嚴，放大光明網，皆悉普照，於彼不生疑惑，若生疑惑，無有是處，是為第三除滅一切疑惑，發無疑心。
			精進	菩薩摩訶薩發如是心：我當盡未來際劫，修菩薩行，無量無數、不可思議、不可稱量、不可分齊、不可說不可說一切算數所不能及；法界、虛空界等眾生，悉以無上教化，調伏成熟彼諸眾生，心無疲厭，於彼不生疑惑，若生疑惑，無有是處，是為第四除滅一切疑惑，發無疑心。
			禪定	菩薩摩訶薩發如是心：我當成滿諸願，行菩薩行，出生一切智，安住一切智，於彼不生疑惑，若生疑惑，無有是處，是為第五除滅一切疑惑，發無疑心。
			般若	菩薩摩訶薩發如是心：我當為一切世間，行菩薩行，作大燈明，普照佛法，於彼不生疑惑，若生疑惑，無有是處，是為第六除滅一切疑惑，發無疑心。
			方便	菩薩摩訶薩發如是心：我當說一切法悉是佛法，隨其所應，化一切故，於彼不生疑惑，若生疑惑，無有是處，是為第七除滅一切疑惑，發無疑心。
			願	菩薩摩訶薩發如是心：我當得無礙法門，除滅一切障礙，究竟逮得無上正覺，於彼不生疑惑，若生疑惑，無有是處，是為第八除滅一切疑惑，發無疑心。
			力	菩薩摩訶薩發如是心：我當知一切世間法，即是出世間法，斷一切顛倒；以一莊嚴而自莊嚴，無所莊嚴，不由他悟，於彼不生疑惑，若生疑惑，無有是處，是為第九除滅一切疑惑，發無疑心。
			智	菩薩摩訶薩發如是心：我當成等正覺，得一切智，永滅一切顛倒疑惑；成一念智、無二智、無所有智、無礙智、無為智、無著智、不可說實際境界智，於彼不生疑惑，若生疑惑，無有是處，是為第十除滅一切疑惑，發無疑心。
				佛子！是為菩薩摩訶薩十種除滅一切疑惑，發無疑心；若菩薩摩訶薩安住此法，則於一切佛法得無疑心。
		方便		佛子！菩薩摩訶薩有十種不可思議。何等為十？所謂：
			佛	一切善根不可思議。
			法	一切願不可思議。
			僧	解一切法如幻不可思議。

附38-1：華嚴經離世間品之普慧菩薩兩百問之十二

涅槃十波羅蜜百問	禪定十波羅蜜（十問百法）	方便波羅蜜	精進	發菩提心，修菩薩行善根，無所依住，而亦不失，無所染著，是為第四不可思議。
			禪定	深解一切法，亦不減度，一切諸願未成滿故，是為第五不可思議。
			般若	行菩薩行，示現受胎出生，出家苦行，往詣道場，降伏眾魔，成最正覺，轉正法輪；於一切法而得自在，示現大般涅槃，而亦不捨大願，大慈救護眾生，是為第六不可思議。
			方便	示現如來十力自在，而亦不捨法界等心，教化成熟一切眾生，是為第七不可思議。
			願	解一切法：無相有相，有相無相；非劫是劫，劫是非劫；非有是有，有是非有；非行是行，行是非行；非說是說，說是非說，是為第八不可思議。
			力	解發菩提心與菩提等；解菩提與發菩提心等；解初發菩提心及菩提，與一切眾生等；亦不生心顛倒、想顛倒、見顛倒，是為第九不可思議。
			智	於念念中入滅盡三昧正受，滅一切漏而不證實際；又亦不盡有漏善根，知一切法無漏，亦知漏滅盡；知一切佛法是世間法，於佛法中，不取世間相；於世間法中，不取佛法相；一切諸法悉入法界，無所入故；解一切法悉無二，不變易故；
				佛子！是為菩薩摩訶薩第十不可思議。若菩薩摩訶薩安住此法，則得如來不可思議法。
		願波羅蜜		佛子！菩薩摩訶薩有十種巧方便微密語。何等為十？所謂：
			佛	於一切經典，巧方便微密語；
			法	於一切受生處，巧方便微密語；
			僧	覺一切菩薩神力自在，巧方便微密語；
			精進	於一切眾生業報，巧方便微密語；
			禪定	於一切眾生垢淨，起巧方便微密語；
			般若	於一切法，究竟無礙門，巧方便微密語；
			方便	於一切虛空界，一一方面世界成壞，無處不現巧方便微密語；
			願	於一切法界，一切諸方，乃至微細處，現成等正覺，如來充滿一切法界，乃至示現大般涅槃，悉分別見，巧方便微密語；
			力	解一切眾生，悉同涅槃，無變易故，而不捨大願，乃至究竟滿足一切智願，巧方便微密語；
			智	解一切法，不由他悟，而亦不離諸善知識，恭敬如來，隨順善知識，修諸善根：迴向善根、安住善根、相續善根、同一善根、一道善根、一成就善根，巧方便微密語。
				佛子！是為菩薩摩訶薩十種巧方便微密語；若菩薩摩訶薩安住此法，則得如來無上巧方便微密語。
	力波羅蜜	分別智巧	十種智巧	佛子！菩薩摩訶薩有十種巧方便分別智。何等為十？所謂：入一切佛剎巧方便分別智；入一切眾生處巧方便分別智；入一切眾生心心所行巧方便分別智；入一切眾生根巧方便分別智；入一切眾生諸行業報巧方便分別智；入一切聲聞行巧方便分別智；入一切緣覺行巧方便分別智；入一切菩薩行巧方便分別智；入一切世間法巧方便分別智；入一切佛法巧方便分別智。佛子！是為菩薩摩訶薩十種巧方便分別智；若菩薩摩訶薩安住此法，則得一切諸佛無上巧方便分別智。



附38-1：華嚴經離世間品之普慧菩薩兩百問之十三

涅槃十波羅蜜百問	禪定十波羅蜜（十問百法）	智波羅蜜		佛子！菩薩摩訶薩有十種正受三昧。何等為十？所謂：
			佛	一切世界正受三昧；
			法	一切眾生身正受三昧；
			僧	一切法正受三昧；
			精進	見一切諸佛正受三昧；
			禪定	善巧住持一切劫正受三昧；
			般若	巧方便出生不可思議身正受三昧；
			方便	一切如來身正受三昧；
			願	巧隨順覺一切眾生平等正受三昧；
			力	於一念中正受一切菩薩三昧；
			智	於一念中，以無礙智，具足成就一切菩薩行，不捨大願，善巧智慧正受三昧。
				佛子！是為菩薩摩訶薩十種正受三昧；若菩薩摩訶薩安住此三昧，則得一切諸佛無上巧方便智正受三昧。
	般若十波羅蜜（十問百法）	佛波羅蜜	遍十入種	佛子！菩薩摩訶薩有十種一切處。何等為十？所謂：一切眾生處；一切佛刹處；一切眾生性處；一切火災處；一切水災處；一切佛處；一切出生莊嚴處；一切如來無量功德處；一切分別說法處；一切如來種種供養處。佛子！是為菩薩摩訶薩十種一切處；若菩薩摩訶薩安住此處，則得如來無上一切大智處。
				佛子！菩薩摩訶薩有十種法門。何等為十？所謂：
		法波羅蜜	佛	一身充滿一切世界法門；
			法	示現一切世界種種無量色法門；
			僧	一切世界入一佛刹法門；
			精進	住持一切眾生法門；
			禪定	如來莊嚴身充滿一切世界法門；
			般若	遍至一切世界法門；
			方便	於一念中遊行一切世界法門；
			願	於一佛刹示現一切如來出世法門；
			力	一身充滿一切法界法門；
			智	於一念中示現一切諸佛神力法門。
				佛子！是為菩薩摩訶薩十種法門；若菩薩摩訶薩住此法門，則得如來無上法門。
		僧波羅蜜	十種神通	佛子！菩薩摩訶薩有十種神通。何等為十？所謂：出生念宿命方便智通；出生無礙天耳方便智通；出生知一切眾生不可思議心心數法方便智通；出生無礙天眼觀察眾生方便智通；出生不可思議自在神力示現眾生方便智通；出生一身示現不可思議世界方便智通；出生於一念中，往詣不可說世界方便智通；出生不可思議莊嚴具，莊嚴一切世界方便智通；出生不可說不可說化身示現眾生方便智通；出生不可說世界，成阿耨多羅三藐三菩提不可思議示現眾生方便智通。佛子！是為菩薩摩訶薩十種神通；若菩薩摩訶薩安住此通，則得無上大方便智通，顯現諸佛自在神力。

附38-1：華嚴經離世間品之普慧菩薩兩百問之十四

涅槃十波羅蜜百問	般若十波羅蜜（十問百法）	精進波羅蜜		佛子！菩薩摩訶薩有十種明。何等為十？所謂：
			佛	出生知一切眾生業報方便智明；
			法	出生知一切眾生境界、解脫、寂滅、淨心方便智明；
			僧	出生入一切境界、一切眾生、種種決定一切法無所有金剛方便智明；
			精進	出生不可思議淨妙音聲，無量世界無不普聞方便智明；
			禪定	出生智慧除滅一切毀害染著方便智明；
			般若	出生受生方便、不受生方便方便智明；
			方便	於一切境界轉諸受想方便智明；
			願	知一切法無性、無非性，無相、無非相，一性、無性故，而於無量劫種種說法，修習善根，成阿耨多羅三藐三菩提方便智明；
			力	知一切眾生生，亦知無生，知一切眾生滅，亦知無滅，知因、知緣，知事，知境界，知行，知生、知滅，知眾生說，知愚癡、知離愚癡，知顛倒、知非顛倒，知垢濁、知清淨，知生死、知涅槃，知有、知無，知著、知不著，知堅固、知離，知轉、知不轉，知起、知不起，知壞，知道，知成就，知根，知眾生受化隨器應故；教化眾生，未曾忘失菩薩所行。何以故？菩薩摩訶薩發阿耨多羅三藐三菩提心，為教化眾生故；是故，菩薩摩訶薩常化眾生，而不失菩薩行，身無疲倦，不違一切眾生，觀察緣起方便智明；（三十五種知）
			智	不著諸刹不起著心，不著諸佛不起著心，不著一切法不起著心，不著世界不起著心，不著眾生不起著心，不見眾生，不化眾生，不調伏眾生，不為眾生說法，而亦不捨菩薩行願，長養大悲，見一切佛聽受正法；未曾忘失，得佛依果種諸善根，於如來所不捨恭敬供養之心，增長恭敬供養之心，具足成就法界等心，自在神力，六種震動，不可思議無量世界，知種種說法，知眾生數，知種種眾生，知苦起，知苦滅，知一切行苦，知一切行悉如電光，行菩薩行，永斷一切生死根本，悉能救護一切眾生，行菩薩行，無所染污，不斷一切如來種性；發須彌山王心，不可傾動，除滅一切顛倒眾想，一切智門悉現在前，不動不壞，成等正覺，於生死海，悉能濟渡一切眾生方便智明。
				佛子！是為菩薩摩訶薩十種明；若菩薩摩訶薩安住此明，則得如來無上巧方便智明。
	般若波羅蜜	禪定波羅蜜	十種解脫	佛子！菩薩摩訶薩有十種解脫。何等為十？所謂：煩惱解脫；邪見解脫；熾然解脫；陰界入解脫；超出聲聞、緣覺地解脫；無生法忍解脫；不著一切佛刹、一切眾生、一切諸法、住無量無邊諸菩薩住，離一切菩薩行，住如來地解脫；於一念中，悉能了知一切三世諸法解脫。佛子！是為菩薩摩訶薩十種解脫；若菩薩摩訶薩住此解脫，則能普為一切眾生而作無上佛事。
				佛子！菩薩摩訶薩有十種園林。何等為十？所謂：
		般若波羅蜜	佛	生死園林，行菩薩行，不起憂惱故。
			法	教化眾生園林，不厭眾生故。
			僧	一切劫園林，攝取菩薩一切大行故。
			精進	清淨世界園林，性無著故。
			禪定	一切魔宮殿園林，降魔境界故。
			般若	聽受正法園林，正念觀察故。

附38-1：華嚴經離世間品之普慧菩薩兩百問之十五

涅槃十波羅蜜百問	般若十波羅蜜（十問百法）	般若波羅蜜	方便	六波羅蜜、四攝法、三十七道品園林，修習慈父境界故。
			願	十力、四無所畏，乃至一切佛法園林，不念異法故。
			力	菩薩示現一切無量無邊功德神力園林，轉淨法輪，調伏眾生故。
			智	於念念中為一切眾生現成正覺園林，法身如虛空，充滿一切世界平等覺故。
				佛子！是為菩薩摩訶薩十種園林，若菩薩摩訶薩住此園林，則得如來無上離憂快樂園林。
		方便波羅蜜		佛子！菩薩摩訶薩有十種宮殿。何等為十？所謂：
			佛	發菩提心宮殿；不忘失故。
			法	十善業迹功德智慧宮殿；教化成熟欲界眾生故。
			僧	四梵住處宮殿；教化成熟色界眾生故。
			精進	淨居天受生宮殿；一切煩惱不能染故。
			禪定	無色界天受生宮殿；除滅眾生障難處故。
			般若	降生不淨世界宮殿；欲令眾生斷一切煩惱故。
			方便	現處深宮，采女、妻子、色味宮殿；教化成熟本同行眾生故。
			願	現為四天下王、四大天王、帝釋、梵王宮殿；為調伏自在心眾生故。
			力	一切菩薩神力自在命行宮殿；一切諸禪解脫三昧智慧自在故。
			智	於諸佛所受無上自在一切智王記宮殿；十力莊嚴，行一切法自在法王事故。
				佛子！是為菩薩摩訶薩十種宮殿；若菩薩摩訶薩安住此法，則得一切法王受記自在法。
		願波羅蜜		佛子！菩薩摩訶薩有十種樂。何等為十？所謂：
			佛	樂寂靜，不散亂故；
			法	樂明慧，善分別法故；
			僧	樂往詣一切佛所，現前聞法受持故；
			精進	樂一切佛充滿十方故；
			禪定	樂菩薩自在神力、無量法門，示現眾生身故；
			般若	樂三昧，於一三昧門出生一切三昧門故；
			方便	樂陀羅尼門，持一切法教化眾生不忘失故；
			願	樂辯才，於一句身、味身，不可說劫說無窮盡故；
			力	樂菩提，以無量法門，現眾生等身成正覺故；
			智	樂轉法輪，如法調伏一切外道故。
				佛子！是為菩薩摩訶薩十種樂；若菩薩摩訶薩安住此樂，則得一切諸佛無上法樂。
		力波羅蜜		佛子！菩薩摩訶薩有十種莊嚴。何等為十？所謂：
			佛	力莊嚴，不可壞故；
			法	無畏莊嚴，不生恐怖故；
			僧	義莊嚴，說不可說義法門無窮盡故；

附38-1：華嚴經離世間品之普慧菩薩兩百問之十六

涅槃十波羅蜜百問	般若十波羅蜜（十問百法）	力波羅蜜	精進	法莊嚴，說八萬四千法藏不忘失故；
			禪定	願莊嚴，一切菩薩願事不退轉故；
			般若	行莊嚴，究竟普賢菩薩行故；
			方便	佛刹莊嚴，受持一切佛刹為一佛刹故；
			願	妙音莊嚴，雨大甘露法充滿一切佛刹故；
			力	受持莊嚴，於一切劫，行菩薩行不斷絕故；
			智	變化莊嚴，於一眾生身，示現一切眾生等身，一切眾生無不知見，專求十力，一切智不退轉故。
				佛子！是為菩薩摩訶薩十種莊嚴；若菩薩摩訶薩安住此法，則得一切諸佛無上莊嚴。
		智波羅蜜		佛子！菩薩摩訶薩有十種發不動心。何等為十？所謂：
			佛	一切所有皆悉能捨發不動心；
			法	出生一切諸佛正法發不動心；
			僧	恭敬供養一切諸佛發不動心；
			精進	等心觀察一切眾生發不動心；
			禪定	攝取一切眾生發不動心；
			般若	一向專求一切佛法未曾休息發不動心；
			方便	一切眾生等劫，修菩薩行發不動心；
			願	成就有根信，不濁信，離垢信，明淨信，恭敬供養一切佛信，不退轉信，不壞信，發不動心；
			力	具足成就究竟一切智發不動心；
			智	成就一切菩薩諸行發不動心。
				佛子！是為菩薩摩訶薩十種發不動心；若菩薩摩訶薩安住此法，則得無上一切智不動心。
	方便十波羅蜜（十問百法）	佛波羅蜜		佛子！菩薩摩訶薩有十種不捨深心。何等為十？所謂：
			佛	覺一切佛菩提不捨深心；
			法	教化成熟一切眾生不捨深心；
			僧	不斷一切諸佛種性不捨深心；
			精進	親近善知識不捨深心；
			禪定	於一切佛刹，恭敬供養一切諸佛不捨深心；
			般若	專求大乘及一切功德不捨深心；
			方便	於一切佛所修行梵行護持淨戒不捨深心；
			願	攝取一切菩薩不捨深心；
			力	聞持一切佛法不捨深心；
			智	修習一切菩薩行願，一向專求一切佛法不捨深心。
				佛子！是為菩薩摩訶薩十種不捨深心；若菩薩摩訶薩安住此法，則得一切諸佛不捨深心正法。

附38-1：華嚴經離世間品之普慧菩薩兩百問之十七

涅槃十波羅蜜百問	方便十波羅蜜（十問百法）	法波羅蜜		佛子！菩薩摩訶薩有十種智觀察。何等為十？所謂：
			佛	智慧觀察善巧分別一切諸法；
			法	智慧觀察三世一切善根；
			僧	智慧觀察一切菩薩行神力自在；
			精進	智慧觀察一切諸法巧方便門；
			禪定	智慧觀察一切佛持；
			般若	智慧觀察一切陀羅尼門；
			方便	智慧觀察一切世界常說正法；
			願	智慧觀察深入一切法界；
			力	智慧觀察十方一切世界不可思議；
			智	智慧觀察一切佛法；智慧觀察無障礙智。
				佛子！是為菩薩摩訶薩十種智觀察；若菩薩摩訶薩安住此法，則得如來無上大智觀察。
		僧波羅蜜	分別法	佛子！菩薩摩訶薩有十種分別法。何等為十？所謂：分別一切法悉從緣起；分別一切法皆悉如幻；分別一切法皆悉無諍；分別一切法無量無邊；分別一切法無所依止；分別一切法悉如金剛；分別一切法悉是如來；分別一切法皆悉寂靜；分別一切法悉是正道；分別一切法悉是一相一義。佛子！是為菩薩摩訶薩十種分別法；若菩薩摩訶薩安住此法，則得巧方便，悉能分別一切諸法。
			十種無垢	佛子！菩薩摩訶薩有十種無垢。何等為十？所謂：深心無垢；除滅疑惑無垢；遠離邪見無垢；境界無垢；欲得一切智無垢；諸辯無垢；無畏無垢；一切菩薩所住無垢；一切菩薩正受三昧無垢；三十二相百福莊嚴，成就一切諸白淨法，究竟逮得無上菩提無垢。佛子！是為菩薩摩訶薩十種無垢；若菩薩摩訶薩安住此法，則得一切佛無上無垢法。
		禪定波羅蜜		佛子！菩薩摩訶薩有十種智印。何等為十？所謂：
			佛	菩薩摩訶薩知苦苦、變易苦、行苦、不生懈怠，修菩薩行，一向專求無上菩提，不恐、不怖、不驚、不畏、不捨大願；菩提之心堅固不退，究竟阿耨多羅三藐三菩提，是為第一印。
			法	一切凡夫眾生悉有煩惱，顛倒惑亂，彼諸眾生，麁鄙惡言訶罵菩薩，或以刀杖瓦石而加害之；菩薩爾時，心無憂惱，修菩薩行，正向菩提，修習忍法，受證離生，是為第二印。
			僧	菩薩摩訶薩聞甚深佛法，讚一切智，聞已一向信解，是為第三印。
			精進	菩薩摩訶薩作如是念：我發菩提心，究竟成就阿耨多羅三藐三菩提；一切眾生流轉五道，受無量苦，我當令彼皆大歡喜；勤行精進，修習善根，度生死流，永得安樂。是為第四印。
			禪定	菩薩摩訶薩解如來智無量無邊，而未與如來等；於如來所，聞無量無邊智；於文字中，分別解了與如來等，是為第五印。
			般若	菩薩摩訶薩成就善欲、不可壞欲、甚深欲、勝欲、功德欲、莊嚴欲、無比欲、無上欲、堅固欲、究竟正求無上菩提一切眾魔外道及其眷屬不能壞欲、不退無上菩提欲，是為第六印。

附38-1：華嚴經離世間品之普慧菩薩兩百問之十八

涅槃十波羅蜜百問	方便十波羅蜜（十問百法）	禪定波羅蜜	方便	菩薩摩訶薩不惜身命，無所怖畏，修菩薩行，發菩提心，趣一切智，得一切佛智慧光明；不捨佛菩提，不捨善知識，是為第七印。
			願	菩薩摩訶薩，若善男子、善女人學大乘者，長養諸佛善根，安住善根，攝取一切智，心不退菩提，是為第八印。
			力	菩薩摩訶薩令一切眾生住平等心，修一切智，為眾生說法，悉令不退無上菩提，長養大悲，是為第九印。
			智	菩薩摩訶薩隨順三世諸佛，一切善根紹繼佛種，生一切智，是為第十印。
				佛子！是為菩薩摩訶薩十種智印；若菩薩摩訶薩成就此印，疾得阿耨多羅三藐三菩提，具足如來無上智印。
		般若波羅蜜	智光十種	佛子！菩薩摩訶薩有十種智慧光明。何等為十？所謂：菩薩摩訶薩於阿耨多羅三藐三菩提決定智慧光明；見一切佛智慧光明；見一切眾生死此生彼智慧光明；開悟一切眾生，悉令正求修多羅法智慧光明；依善知識發菩提心，長養善根智慧光明；示現一切諸佛智慧光明；化一切眾生悉令成熟，安住佛地智慧光明；分別解說不思議法智慧光明；於一切佛神力，住持善巧方便智慧光明；滿足一切波羅蜜智慧光明。佛子！是為菩薩摩訶薩十種智慧光明；若菩薩摩訶薩安住此法，則得一切佛法無上智慧光明。
				佛子！菩薩摩訶薩有十種不可稱量住，一切眾生及聲聞、緣覺不能稱量。何等為十？所謂：
		方便波羅蜜	佛	菩薩摩訶薩住實際住，而不受證一切所願，未成滿故，是為第一菩薩住不可稱量。
			法	菩薩摩訶薩種如法界等清淨善根，於彼善根無所染著，是為第二菩薩住不可稱量。
			僧	菩薩摩訶薩解菩薩行猶如變化，一切諸法皆悉寂滅，於諸佛法不生疑惑，是為第三菩薩住不可稱量。
			精進	菩薩摩訶薩離生死心，於不可說劫修菩薩行，滿一切大願，而不中起厭怠之心，是為第四菩薩住不可稱量。
			禪定	菩薩摩訶薩住一切法，無所依止，皆悉寂滅，而不證涅槃，一切智道未成滿故，是為第五菩薩住不可稱量。
			般若	菩薩摩訶薩知一切劫非劫，而實說一切劫，是為第六菩薩住不可稱量。
			方便	菩薩摩訶薩知一切法非行，而不捨道行正求佛法，是為第七菩薩住不可稱量。
			願	菩薩摩訶薩解心是三界，心是三世，了知彼心無量無邊，是為第八菩薩住不可稱量。
			力	菩薩摩訶薩為一眾生故，於不可說劫修菩薩行，欲令安住一切智地；如一眾生，一切眾生亦復如是，不生厭心，是為第九菩薩住不可稱量。
			智	菩薩摩訶薩雖具足滿菩薩諸行，而不取正覺，何以故？菩薩摩訶薩作如是念：我不受正覺故行菩薩行，於無量劫中無量眾生，悉令安住無上菩提。是為第十菩薩住不可稱量。
				若菩薩摩訶薩安住此法，則得一切佛法無上大智不可稱量住。

附38-1：華嚴經離世間品之普慧菩薩兩百問之十九

涅槃十波羅蜜百問	方便十波羅蜜（十問百法）	願波羅蜜		佛子！菩薩摩訶薩有十種發無懈怠心。何等為十？所謂：
			佛	菩薩摩訶薩作如是念：我降伏一切魔及其眷屬，發無懈怠心；
			法	如法調伏一切外道，發無懈怠心；
			僧	說深妙法，令一切眾生皆悉歡喜，發無懈怠心；
			精進	滿足一切法界等諸波羅蜜，發無懈怠心；
			禪定	令一切眾生積集成滿一切功德藏，發無懈怠心；
			般若	一切如來無上菩提，彌廣大事甚難成滿，我當修菩薩行具足成就，發無懈怠心；
			方便	以無上法教化調伏一切眾生，悉令成熟，發無懈怠心；
			願	於一切世界種種異色無量莊嚴成就正覺，發無懈怠心。
			力	菩薩摩訶薩發如是心：我修菩薩行時，若有眾生來求我身，或求手、足、耳、鼻、血、肉、骨、髓、妻、子、象、馬、國土，如是等類皆悉能捨，乃至不生一念悔心，悉能惠施饒益安樂一切眾生，不求果報，大慈悲心，以為上首，發無懈怠心。
		智		菩薩摩訶薩作如是念：於一念中，三世一切佛、一切佛法、一切眾生、一切剎、一切世界、一切空界、一切法界、一切施設語界、一切寂滅涅槃界，如是等一切諸法，以一念相應慧，悉別相覺知；明了修，分別修，知智斷證，於一切法不取虛妄，無一無異、無所分別、無所修習，無境界無所有；（十種一切種種諸法，以一念相應慧悉知悉覺而無分別）
				無二智慧，覺一切二；無相智慧，覺一切相；無劫智慧，覺一切劫；無異智慧，覺一切異；光明智慧，覺一切世間光明界；趣智慧，覺一切世界；非世智慧，覺一切世；眾生地智慧，覺一切眾生界；無著智慧，究竟無著行；無堅固智慧，覺一切堅固；無染智慧，覺一切煩惱；無盡際智慧，覺一切盡；法界等智慧，於一切世界示現其身；離一切言音智慧，出生一切微妙言音；一性智慧，說無性法；一境智慧，示現種種諸異境界；覺不可說諸法智慧，示現無量大自在神變；覺一切地智慧，顯現大自在神變；一切智自在神變，教化成熟一切眾生，發無懈怠心。（十九種不離根本智覺知）
				佛子！是為菩薩摩訶薩十種發無懈怠心；若菩薩摩訶薩安住此心，則得一切諸佛無上無懈怠法。
		力波羅蜜		佛子！菩薩摩訶薩有十種須彌山王正直之心。何等為十？所謂：
			佛	菩薩摩訶薩常修正念一切智法，是為第一決定阿耨多羅三藐三菩提，須彌山王正直之心。
			法	菩薩摩訶薩觀察一切法空，一切法無所有，是為第二決定阿耨多羅三藐三菩提，須彌山王正直之心。
			僧	菩薩摩訶薩於無量無數劫，行菩薩行，以一切具足白淨法發心，決定了知如來無量智法，趣向積聚諸白淨法，是為第三決定阿耨多羅三藐三菩提，須彌山王正直之心。
			精進	菩薩摩訶薩為一切佛法，等心恭敬供養諸善知識，不起疑心，不求利養，又復遠離盜法之心，但起無上恭敬供養一切施心，是為第四決定阿耨多羅三藐三菩提，須彌山王正直之心。

附38-1：華嚴經離世間品之普慧菩薩兩百問之二十

涅槃十波羅蜜百問	方便十波羅蜜（十問百法）	力波羅蜜	禪定	菩薩摩訶薩，若一切眾生訶責罵辱，生一切苦，乃至奪命，菩薩摩訶薩不因此故捨菩提心；心亦不散，不生恚心，於一切眾生不捨大悲莊嚴，長養大悲。何以故？菩薩摩訶薩成就一切法如如捨故；決定了知如來大忍法故；是為第五決定阿耨多羅三藐三菩提，須彌山王正直之心。
			般若	菩薩摩訶薩成就增上功德天，增上功德人，增上功德色，增上功德力，增上眷屬，增上欲，增上王法，增上自在，增上智慧；彼菩薩不著味樂，不著欲樂，不著財樂，不著眷屬樂；但專求正法諦，滿正法諦，辨正法，究竟正法；向正法燈明，向正法救護，向正法歸依，向正法道，向正法義，樂求正法，樂住寂靜法，菩薩摩訶薩雖成就如是一切快樂，而悉遠離眾魔境界。何以故？菩薩摩訶薩於過去世，發如是心，令一切眾生皆悉遠離眾魔境界，住佛境界，是為第六決定阿耨多羅三藐三菩提，須彌山王正直之心。
			方便	菩薩摩訶薩勤修精進，正求阿耨多羅三藐三菩提，於阿僧祇劫修菩薩行；猶謂：我今初發阿耨多羅三藐三菩提，心亦不驚、不怖不畏，行菩薩行，雖能速成正覺，為化眾生故，於無量劫修菩薩行。是為第七決定阿耨多羅三藐三菩提，須彌山王正直之心。
			願	菩薩摩訶薩知一切眾生難伏難度，不知恩，不知報恩，為彼眾生故，發大莊嚴而自莊嚴，欲令一切眾生心得自在，隨意境界不生惡心，不於他所生煩惱心，是為第八決定阿耨多羅三藐三菩提，須彌山王正直之心。
			力	菩薩摩訶薩作如是念：我不依他發菩提心，修菩薩行，都無有人助我修習菩薩之行，但我一身盡未來際劫修菩薩苦行；積集一切諸佛正法，成阿耨多羅三藐三菩提；身自清淨，亦令一切眾生清淨；自知境界，知他境界；我當悉同三世諸佛境界。是為第九決定阿耨多羅三藐三菩提，須彌山王正直之心。
			智	菩薩摩訶薩如是知見，無有一法修菩薩行，無有一法滿菩薩行，無有一法調伏眾生，無有一法化度眾生；不見有法恭敬供養一切諸佛，不見有法過去成阿耨多羅三藐三菩提，不見有法未來成阿耨多羅三藐三菩提，不見有法現在成阿耨多羅三藐三菩提；無有一法過去說法，未來說法，現在說法，無有一法能說；法者亦無法可說，而菩薩摩訶薩不捨阿耨多羅三藐三菩提大願之心。
				何以故？菩薩摩訶薩如是出生阿耨多羅三藐三菩提，深入一切甚深諸法，行無所有行，而此菩薩摩訶薩，修習積聚善業善根，清淨一切諸對治法，智慧成滿，於念念中悉能積集長養一切諸善根法；若一切法無所有者，我有何義求無上道？是故不生恐怖驚畏之心，是為第十決定阿耨多羅三藐三菩提，須彌山王正直之心。
				佛子！是為菩薩摩訶薩十種須彌山王正直之心；若菩薩摩訶薩安住此心，則得一切諸佛無上智慧，須彌山王正直之心。
		智波羅蜜		佛子！菩薩摩訶薩有十種深入智慧大海，成阿耨多羅三藐三菩提。何等為十？所謂：
			佛	入無量一切眾生界，是為第一深入智慧大海，成阿耨多羅三藐三菩提。
			法	菩薩摩訶薩入一切世界，不取虛妄，是為第二深入智慧大海，成阿耨多羅三藐三菩提。
			僧	菩薩摩訶薩知一切虛空界等，入十方一切世界無所障礙，是為第三深入智慧大海，成阿耨多羅三藐三菩提。



附38-1：華嚴經離世間品之普慧菩薩兩百問之二十一

涅槃十波羅蜜百問	方便十波羅蜜（十問百法）	智波羅蜜	精進	菩薩摩訶薩善入法界、入無礙、入不斷、入不常、入無量、入不生、入不滅、入知一切，是為第四深入智慧大海，成阿耨多羅三藐三菩提。
			禪定	菩薩摩訶薩於過去、未來、現在諸佛、菩薩、法師、聲聞、緣覺及一切眾生，所種善根；過去諸佛已成無上菩提善根，未來諸佛當成無上菩提善根，現在諸佛今成無上菩提善根，過去諸佛說法教化調伏成熟眾生善根，未來諸佛說法教化調伏成熟眾生善根，現在諸佛說法教化調伏成熟眾生善根；菩薩摩訶薩皆悉隨喜，長養積集如是等一切善根，心無厭足，是為第五深入智慧大海，成阿耨多羅三藐三菩提。
			般若	菩薩摩訶薩於念念中入過去世，觀察不可說劫；於一劫中，或百億佛出興于世，或千億佛、百千億佛、無量佛、阿僧祇佛、不可思議佛、不可稱量佛、無分齊佛、無邊際佛、不可說不可說佛、算數譬喻所不及佛，出興于世；
				彼諸如來及其眷屬菩薩大眾，諸聲聞僧，說法教化，壽命住持，種種法住，如一劫中，一切諸劫亦復如是；若無佛劫中有諸眾生，為阿耨多羅三藐三菩提所種善根，亦悉了知；又觀眾生，種見佛善根得值未來無量諸佛；如是觀察，過去一切劫而無厭足，是為第六深入智慧大海，成阿耨多羅三藐三菩提。
			方便	菩薩摩訶薩入未來世觀察一切劫，知劫有佛，知劫無佛，知彼諸劫各有幾佛出興于世；世界如來名號何等，又知所度眾生多少，亦知如來壽命長短；如是入未來世一切諸劫，分別了知而無厭足，是為第七深入智慧大海，成阿耨多羅三藐三菩提。
			願	菩薩摩訶薩入現在世，觀察十方一切世界；無量無邊不可說不可說諸世界中，一切如來捨家學道，往詣道場，菩提樹下藉菩提草，結跏趺坐，降魔官屬，成阿耨多羅三藐三菩提已；起入城邑，昇天宮殿，說微妙法，轉正法輪，調伏教化無量眾生；現如來無量自在神力，付屬阿耨多羅三藐三菩提，乃至捨壽入無餘涅槃；如來滅後，大眾普會，結集經藏，護持正法，令久住世；為舍利故，起無量塔，種種莊嚴，恭敬供養；又化眾生，令見諸佛，聽受正法，憶念護持，智慧觀察，長養勝趣，深心充滿無量法界；於一切佛法而無錯謬。
				何以故？菩薩摩訶薩知一切如來皆悉如夢，而能往詣一切佛所，恭敬供養，不著自身、不著佛身、不著世界、不著大眾、不著聞法、不著諸劫，見佛聞法；觀察世界，解一切劫而無厭足，是為第八深入智慧大海，成阿耨多羅三藐三菩提。（八相成道）
			力	菩薩摩訶薩於不可說不可說劫，恭敬供養無量諸佛；於一一劫中，恭敬供養不可說不可說佛；示現沒此生彼，以出三界；眾供養具，供養諸佛、菩薩、大眾及聲聞僧；諸佛滅後以無上供具，供養舍利；廣行大施，滿足一切眾生意願，所行大施不可思議；不求果報，為哀愍饒益攝取眾生，於不可說不可說劫，恭敬供養一切諸佛；護持正法，化度眾生，成阿耨多羅三藐三菩提而無厭足，是為第九深入智慧大海，成阿耨多羅三藐三菩提。
			智	菩薩摩訶薩於一切佛所，一切菩薩所，一切法師所，一向專求教菩薩法、菩薩威儀、菩薩隨順法、菩薩清淨法、菩薩長養法、菩薩調伏法、菩薩平等法、菩薩出生道，受持菩薩陀羅尼門；攝取一切眾生而為說法，調伏成熟，令不可說不可說眾生，發一切智心，得不退轉，住阿耨多羅三藐三菩提；隨順修習一切佛法，教化眾生而無厭足，是為第十深入智慧大海，成阿耨多羅三藐三菩提。

附38-1：華嚴經離世間品之普慧菩薩兩百問二十二

涅槃十波羅蜜百問	方便	智	佛子！是為菩薩摩訶薩十種深入智慧大海，成阿耨多羅三藐三菩提；若菩薩摩訶薩安住此法，則得一切諸佛無上智慧大海。
	願十波羅蜜（十問百法）	佛波羅蜜	佛子！菩薩摩訶薩有十種寶，住成阿耨多羅三藐三菩提。何等為十？所謂：
			佛 菩薩摩訶薩悉能往詣無量阿僧祇世界諸如來所，恭敬、禮拜、親近、供養，是為菩薩摩訶薩第一寶，住成阿耨多羅三藐三菩提。
			法 菩薩摩訶薩於不可思議諸如來所，聞法受持，正念不忘，智慧分別，長養勝趣，出生智慧，充滿十方，是為菩薩摩訶薩第二寶，住成阿耨多羅三藐三菩提。
			僧 菩薩摩訶薩不離此土，而於異刹示現受生，於一切佛法心不惑亂，是為菩薩摩訶薩第三寶，住成阿耨多羅三藐三菩提。
			精進 菩薩摩訶薩出生一法別相，分別知一切法，一切諸法究竟無一無異義故，是為菩薩摩訶薩第四寶，住成阿耨多羅三藐三菩提。
			禪定 菩薩摩訶薩知息煩惱，知離煩惱，知斷煩惱，而善住修習菩薩諸行，不證實際，究竟到於實際彼岸，善學成就巧妙方便，本願成滿，心無疲厭，是為菩薩摩訶薩第五寶，住成阿耨多羅三藐三菩提。
			般若 菩薩摩訶薩知一切眾生心無處所，而說眾生心有處所，無著無行，修菩薩行，化度眾生，是為菩薩摩訶薩第六寶，住成阿耨多羅三藐三菩提。
			方便 菩薩摩訶薩知一切法一性，所謂：無性、無一、無異、無來、無去、不可稱量、不可讚歎、悉無實性，以一異求皆不可得；而菩薩摩訶薩決定了知此是佛法，是菩薩法，是緣覺法，是聲聞法，是凡夫法，是善法、是不善法，是世間法、是出世間法，是染污法、是不染污法，是有漏法、是無漏法，乃至是有為法、是無為法，是為菩薩摩訶薩第七寶，住成阿耨多羅三藐三菩提。
			願 菩薩摩訶薩求佛不可得，求菩薩不可得，求法不可得，求眾生不可得，而亦不捨本願，教化一切眾生，成無上道；何以故？菩薩所修善根，欲令一切成無上道，善知眾生善根，善知眾生境界，善知教化眾生，善知一切眾生涅槃，修菩薩行，欲令一切大願成滿，是為菩薩摩訶薩第八寶，住成阿耨多羅三藐三菩提。
			力 菩薩摩訶薩隨其所應，善巧說法而調伏之；巧妙方便示現涅槃，知實非虛亦非顛倒，而安住三世菩薩正法；不離如如，不住實際，亦不見眾生，亦不見眾生已受化、今受化、當受化；解我所行非為虛妄，解了無有，乃至一法可求得者，無生滅故，而菩薩所願皆悉不虛，無所依止，是為菩薩摩訶薩第九寶，住成阿耨多羅三藐三菩提。
			智 菩薩摩訶薩於不可思議諸佛一一佛所，聞不可說不可說受記法；名號各異，劫數不同。從一劫中次第聞法，乃至不可說不可說劫聞受記法；聞是法已，不驚、不怖、不畏，行菩薩行，心無疑惑；解如來智不可思議，如來所說，言無有二，本願滿足，隨應受化，令成阿耨多羅三藐三菩提，滿一切願，了達法界，是為菩薩摩訶薩第十寶，住成阿耨多羅三藐三菩提。
			若菩薩摩訶薩安住此法，則得一切諸佛阿耨多羅三藐三菩提大智慧寶。
	法	佛	佛子！菩薩摩訶薩有十種發金剛心莊嚴大乘。何等為十？所謂：
			菩薩摩訶薩作如是念：一切諸法無有分際，不可究竟——菩薩發如是心——我當覺了三世一切諸法悉無有餘。是為菩薩摩訶薩第一發金剛心莊嚴大乘。

附38-1：華嚴經離世間品之普慧菩薩兩百問之二十三

涅槃十波羅蜜百問	願十波羅蜜（十問百法）	法波羅蜜	法	菩薩摩訶薩作如是念：於一毛端處有無量無邊不可數菩薩，何況一切法界耶——菩薩發如是心——我當發大莊嚴而自莊嚴，化度眾生皆令成阿耨多羅三藐三菩提，以大般涅槃而般涅槃。是為菩薩摩訶薩第二發金剛心莊嚴大乘。
			僧	菩薩摩訶薩作如是念：十方世界無量無邊，無有分際——菩薩發如是大願——我當以無上清淨莊嚴，莊嚴此等一切世界，彼諸莊嚴皆實不虛。是為菩薩摩訶薩第三發金剛心莊嚴大乘。
			精進	菩薩摩訶薩作如是念：眾生無量無邊，無有分際，不可窮盡——菩薩發如是心——我當以諸善根迴向一切眾生，以無上大智慧光普照一切眾生。是為菩薩摩訶薩第四發金剛心莊嚴大乘。
			禪定	菩薩摩訶薩作如是念：一切諸佛無量無邊，不可窮盡——菩薩發如是心——我所種善根，迴向奉給供養一切諸佛，然後我乃成等正覺。是為菩薩摩訶薩第五發金剛心莊嚴大乘。
			般若	菩薩摩訶薩見一切佛，聞所說法，發大歡喜心，不著自身及如來身，解知佛身非實、非虛，非有、非無，非有性、非無性，非色、非無色，非相、非無相，非生、非滅；解知如來實無所有，亦不壞有相，何以故？一切攝取故；是為菩薩摩訶薩第六發金剛心莊嚴大乘。
			方便	菩薩摩訶薩若有眾生訶罵毀辱，或截手、足、耳、鼻，或挑其目，或級其頭，菩薩不因此故生恚害心，於不可說不可說劫，修菩薩行，攝取眾生，心不廢捨；何以故？菩薩摩訶薩住不二法，善學菩薩所學清淨直心；於一切眾生無瞋恚心，忍住眾苦，心無加報，自身堪受一切眾苦，是為菩薩摩訶薩第七發金剛心莊嚴大乘。
			願	菩薩摩訶薩作如是念：未來世劫無量無邊，無有分際，不可窮盡——菩薩發如是心——我當盡一切未來世法界、虛空界等劫，於一世界行菩薩道教化眾生，如一世界，盡法界、虛空界等一切世界亦復如是。心亦不驚、不怖、不畏，行菩薩行。何以故？菩薩法應如是為一切眾生修菩薩行。是為菩薩摩訶薩第八發金剛心莊嚴大乘。
			力	菩薩摩訶薩作如是念：阿耨多羅三藐三菩提以心為本，心清淨故能積集成滿一切善根；若心得自在，則能成就無上菩提，行菩薩行，滿足諸願，究竟教化一切眾生。是為菩薩摩訶薩第九發金剛心莊嚴大乘。
			智	菩薩摩訶薩知佛不可得，菩提不可得，菩薩不可得，一切法不可得，眾生不可得，心不可得，行不可得，過去不可得，未來、現在不可得，一切眾生不可得，有為、無為不可得，菩薩摩訶薩如是住寂靜，住甚深，住寂滅，住無諍，住不可言，住無二，住無等，住真實，住成就，住解脫，住涅槃，住實際；而亦不捨一切大願，不捨發一切智心，不捨修菩薩行，不捨教化眾生，不捨恭敬供養諸佛，不捨說法，不捨莊嚴一切世界。
				何以故？菩薩摩訶薩出生大願故，善知如是法相，長養大悲無量功德，攝取眾生，不捨眾生。一切諸法無有真實，凡愚眾生不知不覺；一切諸佛安住寂滅，演說正法，教化眾生；不捨大悲，一切眾生未得菩提，佛法未足，大願未滿；我本請一切眾生為無上大法施主，唱實語，不虛語，一切諸佛種姓語；發大願門心，發饒益一切眾生心，發長養一切善根心，發安住善巧方便心，發內身含受一切眾生心，發一切眾生所平等心，令一切眾生所願成滿，我當云何未度眾生而捨大悲？是為菩薩摩訶薩第十發金剛心莊嚴大乘。

附38-1：華嚴經離世間品之普慧菩薩兩百問之二十四

涅槃十波羅蜜百問	願十波羅蜜（十問百法）	僧波羅蜜	法	佛子！是為菩薩摩訶薩十種發金剛心莊嚴大乘；若菩薩摩訶薩安住此法，則得一切諸佛無上金剛智明。
				佛子！菩薩摩訶薩有十種發大事。何等為十？所謂：
			佛	恭敬供養一切諸佛，是為菩薩摩訶薩第一發大事。
			法	長養一切菩薩善根，是為菩薩摩訶薩第二發大事。
			僧	一切如來滅度之後，悉取舍利起無量塔，種種妙寶以為莊嚴；以一切華、一切鬘、一切香、一切塗香、一切末香、一切衣、一切蓋、一切幢、一切幡而供養之，受持守護諸佛正法，是為菩薩摩訶薩第三發大事。
			精進	教化成熟一切眾生，令得阿耨多羅三藐三菩提，是為菩薩摩訶薩第四發大事。
			禪定	以諸佛刹無上清淨莊嚴，莊嚴一切世界，是為菩薩摩訶薩第五發大事。
			般若	菩薩摩訶薩作如是念：我當為一眾生，於一一世界盡未來際阿僧祇劫，修菩薩行；如為一眾生，為一切眾生亦復如是，出生大悲，令一切眾生安住菩提，乃至不生一念疲厭之心。是為菩薩摩訶薩第六發大事。
			方便	我當於不可思議阿僧祇劫，恭敬供養彼諸如來，是為菩薩摩訶薩第七發大事。
			願	彼諸如來滅度之後，我當悉取舍利而起塔廟；其塔高廣，與不可說諸世界等；造如來像，巍巍高大，如不可思議世界；於不可思議劫，以眾妙寶、幢幡、繒蓋、華香而供養之，乃至不生一念休息之心；教化眾生，受持守護，讚歎正法，亦無一念休息之心，是為菩薩摩訶薩第八發大事。
			力	修習彼諸善根，成阿耨多羅三藐三菩提，悉與一切諸如來等，逮得一切諸如來地，是為菩薩摩訶薩第九發大事。
			智	我成菩提已，於一切世界不可說劫，說微妙法，示現如來不可思議自在神變；其身、口、意，未曾暫生疲厭之想，但發專念正法之心、如來力心、充滿一切眾生願心、大慈悲心、觀察諸法真實之心，安住實語，證寂滅法；一切眾生悉不可得，而亦不違一切諸業，隨順三世一切諸佛，究竟一切法界、虛空界，觀察諸法無所有相，不生不滅，具足成就一切諸佛無上大願，施作一切諸佛大事，悉能化度一切眾生，是為菩薩摩訶薩第十發大事。
				佛子！是為菩薩摩訶薩十種發大事；若菩薩摩訶薩安住此法，則得一切諸佛無上智慧，不斷一切菩薩所行。
		精進波羅蜜	究竟十種大事	佛子！菩薩摩訶薩有十種究竟大事。何等為十？所謂：恭敬供養一切如來究竟大事；隨所請眾生皆悉度脫究竟大事；專求一切諸佛正法究竟大事、長養一切善根究竟大事、出生一切諸如來法究竟大事、成滿一切清淨大願究竟大事、行一切菩薩行究竟大事、恭敬奉事一切善知識究竟大事、往詣一切世界佛所究竟大事、聞持一切諸佛正法，深入一切諸佛大眾究竟大事。佛子！是為菩薩摩訶薩十種究竟大事；若菩薩摩訶薩安住此法，則得阿耨多羅三藐三菩提究竟智慧大事。
		禪定波羅蜜	不壞十種信	佛子！菩薩摩訶薩有十種不壞信。何等為十？所謂：於一切佛不壞信、於一切佛法不壞信、於一切聖僧不壞信、於一切菩薩不壞信、於一切善知識不壞信、於一切眾生不壞信、於一切菩薩大願不壞信、於一切菩薩行不壞信、恭敬供養一切諸佛不壞信、教化一切眾生成就菩薩巧妙方便不壞信。佛子！是為菩薩摩訶薩十種不壞信；若菩薩摩訶薩安住此法，則得一切諸佛無上智慧不可壞信。

附38-1：華嚴經離世間品之普慧菩薩兩百問之二十五

涅槃十波羅蜜百問	願十波羅蜜（十問百法）	般若波羅蜜		佛子！菩薩摩訶薩有十種授記。何等為十？所謂：
			佛	專求解脫菩薩授記、
			法	諦滿諦辯菩薩善根菩薩授記、
			僧	廣行菩薩無量諸行菩薩授記、
			精進	現前菩薩授記、
			禪定	祕密菩薩授記、
			般若	因自心得菩提菩薩授記、
			方便	得法忍菩薩授記、
			願	教化成熟眾生菩薩授記、
			力	究竟一切劫菩薩授記、
			智	一切菩薩自在修行菩薩授記。
				佛子！是為菩薩摩訶薩十種授記；若菩薩摩訶薩安住此法，則於一切佛所而得授記。
		方便波羅蜜		佛子！菩薩摩訶薩有十種善根迴向。何等為十？所謂：
			佛	一切善根迴向同善知識願、
			法	一切善根迴向同善知識正直心、
			僧	一切善根迴向同善知識行、
			精進	一切善根迴向同善知識善根、
			禪定	一切善根迴向隨順善知識善根、
			般若	一切善根迴向同善知識正念、
			方便	一切善根迴向同善知識清淨、
			願	一切善根迴向同善知識住、
			力	一切善根迴向同善知識入成滿平等、
			智	一切善根迴向同善知識不壞深心；若如是同則無異同。
				佛子！是為菩薩摩訶薩十種善根迴向；若菩薩摩訶薩安住此法，則得一切無上善根迴向。
		願波羅蜜		佛子！菩薩摩訶薩有十種得智慧。何等為十？所謂：
			佛	於一切施自在智慧；
			法	樂一切佛法解脫自在智慧；
			僧	深入一切如來無量無邊自在智慧；
			精進	隨問能答滅一切疑自在智慧；
			禪定	深解實義自在智慧；
			般若	解一切如來巧妙方便、深入一切諸佛解脫自在智慧；
			方便	解一切佛所種少善根、必能滿足一切白淨善根、出生如來一切智自在智慧；
			願	具足成就菩薩不思議住自在智慧；
			力	於一念中悉能往詣不可說佛所自在智慧；
			智	覺悟一切諸佛菩提、深入一切法界、聞持一切佛法、深入一切如來莊嚴語言自在智慧。

附38-1：華嚴經離世間品之普慧菩薩兩百問之二十六

涅槃十波羅蜜百問	願十波羅蜜（十問百法）	願		佛子！是為菩薩摩訶薩十種得智慧；若菩薩摩訶薩安住此法，則得一切如來無上自在智慧。
				佛子！菩薩摩訶薩有十種發無量無邊廣心。何等為十？所謂：
		佛		發無量無邊廣心於一切佛；
		法		發無量無邊廣心度脫一切眾生；
		僧		發無量無邊廣心令一切眾生、一切世、一切剎悉入法界；
		精進		發無量無邊廣心觀一切法悉如虛空；
		禪定		發無量無邊廣心觀察一切菩薩諸行；
		般若		發無量無邊廣心正念三世一切諸佛；
		方便		發無量無邊廣心了達不可思議諸業果報；
		願		發無量無邊廣心嚴淨一切諸如來剎；
		力		發無量無邊廣心深入一切如來大眾，
		智		發無量無邊廣心觀察一切如來妙音。
				佛子！是為菩薩摩訶薩十種發無量無邊廣心；若菩薩摩訶薩安住此心，則得一切佛法無量無邊智慧大海。
	智波羅蜜	十種伏藏		佛子！菩薩摩訶薩有十種藏。何等為十？所謂：分別數知一切法藏；出生一切法藏；普照一切陀羅尼法藏；分別解說一切法辯藏；於一切法覺不可說巧方便藏；示現一切佛自在力大神變藏；於一切法出生平等巧方便藏；不離常見一切佛藏；入不思議劫皆悉如幻巧方便藏；於一切諸佛菩薩歡喜恭敬藏。佛子！是為菩薩摩訶薩十種藏；若菩薩摩訶薩安住此藏，則得一切諸佛大智慧藏，悉能度脫一切眾生。
				佛子！菩薩摩訶薩有十種調順。何等為十？所謂：
	力與智十波羅蜜（二十問兩百法）	佛波羅蜜		不謗一切佛法調順；
			佛	於一切佛信不可壞調順；
			法	尊重恭敬一切菩薩調順；
			僧	親近一切善知識調順；
			精進	遠離一切聲聞、緣覺調順；
			禪定	長養菩薩一切三昧調順；
			般若	平等觀察一切眾生調順；
			方便	究竟成滿一切善根調順；
			願	悉能降伏一切諸魔調順；
			力	成滿一切波羅蜜調順。
			智	佛子！是為菩薩摩訶薩十種調順，若菩薩摩訶薩安住此法，則得無上大智調順。
		法波羅蜜	十種自在	佛子！菩薩摩訶薩有十種自在。何等為十？所謂：壽命自在，無量無邊不可說劫住持壽命故；心自在，出生阿僧祇三昧入深智故；莊嚴自在，以大莊嚴悉能莊嚴一切剎故；業自在，隨時受報故；受生自在，於一切剎示現生故；解脫自在，見一切世界諸佛充滿故；願自在，隨時隨剎成菩提故；神力自在，示現一切大神變故；法自在，示現無量無邊法門故；智自在，於念念中示現覺悟如來十力無所畏故。佛子！是為菩薩摩訶薩十種自在；若菩薩摩訶薩安住此法，則得一切諸佛、菩薩究竟成滿一切智自在。

附38-1：華嚴經離世間品之普慧菩薩兩百問之二十七

涅槃十波羅蜜百問	力與智十波羅蜜（二十問兩百法）	僧	十種自在	佛子！菩薩摩訶薩有十種自在。何等為十？所謂：眾生自在，剎自在，法自在，身自在，願自在，境界自在，智自在，通自在，神力自在，力自在。佛子！是為菩薩摩訶薩十種自在。
		精進波羅蜜		佛子！何等為菩薩摩訶薩眾生自在？佛子！菩薩摩訶薩有十種眾生自在。何等為十？所謂：
			佛	度脫一切眾生自在；
			法	持一切眾生想自在；
			僧	為一切眾生說法未曾失時自在；
			精進	變化一切眾生自在；
			禪定	安置一切眾生於一毛道而不迫迤自在；
			般若	於一切世界、一切眾生中示現為王自在、
			方便	於一切眾生中示現帝釋、梵王自在、
			願	於一切眾生中示現聲聞、緣覺不轉威儀自在、
			力	於一切眾生中示現行菩薩行自在、
			智	於一切眾生中示現佛身相好莊嚴、覺悟一切智力自在。
				佛子！是為菩薩摩訶薩十種眾生自在。
		禪定波羅蜜	國土十種自在	佛子！菩薩摩訶薩有十種剎自在。何等為十？所謂：令一切剎為一剎自在、令一切剎入一毛道自在、於一切剎深入無盡方便自在、於一切剎示現一身結跏趺坐充滿自在、令一切剎現入己身自在、神力震動一切佛剎不令眾生恐怖自在、以一切剎莊嚴莊嚴一剎示現自在、以一剎莊嚴莊嚴一切剎示現自在、一如來身及其眷屬皆悉充滿一切佛剎示現眾生自在、一切剎、小剎、中剎、大剎、廣剎、深剎、翻覆剎、俯剎、仰剎、平正剎，以此等剎示現眾生自在。佛子！是為菩薩摩訶薩十種剎自在。
				佛子！菩薩摩訶薩有十種法自在。何等為十？所謂：
		般若波羅蜜	佛	一切法即是一法，一法即是一切法，而不違眾生法相自在；
			法	般若波羅蜜出生一切法，覺悟一切眾生無不了知自在；
			僧	於一切法悉離法想，普令眾生入勝法自在；
			精進	一切諸法入一方便，分別解說無量方便自在；
			禪定	一切諸法言語道斷，而能演說無量法門自在；
			般若	於一切法巧方便，轉普門法輪無盡自在；
			方便	一切諸法入一法門，於不可說劫，分別解說不可窮盡自在；
			願	一切法悉入佛法殊勝眾生自在；
			力	一切法示現無量無邊自在；
			智	一切法無礙、實際、無量無邊猶如幻網，於無量劫為眾生說不可窮盡自在。
				佛子！是為菩薩摩訶薩十種法自在。

附38-1：華嚴經離世間品之普慧菩薩兩百問之二十八

涅槃十波羅蜜百問	力與智十波羅蜜（二十問兩百法）	方便波羅蜜	身自在十種	佛子！菩薩摩訶薩有十種身自在。何等為十？所謂：令一切眾生入己身自在；己身示現一切眾生身自在；一切佛身示現一佛身自在；一佛身示現一切佛身自在；一切刹置己身內自在；一法身充滿三世示現眾生自在；一身入三昧無量身起三昧自在；一身成最正覺，示現眾生等身自在；一切眾生身作一眾生身，示現一切眾生身自在；一切眾生身示現法身，法身示現一切眾生身自在。佛子！是為菩薩摩訶薩十種身自在。
		願波羅蜜		佛子！菩薩摩訶薩有十種願自在。何等為十？所謂：
			佛	一切菩薩願即是己願願自在；
			法	以一切佛願力菩提，示現眾生願自在；
			僧	隨其所應，悉令成就阿耨多羅三藐三菩提願自在；
			精進	於不可數阿僧祇劫大願不斷願自在；
			禪定	遠離識身不著智身，而示現一切身願自在；
			般若	不捨己事而能成滿一切他事願自在；
			方便	教化成熟一切眾生，令不退轉願自在；
			願	於一切阿僧祇劫修菩薩行，未曾斷絕願自在；
			力	於一毛道成等正覺，願力充滿一切佛刹，為一一眾生示現不可說不可說世界願自在；
			智	說一句法，法雲普覆一切法界，震實法雷、耀明解脫電光、澍甘露法雨，充滿一切眾生心願願自在。
				佛子！是為菩薩摩訶薩十種願自在。
	力波羅蜜	力波羅蜜		佛子！菩薩摩訶薩有十種境界自在。何等為十？所謂：
			佛	菩薩在法界境界而示現在眾生境界、
			法	在佛境界而示現在眾魔境界、
			僧	在涅槃境界而不離生死境界、
			精進	在一切智境界而不離菩薩境界、
			禪定	在寂滅境界而不捨散亂眾生境界、
			般若	在離一切虛妄境界而不離虛妄境界、
			方便	在莊嚴力境界而示現非一切智境界、
			願	在無眾生實際境界而不捨化度一切眾生境界、
			力	在諸禪三昧解脫通明智離欲境界而示現一切世界受生、
			智	在如來行菩提莊嚴境界而示現聲聞緣覺寂靜威儀境界。
				佛子！是為菩薩摩訶薩十種境界自在。
	智波羅蜜		十種智自在	佛子！菩薩摩訶薩有十種智自在。何等為十？所謂：無盡辯智自在；不惑一切陀羅尼智自在；法定知一切眾生諸根智自在；於一念中以無礙心智，悉知一切眾生心、心數法智自在；知一切眾生心、心使煩惱習氣隨病對治法智自在；於一念中深入如來十力智自在；無礙智知三世眾生隨時度脫智自在；於一念中成等正覺示現一切眾生智自在；於一眾生想了達一切眾生業行智自在；於一眾生音聲示現一切眾生音聲智自在。佛子！是為菩薩摩訶薩十種智自在。



附38-1：華嚴經離世間品之普慧菩薩兩百問之二十九

涅槃十波羅蜜百問	力與智十波羅蜜（二十問兩百法）	佛波羅蜜		佛子！菩薩摩訶薩有十種通自在。何等為十？所謂：
			佛	一切世界示現身、一身境界通自在；
			法	於一如來大眾中坐聽受正法，悉能聞持一切諸佛大眾會法通自在；
			僧	於一眾生一念境界成不可說無上菩提，一切眾生無不知者通自在；
			精進	出一妙音皆能充遍一切世界，出生一切音聲各各別異，一切眾生無不開解通自在；
			禪定	於一念中示現盡過去際劫，一切眾生諸業果報無不知者通自在；
			般若	
			方便	令一切世界皆悉莊嚴通自在；
			願	觀察三世平等通自在；
			力	出生一切諸佛菩提及眾生願，放大法光明通自在；
			智	一切天、龍、夜叉、乾闥婆、阿脩羅、迦樓羅、緊那羅、摩睺羅伽、帝釋、梵王，及一切聲聞、緣覺、諸菩薩等，悉恭敬尊重，善能護持諸如來力，一切善根通自在。佛子！略說菩薩平等觀察一切諸法通自在。
				佛子！是為菩薩摩訶薩十種通自在。
		法波羅蜜		佛子！菩薩摩訶薩有十種神力自在。何等為十？所謂：
			佛	以不可說世界入一微塵神力自在；
			法	於一微塵中顯現一切法界等一切佛刹神力自在；
			僧	於一毛孔皆悉容受一切大海，能持遊行一切世界，不令眾生有恐怖心神力自在；
			精進	以一切世界內己身中，悉能顯現一切眾事神力自在；
			禪定	以一毛繫不可思議金剛圍山，悉持遊行一切世界，不令眾生有恐怖心神力自在；
			般若	不可說劫示現一劫，一劫示現不可說諸成、敗劫，不令眾生有恐怖心神力自在；
			方便	於一切世界示現水、火、風災成敗，不令眾生有恐怖心神力自在；
			願	一切世界水、火、風災壞時，悉能住持一切眾生資生之具神力自在；
			力	以不可思議世界置於掌中，遠擲他方過不可說世界，不令眾生有恐怖心神力自在；
			智	令一切眾生解一切佛刹猶如虛空神力自在。
				佛子！是為菩薩摩訶薩十種神力自在。
		僧波羅蜜	力無十礙用	佛子！菩薩摩訶薩有十種力自在。何等為十？所謂：眾生力自在，不捨眾生，教化調伏故；佛刹力自在，以不可說莊嚴具，莊嚴顯現諸佛刹故；法力自在，令一切身入無身故；劫力自在，不斷一切菩薩行故；佛力自在，覺悟生死，長寢眾生故；行力自在，攝取一切菩薩行故；如來力自在，度脫一切眾生故；無師智力自在，自然覺悟一切法故；一切智力自在，一切智人智覺悟故；大悲力自在，不捨一切眾生故。佛子！是為菩薩摩訶薩十種力自在。
			結會十無礙用	佛子！是為菩薩摩訶薩眾生自在等十種自在。若菩薩摩訶薩成就此十種自在者，欲成無上菩提，不成無上菩提，自在隨意；雖成菩提，而亦不斷菩薩諸行。何以故？菩薩摩訶薩出生諸大願故，善巧方便示現無量自在法門。

附38-1：華嚴經離世間品之普慧菩薩兩百問之三十

涅槃十波羅蜜百問	力與智十波羅蜜（二十問兩百法）	精進波羅蜜		佛子！菩薩摩訶薩有十種遊戲神通。何等為十？所謂：
			佛	菩薩摩訶薩於眾生身作佛刹身，而不壞眾生身，是為第一遊戲神通；
			法	菩薩摩訶薩於佛刹身作眾生身，而不離佛刹身，是為第二遊戲神通；
			僧	菩薩摩訶薩於佛身示現聲聞、緣覺身，而不減如來身，是為第三遊戲神通；
			精進	菩薩摩訶薩於聲聞、緣覺身示現如來身，而不增長聲聞、緣覺身，是為第四遊戲神通；
			禪定	菩薩摩訶薩於菩薩身示現無上菩提身，而不捨菩薩行，是為第五遊戲神通；
			般若	菩薩摩訶薩於無上菩提身示現菩薩身，而不減菩提身，是為第六遊戲神通；
			方便	菩薩摩訶薩於涅槃界示現生死相續不絕，而不著涅槃界，是為第七遊戲神通；
			願	菩薩摩訶薩於生死界示現涅槃界，亦不究竟無餘涅槃，是為第八遊戲神通；
			力	菩薩摩訶薩正受三昧，行、住、坐、臥現諸威儀，而不捨於正受三昧，是為第九遊戲神通；
			智	菩薩摩訶薩於一佛所聞法受持，悉能往詣不可說佛所聽受正法，而不離本坐亦不分身、不起三昧，念念於一一三昧身門，出生不可說不可說三昧身門，一切諸劫猶可窮盡，菩薩出生三昧身門不可窮盡，是為第十遊戲神通。
				佛子！是為菩薩摩訶薩十種遊戲神通；若菩薩摩訶薩安住此法，則得一切諸佛無上大智遊戲神通。
		禪定波羅蜜		佛子！菩薩摩訶薩有十種勝行。何等為十？所謂：
			佛	一切法界以無量方便門普現眾生勝行；
			法	以無量莊嚴，莊嚴一切世界普現眾生勝行；
			僧	知出生一切眾生界皆悉如化勝行；
			精進	於如來身出生菩薩身，於菩薩身出生如來身勝行；
			禪定	於虛空界出生世界，於世界出生虛空界勝行；
			般若	於生死界出生涅槃界，於涅槃界出生生死界勝行；
			方便	於一眾生音聲出生一切佛法音聲勝行；
			願	於無量身門示現一身，於一身門示現分別一切諸身勝行；
			力	以一身充遍一切世界勝行，
			智	於一念中令一切眾生出生無量無邊法門，成等正覺勝行。
				佛子！是為菩薩摩訶薩十種勝行；若菩薩摩訶薩安住此行，則得一切諸佛無上大智勝行。
		般若波羅蜜		佛子！菩薩摩訶薩有十種力。何等為十？所謂：
			佛	直心力，於一切世界無染著故；
			法	深心力，不壞一切諸佛法故；
			僧	方便力，究竟菩薩一切行故；
			精進	智慧力，知一切眾生諸心行故；
			禪定	願力，令一切眾生願滿足故；
			般若	行力，盡一切未來際劫不斷絕故；
			方便	乘力，出生普現一切諸乘不轉大乘故；

附38-1：華嚴經離世間品之普慧菩薩兩百問之三十一

涅槃十波羅蜜百問	力與智十波羅蜜（二十問兩百法）	般若波羅蜜	願	遊戲神通力，於一毛道示現一切清淨世界，一切如來出興世故；
			力	菩提力，覺悟菩提與一切眾生念等故；
			智	轉法輪力，於一句法說一切眾生希望諸根故。
				佛子！是為菩薩摩訶薩十種力；若菩薩摩訶薩安住此力，則得一切諸佛一切智無上十力。
		方便波羅蜜		佛子！菩薩摩訶薩有十種無畏。何等為十？所謂：
			佛	菩薩摩訶薩悉能聞持一切問難，作如是念：十方一切世界有來問我，若不能答，無有是處，乃至不見微畏之相。不見微畏相故，菩薩究竟一切無畏，安住無畏；一切眾生隨其所問，悉斷疑惑，是為第一無畏。
			法	菩薩摩訶薩一切語言音聲、一切文字，如來授記無礙辯才，究竟彼岸，作如是念：十方世界一切眾生來問難我，若不能答，無有是處，乃至不見微畏之相。不見微畏相故，悉能除滅一切疑惑，安住無畏，是為第二無畏。
			僧	菩薩摩訶薩知一切法空，離我、我所，無造、無造者，無知者，無命者，無長養者、無福伽羅，離陰、界、入，離諸邪見，心如虛空，作如是念：一切眾生若能令我起身、口、意惡，無有是處。何以故？菩薩常離我、我所故；若生怖畏，無有是處，乃至不見微畏之相。不見微畏相故，行菩薩行不可沮壞，是為第三無畏。
			精進	菩薩摩訶薩為諸佛所護，成如來力，行如來行，如來威儀未曾轉易，作如是念：若有能來訶我威儀，無有是處，乃至不見微畏之相。不見微畏相故，於大眾中說微妙法，是為第四無畏。
			禪定	菩薩摩訶薩身、口、意淨，遠離眾惡，作如是念：若有能來訶我身、口、意惡，無有是處，乃至不見微畏之相。不見微畏相故，悉能教化一切眾生，是為第五無畏。
			般若	菩薩摩訶薩金剛力士常隨侍衛，一切天、龍、夜叉、乾闥婆、阿脩羅、迦樓羅、緊那羅、摩睺羅伽、帝釋、梵王等常隨侍衛，尊敬供養，一切諸佛常護念之，菩薩作如是念：一切眾魔、眷屬及諸外道，有見眾生來詣我所，能障礙我無上菩提，無有是處，乃至不見微畏之相。不見微畏相故，安住無畏，歡喜修行菩薩行業，是為第六無畏。
			方便	菩薩摩訶薩離癡正念，隨如來生，成就第一意根，作如是念：一切諸佛所說正法，句身、味身隨順菩提，我若不能如法受持，無有是處，乃至不見微畏之相。不見微畏相故，受持守護如來正法，是為第七無畏。
			願	菩薩摩訶薩具足成就巧方便智慧，究竟菩薩諸力彼岸，清淨直心，教化眾生，發大菩提願；於眾生所起大悲故，於煩惱濁世而現受生、現受五欲，畜養妻子及諸眷屬，為化眾生故，菩薩復作是念：我雖在此，不生惑亂障於菩提解脫三昧法門辯才；若能障礙，無有是處。何以故？菩薩於一切法而得自在，究竟彼岸；修菩薩行，安住菩提。一切世間受生惑亂所不能亂。若能惑亂，無有是處，乃至不見微畏之相。不見微畏相故，於一切世界示現受生，是為第八無畏。
			力	菩薩摩訶薩捨離愚癡，知一切智；住菩薩道，乘於大乘；住一切智心力，示現聲聞、緣覺，不改威儀，菩薩作如是念：我終不證聲聞、辟支佛道，我若受證，無有是處，乃至不見微畏之相。不見微畏相故，安住無畏，悉能示現一切諸乘具足，究竟平等大乘，是為第九無畏。

附38-1：華嚴經離世間品之普慧菩薩兩百問之三十二

涅槃十波羅蜜百問	力與智十波羅蜜（二十問兩百法）	方便波羅蜜	智	菩薩摩訶薩成就一切諸白淨法，積集善根，成滿一切，諸願通明，堅住菩提，具足成滿菩薩諸行；於一切佛所頂受如來一切智記，教化眾生不捨菩薩行，作如是念：其有眾生應受化者，若不能應時示現如來境界，無有是處，乃至不見微畏之相。不見微畏相故，安住無畏，隨受化者，普為應現如來境界，而亦不斷菩薩願行，是為第十無畏。
				佛子！是為菩薩摩訶薩十種無畏；若菩薩摩訶薩安住此法，則得一切諸佛無上無畏，而亦不捨菩薩無畏。
		願波羅蜜		佛子！菩薩摩訶薩有十種不共法。何等為十？所謂：
			佛	菩薩摩訶薩修習六波羅蜜不由他悟，平等心施無所慳吝，持戒清淨遠離惡戒，忍辱成就心不可動，勤修精進於一切劫未曾退轉，深入禪定離一切亂，出生智慧遠離邪見。是為菩薩摩訶薩修習六波羅蜜，隨順波羅蜜道，不由他悟第一不共法。
			法	菩薩摩訶薩攝一切眾生而饒益之，常以法施，於一切眾生和顏愛語遠離惡言，於一切眾生常起樂心真實利益，令一切眾生解悟菩提遠離惡心，具足成就平等實義，是為菩薩摩訶薩攝取眾生，隨順攝道，不由他悟第二不共法。
			僧	菩薩摩訶薩善解迴向，不求果報，隨順迴向諸佛菩提，不著一切世間三昧，迴向佛智饒益眾生，是為菩薩摩訶薩善解迴向，專求一切諸佛善根、無上智慧饒益眾生，不由他悟第三不共法。
			精進	菩薩摩訶薩善巧方便、究竟彼岸，隨順世間、親近世間而無疲厭。正向聖行，遠離一切聲聞、緣覺出要之道，教化成熟一切眾生，不著己樂；善知一切諸禪解脫三昧、正受三昧，起於諸三昧而得自在。於生死中，心無疲厭，遊於生死如園觀想；安住一切諸魔宮殿，示現帝釋，梵王無量自在；於一切生死，慧光明淨、照除癡闇；於一切眾捨家出家，不著異見。示現一切世間書疏、文誦、談論、語言、算術、印法、一切娛樂，現為女身，才術巧妙能轉人心。於世間法、離世間法悉能問答，究竟彼岸；於世間事、離世間事，亦悉究竟到於彼岸；常觀眾生，示現一切聲聞、緣覺，不轉威儀，不忘大乘；於念念中，現成如來無上菩提，而亦不斷菩薩所行，是為菩薩摩訶薩具足修習巧妙方便，到於彼岸，不由他悟第四不共法。
			禪定	菩薩摩訶薩善知俱變三昧、翻覆三昧，遊戲智慧通明，究竟智慧彼岸。常在涅槃而現生死門，知無眾生際而教化成熟一切眾生，常在究竟寂滅彼岸而示現處熾然煩惱，常在金剛一妙法身而現眾生無量身門，常能正受諸禪三昧而現眾生五欲娛樂，常樂寂靜遠離三界而教化一切眾生長養善根，常樂正法而現百千天女圍遶共相娛樂，百福相好莊嚴其身而現貧賤鄙陋之形，常離諸惡長養善業而現受生一切惡道，究竟到於佛智彼岸而亦不捨菩薩智身。菩薩成就如是等無量智慧，一切聲聞、緣覺無能知者，何況一切童蒙眾生？是為菩薩摩訶薩第五不共法。
			般若	菩薩摩訶薩身、口、意業，智慧為首，一切威儀、諸業清淨。成就大慈，永離殺心；乃至遠離邪見，具足正見，是為菩薩摩訶薩身、口、意業隨智慧行第六不共法。
			方便	菩薩摩訶薩成就大悲，不捨一切眾生，代一切眾生受諸地獄、畜生、餓鬼、閻羅王苦。利益眾生，心無疲厭，度脫一切諸群生界；於一切欲樂，心無染著；常為眾生滅諸苦陰，不捨大悲，是為菩薩摩訶薩第七不共法。

附38-1：華嚴經離世間品之普慧菩薩兩百問之三十三

涅槃十波羅蜜百問	力與智十波羅蜜（二十問兩百法）	願波羅蜜	願	菩薩摩訶薩為一切眾生之所愛敬，帝釋、梵王、四天王等皆恭敬供養；一切眾生心常樂見，無有厭足。何以故？菩薩本修行業，心無染著，皆悉清淨，威儀具足故，一切眾生樂見無厭，是為菩薩摩訶薩第八不共法。
			力	菩薩摩訶薩一切智心堅固正直，以大莊嚴而莊嚴之；雖至難處、諸惡人處、聲聞、緣覺處，終不退失一切智心清淨妙寶。譬如水珠名曰淨光，雖處濁水，寶性無異，能令濁水皆悉清淨；菩薩亦復如是，雖在眾難、諸惡人處、聲聞、緣覺處，終不捨離一切種智清淨寶心，令一切眾生滅除邪見、煩惱垢濁，住一切智清淨寶心，是為菩薩摩訶薩第九不共法。
			智	菩薩摩訶薩自覺智法到於彼岸，受無師記，離垢法繒以冠其頂，於如來所不捨恭敬供養之心，亦不捨離諸善知識，是為菩薩摩訶薩第十不共法。
				佛子！是為菩薩摩訶薩十種不共法；若菩薩摩訶薩安住此法，則得一切諸佛無上大不共法。
		力波羅蜜	十種業	佛子！菩薩摩訶薩有十種業。何等為十？所謂：世界業，悉能嚴淨一切世界故；如來業，奉給供養一切佛故；菩薩善友業，善根同故；眾生業，教化成熟一切眾生故；未來世業，攝取一切盡未來際故；神力業，不捨本處而能遊行一切世界故；淨光業，放無量無邊色光，一一光端悉有七寶清淨蓮華，一一華臺各有菩薩結跏趺坐，悉顯現故；三寶不斷業，一切諸佛滅度之後，受持守護佛正法故；變化業，遊十方說法化眾生故；持業，隨所發心示現眾生，令滿一切諸大願故。佛子！是為菩薩摩訶薩十種業；若菩薩摩訶薩安住此業，則得一切諸佛無上大業。
				佛子！菩薩摩訶薩有十種身。何等為十？所謂：
		智波羅蜜	佛	菩薩不來身，於一切趣不受生故；
			法	菩薩不去身，一切趣求不可得故；
			僧	菩薩不實身，如一切世間之所得故；
			精進	菩薩不虛身，如諸世間解真實故；
			禪定	菩薩不盡身，未來際不可斷故；
			般若	菩薩堅固身，一切眾魔不能壞故；
			方便	菩薩不動身，一切眾魔及諸外道不能動故；
			願	菩薩相身，示現清淨百福相故；
			力	菩薩無相身，法相究竟無眾相故；
			智	菩薩普至身，悉與三世如來等故。
				佛子！是為菩薩摩訶薩十種身；若菩薩摩訶薩安住此身，則得一切諸佛無上、無盡之身。

附38-1：華嚴經離世間品之普慧菩薩兩百問之三十四

菩薩入法界十波羅蜜百問	佛十波羅蜜（十問百法）	佛波羅蜜		佛子！菩薩摩訶薩有十種身業。何等為十？所謂：
			佛	以一身充遍一切世界菩薩身業；
			法	於一切眾生前，悉為現身菩薩身業；
			僧	於趣趣中，悉現受生菩薩身業；
			精進	遊行一切世界菩薩身業；
			禪定	往詣一切佛所及諸大眾菩薩身業；
			般若	以一手掌悉能普覆一切世界菩薩身業；
			方便	一切金剛圍山能以手磨悉如微塵菩薩身業；
			願	於己身中示一切眾生、一切佛刹成、壞菩薩身業；
			力	能以一身遍覆一切眾生菩薩身業；
			智	於己身中，普現一切嚴淨佛刹、一切眾生，究竟成就無上菩提菩薩身業。
				佛子！是為菩薩摩訶薩十種身業；若菩薩摩訶薩安住此業，則得一切諸佛無上大法，悉能開悟一切眾生。
		法波羅蜜	十種身	佛子！菩薩摩訶薩有十種身。何等為十？所謂：波羅蜜身，正向菩提故；四攝身，不捨眾生故；大悲身，代一切眾生受無量苦，無疲厭故；大慈身，救護一切眾生故；功德身，饒益一切眾生故；智慧身，一切諸佛金剛身故；淨法身，遠離諸趣生死故；方便身，普能示現一切眾生故；神力身，示現一切自在力故；菩提身，隨一切時成菩提故。佛子！是為菩薩摩訶薩十種身；若菩薩摩訶薩安住此身，則得一切諸佛無上大智慧身。
		僧波羅蜜	十種口	佛子！菩薩摩訶薩有十種口。何等為十？所謂：柔軟口，安樂一切眾生故；甘露口，清涼一切眾生故；不虛口，說真實故；如實轉口，乃至夢中無虛言故；尊重口，一切釋、梵、四天王等恭敬尊重故；甚深口，顯現真實法故；堅固口，說無量法不可盡故；正直口，一切音聲具足辯故；莊嚴口，隨時、隨業報普示現故；一切智口，隨其所應度眾生故。佛子！是為菩薩摩訶薩十種口；若菩薩摩訶薩安住此口，則得一切諸佛無上清淨妙口。
		精進波羅蜜	淨修十種口業	佛子！菩薩摩訶薩有十種清淨業莊嚴菩薩口業。何等為十？所謂：樂聞如來清淨音聲淨菩薩口業；樂聞菩薩清淨音聲淨菩薩口業；不說一切眾生不樂聞語淨菩薩口業；於過去世離口四過淨菩薩口業；歡喜讚歎如來淨菩薩口業；於如來塔廟高聲讚佛如實功德淨菩薩口業；一向普施眾生正法淨菩薩口業；音樂歌頌讚歎如來淨菩薩口業；於諸佛所不惜身命聽受正法淨菩薩口業；一向不捨菩薩法師聽受正法奉給供養淨菩薩口業。佛子！是為菩薩摩訶薩十種淨業淨菩薩口業，出生菩薩清淨口業。
		禪定	十種守護	佛子！菩薩摩訶薩出生如是清淨口業，則得十種守護。何等為十？所謂：諸天王及諸天守護，龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王、梵王及諸梵天，一切諸佛法王所共守護。佛子！是為菩薩摩訶薩出生清淨口業得十種守護；
		般若	大十事種	若菩薩摩訶薩出生如是清淨口業得十種守護者，則能成辦十種大事。何等為十？所謂：令一切眾生界皆悉歡喜；一切刹界無不聞知；悉能發起一切諸根；悉能清淨一切性界；拔出一切諸煩惱界；遠離一切諸習氣界；明淨一切諸直心界；長養一切諸深心界；充滿一切諸法性界；照明一切大涅槃界；是為十。

附38-1：華嚴經離世間品之普慧菩薩兩百問之三十五

菩薩入法界十波羅蜜百問	佛十波羅蜜（十問百法）	方便波羅蜜		佛子！菩薩摩訶薩有十種心。何等為十？所謂：
			佛	大地等心，持一切眾生諸善根故；
			法	大海等心，受持無量無邊諸佛智慧大法海故；
			僧	須彌山王等心，令一切眾生安住無上善根故；
			精進	摩尼寶心，遠離煩惱，淨直心故；
			禪定	金剛心，決定了知一切法故；
			般若	堅固金剛圍山心，一切諸魔、外道不能壞故；
			方便	蓮華等心，一切世法不能染故；
			願	優曇鉢華等心，於一切劫難值遇故；
			力	淨日等心，除滅一切眾生愚癡瞠障闇故；
			智	虛空等心，一切眾生無能量故。
				佛子！是為菩薩摩訶薩十種心；若菩薩摩訶薩安住此心，則得一切諸佛無上清淨大心。
		願波羅蜜	十種發心	佛子！菩薩摩訶薩有十種發心。何等為十？所謂：發度脫一切眾生心；發拔出一切眾生煩惱心；發斷除一切習氣心；發斷除一切疑惑；具足清淨無疑惑心；發除滅一切眾生苦惱心；發除滅一切惡道諸難心；發隨順一切諸佛教心；發一切菩薩所學心；發覺悟一切諸佛菩提，示現一切眾生非凡、愚所入心；發擊大法鼓音聲聞于一切世界，普照一切眾生諸根心。佛子！是為菩薩摩訶薩十種發心；若菩薩摩訶薩安住此心，則得一切諸佛無上發心。
		力波羅蜜	十種滿心	佛子！菩薩摩訶薩有十種滿心。何等為十？所謂：滿一切虛空界，眾生無邊故；滿一切法界，深入無量無邊故；滿一切三世，於一念中悉解脫故；滿一切佛，降神、受胎、出生、捨家、得道、轉正法輪，乃至大般涅槃悉明了故；滿一切眾生界，決定了知希望、習氣及諸根故；滿智慧光，隨順了知一切法界故；滿無量無邊，解一切法如幻網故；滿無生，一切諸法無自性故；滿無礙，自心、他心無障礙故；滿自在，於念念中現成菩提故。佛子！是為菩薩摩訶薩十種心滿；若菩薩摩訶薩安住此心，則能成滿一切佛法無上、無量莊嚴。
		智波羅蜜		佛子！菩薩摩訶薩有十種根。何等為十？所謂：
			佛	歡喜根，於一切佛信不壞故；
			法	樂菩薩根，覺悟一切佛菩提故；
			僧	不退菩薩根，究竟一切事故；
			精進	住菩薩根，安住一切菩薩行故；
			禪定	甚深根，覺般若波羅蜜巧方便故；
			般若	不休息根，究竟一切眾生事故；
			方便	金剛等根，決定了知一切法故；
			願	金剛光明焰根，普照一切佛境界故；
			力	不雜根，一切如來同一身故；
			智	無礙際根，深入如來十種力故。
				佛子！是為菩薩摩訶薩十種根；若菩薩摩訶薩安住此根，則得一切諸佛無上淨根。

附38-1：華嚴經離世間品之普慧菩薩兩百問之三十六

菩薩入法界十波羅蜜百問	法十波羅蜜（十問百法）	佛波羅蜜	十種直心	佛子！菩薩摩訶薩有十種直心。何等為十？所謂：不染一切世間法直心；不染聲聞、緣覺直心；隨順菩提直心；不違一切智道直心；一切眾魔及諸外道不能沮壞直心；不染如來圓滿、清淨、智慧、直心；隨所聞法悉能攝取、受持直心；於一切受生處無所選擇直心；深入細微智慧直心；善巧修習一切佛法直心。佛子！是為菩薩摩訶薩十種直心；若菩薩摩訶薩安住此心，則得一切諸佛無上清淨直心。
		法波羅蜜	增上十種深心	佛子！菩薩摩訶薩有十種深心。何等為十？所謂：不退深心，長養一切諸善法故；離疑深心，解一切佛微密語故；正持深心，不捨菩薩大願行故；無上正直深心，深入一切諸佛法故；了達深心，於一切佛法得自在故；殊勝深心，深入種種方便法故；為首深心，於一切境界悉究竟故；自在深心，莊嚴一切三昧自在不斷絕故；具足深心，攝取本大願故；不捨深心，教化一切群生類故。佛子！是為菩薩摩訶薩十種深心；若菩薩摩訶薩安住此心，則得一切諸佛無上清淨深心。
		僧波羅蜜		佛子！菩薩摩訶薩有十種方便。何等為十？所謂：
			佛	布施方便，悉捨一切不求報故；
			法	學一切學，持一切戒，具行頭陀、威儀清淨方便，不輕他故；
			僧	離一切纏、顛倒、瞋恚、我慢，忍一切眾生諸惡方便，遠離一切彼我想故；
			精進	精進不退方便，究竟身、口、意業，一切境界不忘失故；
			禪定	一切諸禪三昧解脫諸通方便，遠離一切五欲、諸煩惱故；
			般若	正向智慧方便，長養一切功德，心無厭足故；
			方便	大慈方便，說一切眾生無眾生故；
			願	代一切眾生受諸苦惱，不捨大悲方便，解一切法無自性故；
			力	十力覺悟方便，決定無礙智，示現一切眾生故；
			智	轉不退法輪方便，轉至眾生心故。
		精進波羅蜜		佛子！是為菩薩摩訶薩十種方便；若菩薩摩訶薩安住此法，則得一切諸佛無上大智方便。
				佛子！菩薩摩訶薩有十種樂修。何等為十？所謂：
			佛	樂修最勝，尊重方便諸善根故；
			法	樂修莊嚴，出生種種諸莊嚴故；
			僧	樂修廣事，心彌曠故；
			精進	樂修寂滅，深入甚深方便法故；
			禪定	樂修無邊，發無量心故；
			般若	樂修善持，一切諸佛所護念故；
			方便	樂修不壞，一切魔業不能壞故；
			願	樂修決定，解了一切諸業報故；
			力	樂修現在，隨意能現自在神力大變化故；
			智	樂修聽受，於一切佛得授記故；
				樂修自在，隨意隨時成菩提故。
				佛子！是為菩薩摩訶薩十種樂修；若菩薩摩訶薩安住此修，則得一切諸佛無上樂修。



附38-1：華嚴經離世間品之普慧菩薩兩百問之三十七

菩薩入法界十波羅蜜百問	法十波羅蜜（十問百法）	禪定波羅蜜	知諸十世界	佛子！菩薩摩訶薩有十種解脫深入世界。何等為十？所謂：一切世界入一世界；一世界入一切世界；一蓮華座一如來身充滿一切世界；示現一切世界皆悉虛空；諸佛莊嚴，莊嚴一切世界；一菩薩身充滿一切世界；於一毛孔中安置一切世界；一切世界入一眾生身；一佛道場、一菩提樹充滿一切世界；一妙音聲充滿一切世界，隨其所應無不聞解，皆為歡喜。佛子！是為菩薩摩訶薩十種解脫深入世界；若菩薩摩訶薩安住此法，則得一切諸佛出生佛刹無上解脫。
		般若波羅蜜		佛子！菩薩摩訶薩有十種入眾生性。何等為十？所謂：
			佛	一切眾生界入無身性；
			法	一切眾生界悉入一眾生身；
			僧	一切眾生界悉入菩薩身；
			精進	一切眾生界悉入如來性藏；
			禪定	一切眾生界悉入一眾生界；
			般若	一切眾生界悉入諸佛法器；
			方便	一切眾生界悉入帝釋、梵王，隨眾生形類而普示現；
			願	一切眾生界示現入一切聲聞、緣覺，不轉威儀；
			力	一切眾生界入菩薩功德莊嚴，莊嚴一切眾生；
			智	一切眾生界入如來相好莊嚴，色身寂靜，威儀示現眾生。
				佛子！是為菩薩摩訶薩十種入眾生性；若菩薩摩訶薩安住此性，則得一切諸佛無上自在性。
		方便	十種習氣	佛子！菩薩摩訶薩有十種習氣。何等為十？所謂：菩提心習氣、善根習氣、教化眾生習氣、見佛習氣、於清淨土受生習氣、菩薩行習氣、大願習氣、波羅蜜習氣、出生平等法習氣、種種分別境界習氣。佛子！是為菩薩摩訶薩十種習氣；若菩薩摩訶薩安住此法，則能除滅一切眾生煩惱習氣，得佛無上大智習氣。
		願波羅蜜	十種熾然	佛子！菩薩摩訶薩有十種熾然。何等為十？所謂：熾然一切眾生界，教化究竟令成熟故；熾然世界，悉嚴淨故；熾然如來，究竟菩薩一切行故；熾然善根，積集如來功德諸相好故；熾然大悲，除滅一切眾生苦故；熾然大慈，令一切眾生安住如來無上樂故；熾然波羅蜜，積集菩薩諸莊嚴故；熾然巧方便，隨其所應悉示現故；熾然菩提，得無礙智故；略說菩薩皆悉熾然一切諸法，明達了知一切法故。佛子！是為菩薩摩訶薩十種熾然；若菩薩摩訶薩安住此法，則能究竟不斷菩薩諸行，除滅一切煩惱熾然，則得一切諸佛無上熾然正法。
		力	十種趣	佛子！菩薩摩訶薩有十種趣。何等為十？所謂：趣波羅蜜、趣學、趣智、趣實義、趣正法、趣出生善根、趣見佛、趣菩薩諸行門、趣無上菩提、趣轉法輪。佛子！是為菩薩摩訶薩十種趣；若菩薩摩訶薩安住此趣，則得一切諸佛無上趣法。
		智波羅蜜	成就十佛法	佛子！菩薩摩訶薩有十種事，則能具足一切佛法。何等為十？所謂：深信善知識具足佛法；深信佛教具足佛法；不謗正法具足佛法；離放逸行、摧滅憍慢、巧妙方便迴向善根具足佛法；深信諸佛境界無量具足佛法；深入一切世界具足佛法；安住法界具足佛法；離諸魔界具足佛法；正念一切佛具足佛法；深信如來成就十力具足佛法。佛子！是為菩薩摩訶薩十種事，則能具足一切佛法；若菩薩摩訶薩安住此法，則得具足一切諸佛無上大智。

附38-1：華嚴經離世間品之普慧菩薩兩百問之三十八

菩薩入法界十波羅蜜百問	僧十波羅蜜（十問百法）	佛波羅蜜	退失十佛種法	佛子！菩薩摩訶薩有十種退失佛法應當遠離。何等為十？所謂：於善知識生憍慢心失佛法道；畏生死苦失佛法道；厭菩薩行失佛法道；厭惡受生失佛法道；樂著三昧失佛法道；於諸善根起疑惑心失佛法道；誹謗正法失佛法道；斷菩薩行失佛法道；樂求聲聞及緣覺乘失佛法道；起瞋恚心失佛法道，應當遠離。佛子！是為菩薩摩訶薩十種退失佛法；若菩薩摩訶薩遠離此法，則得一切菩薩正趣離生，聖行正道。
				佛子！菩薩摩訶薩有十種離生。何等為十？所謂：
		法波羅蜜	佛	出生般若波羅蜜菩薩離生；
			法	觀察一切眾生，遠離一切邪見，斷一切縛，度脫一切眾生菩薩離生；
			僧	不念一切相亦不捨離著相眾生菩薩離生；
			精進	不著三界亦復不著一切世界菩薩離生；
			禪定	永離煩惱而親近眾生菩薩離生；
			般若	於諸法中得離欲法，常以大悲哀念眾生菩薩離生；
			方便	現處眷屬令樂寂靜菩薩離生；
			願	離世界生，現此歿彼生，行菩薩行菩薩離生；
			力	行一切世間事而不染世法菩薩離生；
			智	決定了知無上菩提而亦不捨菩薩行願菩薩離生。
		僧波羅蜜		佛子！是為菩薩摩訶薩十種離生，永離世間；大聖正法，不共一切眾生及聲聞、緣覺；
			決定十種法	若菩薩摩訶薩安住此法，則得一切菩薩十種決定法。何等為十？所謂：於一切如來種姓中生；深入一切如來境界；深解一切諸菩薩行；正向一切諸波羅蜜；出生一切諸佛善根；安住一切如來無上姓中；安住一切諸佛淨力；隨順一切如來菩提；與一切佛共同一身；與一切佛同住而無有異。佛子！是為菩薩摩訶薩十種決定法。
		精進波羅蜜		佛子！菩薩摩訶薩有十種出生佛道法。何等為十？所謂：
			佛	隨順善知識出生佛道法，同善根故；
			法	深信一切佛法出生佛道法，樂求如來無盡自在故；
			僧	於一切大願得正希望出生佛道法，修習廣心故；
			精進	決定了知己身善根出生佛道法，所行諸業無虛妄故；
			禪定	於一切劫修菩薩行出生佛道法，盡未來際無疲厭故；
			般若	於阿僧祇世界諸處受生出生佛道法，善巧方便教化一切眾生故；
			方便	修習不斷菩薩所行出生佛道法，長養大悲故；
			願	以無量心出生佛道法，於一念中充滿一切虛空界故；
			力	深入甚深諸大願行出生佛道法，本生善根不壞、不失故；
			智	善持守護一切如來種姓出生佛道法，令一切眾生發菩提心，志常樂求無上菩提，長養一切善根故。
				佛子！是為菩薩摩訶薩十種出生佛道法；

附38-1：華嚴經離世間品之普慧菩薩兩百問之三十九

菩薩入法界十波羅蜜百問	僧十波羅蜜（十問百法）	禪定波羅蜜	大丈夫十種號	若菩薩摩訶薩安住此法，則得善男子十種名號。何等為十？所謂：菩薩名號，菩提智身故；摩訶薩名號，住大乘故；第一薩埵名號，最第一無間道法故；勝薩埵名號，覺勝菩提故；無比薩埵名號，智慧無比故；上薩埵名號，上精進故；無上薩埵名號，開示顯現無上法故；力薩埵名號，廣知十力故；無等薩埵名號，一切眾生無與等故；不思議薩埵名號，隨其心念覺菩提故。佛子！是為菩薩摩訶薩得善男子十種名號。
		般若波羅蜜		佛子！菩薩摩訶薩有十種道。何等為十？所謂：
			佛	一道是菩薩道，不捨菩提心故。
			法	二道是菩薩道，出生智慧方便故。
			僧	三道是菩薩道，空方便、無相際無際、無願三昧，三界無染故。
			精進	四行是菩薩道，悔過除罪、隨喜功德、恭敬勸請無量諸佛、善知迴向故。
			禪定	長養五根是菩薩道，住有信根不可沮壞，發大精進，究竟一切事而不退轉，安住正念除滅亂想三昧，方便決定了知智慧境界，善巧分別故。
			般若	六通自在是菩薩道：天眼，悉見一切世界有色眾生，死此生彼；天耳，悉聞一切諸佛所說經法，皆能受持廣為一切眾生解說；出生無礙知他心智，悉知一切眾生心念；宿命智通，悉知過去一切阿僧祇劫；長養善根身通自在，隨其所應現大神變；漏盡智通，知見實際生菩薩道不斷絕故。
			方便	七念是菩薩道：念佛，於一毛道見一切佛教化眾生；念法，不離一如來眾，於一切佛所對面聞法悉能受持，隨應眾生諸根希望而度脫之；念僧，見不退轉菩薩大眾，令一切眾生常見菩薩大眾；念施行一切菩薩布施，正念長養菩薩布施功德；念戒，不離菩提心，一切善根迴向眾生；念天，念兜率陀天一生補處菩薩；念一切眾生，善巧方便智慧教化，悉令安隱隨順無上菩提故。
			願	八正道分是菩薩道，所謂：正見，遠離邪見；正思惟，正念一切智遠離虛妄；正語，隨順聖教、離口四過；正業，饒益教化一切眾生未曾失時；正命，安住四聖種成頭陀功德，具足淨威儀，遠離一切惡；正精進，勤修一切菩薩苦行，修佛十力無所罣礙；正念，悉能憶持一切音聲，除滅世間一切亂想；正定，善巧方便，於一三昧，出生菩薩不可思議法門一切三昧故。
			力	九次第定是菩薩道，所謂：離欲、惡不善法因；覺觀起一切口業無所障礙；說法教化一切眾生，令得一切智喜悅，遠離退過、休息喜悅；離世苦樂，常見諸佛；逮得無上菩提快樂；不動三昧出生四無色定；亦不離欲界、色界受生；正受滅盡三昧，而亦不息菩薩行故。
			智	如來十力是菩薩道，所謂：巧方便善知是處非處；善知一切眾生去、來、現在業因果報；善知一切眾生種種諸根，隨彼諸根而為說法；善知眾生無量諸性，善知一切眾生種種欲樂，隨應說法；菩薩淨身，皆悉充滿一切眾生、一切刹、一切世、一切劫，普現如來具足威儀而亦不捨菩薩所行善巧方便；知一切禪三昧解脫垢淨起；知時、非時出生菩薩無量法門；善知一切眾生死此生彼；於一念中，善知三世一切阿僧祇劫；善知一切眾生除滅一切煩惱結使及諸習氣，而亦不捨菩薩行故。
				佛子！是為菩薩摩訶薩十種道；若菩薩摩訶薩安住此道，則得一切諸佛無上巧方便道。

附38-1：華嚴經離世間品之普慧菩薩兩百問之四十

菩薩入法界十波羅蜜百問	僧十波羅蜜（十問百法）	總說		佛子！菩薩摩訶薩有無量道、無量道具、無量修道、無量莊嚴道。何以故？（此即四智行法無量入法界成就，一一各具十種無量）
		方便	無量道十種	菩薩摩訶薩有十種無量道故。何等為十？所謂：虛空界無量、法界無量、眾生界無盡無量、世界無分齊無量、阿僧祇劫無盡究竟無量、眾生語法無量、如來身無量、佛音聲無量、如來力無量、一切智無量。
		願波羅蜜	無量十集道	佛子！是為菩薩摩訶薩十種無量道。何以故？如虛空界無量，菩薩積集道具亦復如是；如法界無量無邊，菩薩積集道具亦復如是；如眾生界無盡無量，菩薩積集道具亦復如是；如世界無分齊無量，菩薩積集道具亦復如是；如一切劫算數不可盡，菩薩積集道具亦復如是；一切眾生悉共算數所不能盡；如一切眾生語言無量，菩薩積集道具出生智慧諸語言法亦復如是；如如來身無量，菩薩積集道具充滿一切眾生，一切剎、一切世、一切劫亦復如是；如佛音聲無量，出一言音皆悉充滿一切法界，一切眾生無不聞知，菩薩積集道具亦復如是；如如來力無量，菩薩積集道具長養如來力亦復如是；如一切智無量，菩薩積集道具亦復如是。佛子！是為菩薩摩訶薩十種道具；若菩薩摩訶薩安住此法，則得一切諸佛無量無邊智慧。
		力波羅蜜	無量十修道	佛子！菩薩摩訶薩有十種修道。何等為十？所謂：不著、不出修，身、口、意無忘失故；無增減修，知諸法真實故；非有、非無修，入非有、非無性故；如幻、如夢、如電、如響、如鏡中像、如熱時焰、如水中月修，於一切法無所著故；空、無相、無願修，見三界不捨長養諸善根故；不可言說修，不著法施設故；不壞法界修，決定了知一切法故；如實際不可壞修，如如虛空際平等至一切故；菩薩智修，不捨勇猛精進力故；如來十力、四無所畏、一切智平等修，於一切法悉除疑惑故。佛子！是為菩薩摩訶薩十種修道；若菩薩摩訶薩安住此法，則得一切諸佛無上、一切智、巧方便修。
		智波羅蜜		佛子！菩薩摩訶薩有十種莊嚴道。何等為十？所謂：
			佛	菩薩摩訶薩不離欲界，悉能正受色、無色界禪定解脫，亦不因此於彼受生，是為第一莊嚴道。
			法	菩薩摩訶薩入聲聞道，亦不乘此道出於三界，是為第二莊嚴道。
			僧	菩薩摩訶薩入緣覺道，亦不捨大悲，是為第三莊嚴道。
			精進	菩薩摩訶薩雖百千天女眷屬圍遶，端嚴殊特、顏容無倫、技術悉備、音樂巧妙，菩薩聞此妙音，未曾暫捨諸禪解脫三昧，是為第四莊嚴道。
			禪定	菩薩摩訶薩與一切眾生設眾妓樂共相娛樂，乃至一念不捨諸禪解脫三昧，是為第五莊嚴道。
			般若	菩薩摩訶薩不著一切世間諸法，究竟世間得到彼岸，度脫眾生，是為第六莊嚴道。
			方便	菩薩摩訶薩安住正智修習正道；趣於邪道欲令眾生遠離邪道，於此邪道不取真實清淨之相，是為第七莊嚴道。
			願	菩薩摩訶薩遠離身、口、意惡業，常持淨戒，一向正求如來淨戒，示現一切凡愚童蒙眾生持戒威儀，為教化成熟犯戒眾生故；菩薩具足成滿一切清淨功德，正趣菩薩趣而現受生地獄、畜生、餓鬼、閻羅王及諸難趣，令彼眾生離惡趣故，而實菩薩不攝彼趣，是為第八莊嚴道。

附38-1：華嚴經離世間品之普慧菩薩兩百問之四十一

菩薩入法界十波羅蜜百問	僧十波羅蜜（十問百法）	智波羅蜜	力	菩薩摩訶薩於一切佛法不由他悟，得無礙辯、明淨智慧，普照一切諸佛正法；安住一切諸佛自在，共一切佛清淨法身，具足成就一切堅固大人明淨正法；安住一切平等諸乘，向一切佛境界法門，一切眾生所應讚歎、恭敬、供養；為一切眾生作無上師，專求正法未曾捨離，示現於法有疑，示現師受恭敬供養和尚、阿闍梨，而實為一切天人無上法師。何以故？菩薩摩訶薩善知方便住菩薩道，隨其所應方便示現，是為第九莊嚴道。
			智	菩薩摩訶薩具足成就甚深智慧，究竟菩薩一切無上法行，一切如來以甘露法而灌其頂，究竟一切法自在彼岸。離垢無礙清淨法繒以冠其首，於一切世界普現如來無礙法身，轉不可壞清淨法輪；清淨法身於一切世界，無處不至；究竟一切法自在彼岸，具足成就一切菩薩自在之法；巧妙方便於一切刹示現受生，與三世佛共一境界而亦不斷菩薩所行；不捨菩薩法，不轉菩薩業，不捨菩薩道，未曾廢捨菩薩威儀，不捨菩薩熾然，不捨善巧方便，不離菩薩事；修菩薩行，心無疲厭，不離菩薩受持法行。何以故？菩薩摩訶薩欲速成阿耨多羅三藐三菩提故，不捨菩薩行，觀察眾生，是為第十莊嚴道。
				佛子！是為菩薩摩訶薩十種莊嚴道；若菩薩摩訶薩安住此道，則得一切諸佛無上道寶莊嚴，而不捨菩薩道。
	精進十波羅蜜（十問百法）	佛波羅蜜	十種足	佛子！菩薩摩訶薩有十種足。何等為十？所謂：淨戒足，積集成滿一切大願故；精進足，積集一切菩提枝至不退轉故；諸通足，隨眾生願令歡喜故；身通足，不離一坐而能悉詣一切佛刹故；深心足，究竟一切勝妙法故；堅誓足，所求諸事悉究竟故；攝持法足，不違一切尊重教故；聞法無厭足，聞持一切佛所說法無疲倦故；如法資生具足，入一切眾諸根無異故；正向菩薩行足，離一切惡故。佛子！是為菩薩摩訶薩十種足；若菩薩摩訶薩安住此足，則得一切諸佛無上勝足，能一舉足皆悉遍至一切世界。
				佛子！菩薩摩訶薩有十種手。何等為十？所謂：
		法波羅蜜	佛	信手，於一切佛所說正法，一向信心究竟受持故；
			法	不著財施手，有來乞者令歡喜故；
			僧	先意善來問訊手，右掌相顯現故；
			精進	恭敬供養一切佛手，長養無量功德無疲厭故；
			禪定	善解多聞手，除一切眾生諸疑惑故；
			般若	遠離三界離生寂靜手，拔欲污泥眾生類故；
			方便	安置彼岸手，救濟四流漂沒眾生故；
			願	離吝法手，盡能開說一切法故；
		僧波羅蜜	力	一切世間離世間諸論智手，除滅一切身心病故；
			智	智慧寶手，除滅一切煩惱癡闇，示現一切不可稱說法光明故。
				佛子！是為菩薩摩訶薩十種手；若菩薩摩訶薩安住此手，則得一切諸佛無上之手，能以一掌普覆十方一切世界。
		僧波羅蜜	十種腹	佛子！菩薩摩訶薩有十種腹。何等為十？所謂：離諂曲腹，直心清淨故；離幻偽腹，身、口、意業皆真正故；不為事腹，離藏惡故；無窮盡腹，於一切法無所著故；滅煩惱腹，智明淨故；清淨心腹，離一切惡故；觀察一切食想腹，正念真實法故；觀察一切行腹，善覺緣起故；善覺一切道腹，具足成就正希望故；離一切煩惱諸邪見腹，令一切眾生得如來腹故。佛子！是為菩薩摩訶薩十種腹；若菩薩摩訶薩安住此腹，則得一切諸佛無上之腹，悉能容受一切眾生。

附38-1：華嚴經離世間品之普慧菩薩兩百問之四十二

菩薩入法界十波羅蜜百問	精進十波羅蜜（十問百法）	精進波羅蜜		佛子！菩薩摩訶薩有十種藏。何等為十？所謂：
			佛	不斷如來種姓是菩薩藏，廣說佛法長養無量諸善法故；
			法	受持守護如來正法是菩薩藏，開示眾生大智明故；
			僧	長養僧寶是菩薩藏，攝取不退正法輪故；
			精進	覺悟正定眾生是菩薩藏，度脫眾生不失時故；
			禪定	教化成熟不定眾生是菩薩藏，善根相續因不斷故；
			般若	發大悲心救護邪定眾生是菩薩藏，起彼未來善根因緣故；
			方便	滿足如來十力不可沮壞是菩薩藏，降伏眾魔具足成就不退善根故；
			願	住四無畏大師子吼是菩薩藏，令一切眾生悉歡喜故；
			力	得佛十八不共法是菩薩藏，一切智慧無不至故；
			智	平等覺悟一切眾生、一切剎、一切法、一切佛是菩薩藏，於一念中深入平等故。
				佛子！是為菩薩摩訶薩十種藏；若菩薩摩訶薩安住此藏，則得一切諸佛無上善根大智慧藏。
		禪定波羅蜜	十種心	佛子！菩薩摩訶薩有十種心。何等為十？所謂：勇猛心，所發事業悉究竟故；無懈怠心，積集相好諸善根故；勇健力心，摧伏一切諸惡魔故；正思惟心，除滅一切煩惱垢故；不退轉心，往詣道場究竟菩提故；性清淨心，覺心無所至、無所著故；知眾生心，隨眾生性令彼覺悟得解脫故；入大梵天住佛法心，種種眾生性悉救護故；空無相無願無行心，遠離相見不著三界故；金剛莊嚴心，眾生數等魔乃至不能動一毛故。佛子！是為菩薩摩訶薩十種心；若菩薩摩訶薩安住此心，則得一切諸佛無上金剛藏心。
		般若波羅蜜	十種被甲	佛子！菩薩摩訶薩有十種莊嚴。何等為十？所謂：大慈莊嚴，救護一切眾生故；大悲莊嚴，堪忍一切苦故；大願莊嚴，所可發願悉究竟故；迴向莊嚴，建立一切諸佛功德妙莊嚴故；功德莊嚴，饒益一切眾生故；波羅蜜莊嚴，度脫一切眾生故；智慧莊嚴，除滅一切眾生煩惱愚癡闇故；方便莊嚴，出生普門諸善根故；一切智心堅固不亂莊嚴，不樂異乘故；決定莊嚴，於正法中滅疑惑故。佛子！是為菩薩摩訶薩十種莊嚴；若菩薩摩訶薩安住此法，則得一切諸佛無上莊嚴，降一切魔。
		方便波羅蜜	十種器仗	佛子！菩薩摩訶薩有十種器仗。何等為十？所謂：遠離慳吝惠施心仗，除滅一切慳貪垢故；持戒仗，拔出一切諸惡戒故；平等觀察一切法仗，遠離一切虛妄法故；智慧仗，除滅眾生諸煩惱故；正命仗，遠離一切諸邪命故；方便仗，一切示現故；略說貪、恚、癡一切煩惱是菩薩仗，以煩惱門化眾生故；生死仗，不斷菩薩行教化眾生故；說實法仗，一切無著故；一切智門仗，不離菩薩行門故。佛子！是為菩薩摩訶薩十種器仗；若菩薩摩訶薩安住此法，則能除滅一切眾生長夜積集煩惱、結使、習氣。
		願波羅蜜	十種頭	佛子！菩薩摩訶薩有十種頭。何等為十？所謂：涅槃首，無見頂故；恭敬尊重首，一切世間，天人恭敬供養故；深妙首，於一切三千大千世界最第一故；一切善根首，三界眾生應供養故；荷負一切眾生首，得無上金剛頂故；無量無邊首，攝取一切最勝法故；般若波羅蜜首，樂法王法故；方便首，示現一切眾生平等首故；教化成熟一切眾生首，為一切眾生無上師故；守護如來正法首，不斷三寶故。佛子！是為菩薩摩訶薩十種頭；若菩薩摩訶薩安住此法，則得一切諸佛無上智頂。

附38-1：華嚴經離世間品之普慧菩薩兩百問之四十三

菩薩入法界十波羅蜜百問	精進十波羅蜜 (十問百法)	力波羅蜜	十種眼	佛子！菩薩摩訶薩有十種眼。何等為十？所謂：肉眼，見一切色故；天眼，見一切眾生死此生彼故；慧眼，見一切眾生諸根故；法眼，見一切法真實相故；佛眼，見如來十力故；智眼，分別一切法故；明眼，見一切佛光明故；出生死眼，見涅槃故；無礙眼，見一切法無障礙故；普眼，平等法門見法界故。佛子！是為菩薩摩訶薩十種眼；若菩薩摩訶薩成就此眼，則得一切諸佛無上大智慧眼。
		智波羅蜜	十種耳	佛子！菩薩摩訶薩有十種耳。何等為十？所謂：聞讚歎聲，斷除貪愛；聞毀訾聲，斷除瞋恚；聞聲聞、緣覺聲，不起求心；聞菩薩道聲，發起歡喜奇特之心；聞地獄、畜生、餓鬼、閻羅王、阿脩羅、一切難處貧苦音聲，發起大悲莊嚴而自莊嚴；聞天人趣勝妙音聲，觀一切法皆悉無常；聞佛功德音聲，勤修精進究竟滿足一切功德；聞波羅蜜、四攝、菩薩、經藏音聲，發究竟心到於彼岸；聞十方世界一切音聲，悉了如響。菩薩摩訶薩從初發心乃至道場，常正受法耳，而亦不捨教化成熟一切眾生。佛子！是為菩薩摩訶薩十種耳；若菩薩摩訶薩成就此耳，則得一切諸佛無上大智慧耳。
	禪定十波羅蜜 (十問百法)	佛波羅蜜		佛子！菩薩摩訶薩有十種鼻。何等為十？所謂：
			佛	所聞穢氣，觀察不臭所；
			法	聞香氣，觀察不香所；
			僧	聞香臭，觀察平等；
			精進	聞非香、非臭，觀察捨離；
			禪定	聞衣服、床褥、臥具及身肢節香，則知彼人貪恚愚癡等分煩惱；
			般若	聞大寶藏諸藥草香，悉能了知一切寶藏；
			方便	聞下至阿鼻地獄，上至非想、非非想處眾生之香，悉能了知諸根本行；
			願	聞聲、聞施戒、聞慧香，住一切智心未曾散亂；
			力	聞一切菩薩行香，攝取如來智地；
			智	聞一切佛智境界香，不斷菩薩所行。
				佛子！是為菩薩摩訶薩十種鼻；若菩薩摩訶薩成就此鼻，則得一切諸佛無量無邊無上清淨鼻。
	法波羅蜜 (十問百法)	十種舌		佛子！菩薩摩訶薩有十種舌。何等為十？所謂：分別解說一切眾生無盡行舌；分別解說無盡法舌；讚歎諸佛無盡功德舌；無盡辯舌；演說無盡大乘法舌；普覆十方虛空界舌；普照一切佛世界舌；平等讚歎一切眾生舌；隨順諸佛令歡喜舌；降一切魔及諸外道，除滅一切生死煩惱，悉令眾生至涅槃舌。佛子！是為菩薩摩訶薩十種舌；若菩薩摩訶薩成就此舌，則得諸佛無上大金剛舌，普覆一切世界。
		僧波羅蜜	十種身	佛子！菩薩摩訶薩有十種身。何等為十？所謂：人身，教化成熟一切人故；非人身，教化成熟地獄、畜生、餓鬼、閻羅王故；天身，教化成熟欲界、色界、無色界眾生故；學身，示現學地故；無學身，示現阿羅漢地故；緣覺身，教化令入緣覺地故；菩薩身，積集大乘故；如來身，授如來智記故；摩[少/兔]摩身，巧方便出生無量功德故；無漏法身，以少方便普現一切眾生身故。佛子！是為菩薩摩訶薩十種身；若菩薩摩訶薩成就此身，則得一切諸佛無上法身。

附38-1：華嚴經離世間品之普慧菩薩兩百問之四十四

菩薩入法界十波羅蜜百問	精進波羅蜜		佛子！菩薩摩訶薩有十種意。何等為十？所謂：
		佛	上首意，出生一切善根故；
		法	隨順佛教意，如說修行故；
		僧	深入意，解一切佛法故；
		精進	內意，深入眾生希望故；
		禪定	不亂意，不為煩惱所亂故；
		般若	清淨意，不受垢染故；
		方便	善調伏意，不失時故；
		願	正思惟業意，遠離一切惡故；
		力	調伏諸根意，於境界中諸根不馳騁故；
		智	深定意，佛三昧不可稱量故。
			佛子！是為菩薩摩訶薩十種意；若菩薩摩訶薩成就此意，則得一切諸佛無上意。
	禪定波羅蜜	十種行	佛子！菩薩摩訶薩有十種行。何等為十？所謂：聞法行，樂聽受法故；說法行，利益眾生故；不隨愛、瞋、癡、怖行，調伏自心故；欲界行，教化成熟欲界眾生故；色、無色界三昧行，令速轉故；義法行，速成淨慧故；一切趣行，教化眾生故；一切佛剎行，恭敬、禮拜、供養一切佛故；涅槃行，斷生死相續故；成滿諸佛行，不斷菩薩行故。佛子！是為菩薩摩訶薩十種行；若菩薩摩訶薩成就此行，則得一切諸佛行、非行、如來行。
			佛子！菩薩摩訶薩有十種住。何等為十？所謂：
		佛	菩提心住，未曾忘失故；
		法	波羅蜜住，不厭功德故；
		僧	樂聞正義住，明淨智慧故；
		精進	阿練若處住，成就諸大三昧故；
		禪定	隨順一切智頭陀威儀四聖種住，少欲知足故；
		般若	隨順住，順正法故；
		方便	親近如來住，成滿佛威儀故；
		願	諸明住，滿足大智故；
		力	無生忍住，受記滿足故；
		智	道場菩提住，滿足力無畏一切佛法故。
			佛子！是為菩薩摩訶薩十種住；若菩薩摩訶薩安住此住，則得一切諸佛無上一切智住。
	般若波羅蜜		佛子！菩薩摩訶薩有十種坐。何等為十？所謂：轉輪王坐，興十善故；四天王坐，欲於一切世界諸佛正法得自在故；帝釋坐，於一切眾生最第一故；梵天坐，自心、他心得自在故；師子坐，分別演說甚深義故；正法坐，欲明陀羅尼諸力辯故；堅固三昧坐，究竟大誓故；大慈坐，令惡心眾生悉歡喜故；大悲坐，能忍一切諸苦惱故；金剛坐，調伏眾魔諸外道故。佛子！是為菩薩摩訶薩十種坐；若菩薩摩訶薩安住此坐，則得一切諸佛無上尊坐。
		十種坐	
	方便波羅蜜		



附38-1：華嚴經離世間品之普慧菩薩兩百問之四十五

菩薩入法界十波羅蜜百問	禪定十波羅蜜（十問百法）	願波羅蜜	十種臥	佛子！菩薩摩訶薩有十種臥。何等為十？所謂：寂靜臥，身心憺怕故；禪定臥，正念思惟觀諸法故；諸三昧臥，身心柔軟故；梵天臥，不惱自他故；思惟業臥，後心無悔故；順正法臥，不可傾動故；正道臥，善知識覺悟故；妙願臥，善知迴向故；一切事畢臥，所作究竟故；捨方便臥，究竟本事故。佛子！是為菩薩摩訶薩十種臥；若菩薩摩訶薩安住此法，則得一切諸佛無上道臥，悉能覺悟一切眾生。
		力波羅蜜	十種住	佛子！菩薩摩訶薩有十種住。何等為十？所謂：大慈住，等心觀察一切眾生故；大悲住，不輕未學眾生故；大喜住，滅憂惱故；大捨住，有為、無為悉平等故；一切波羅蜜住，菩提心為首故；一切種空住，善解諸法故；無相住，離生受證不退轉故；無願住，捨受生故；念慧住，忍法成滿故；一切法平等住，得授記法故。佛子！是為菩薩摩訶薩十種住；若菩薩摩訶薩安住此住，則得一切諸佛無上無礙住。
		智波羅蜜		佛子！菩薩摩訶薩有十種行。何等為十？所謂：
			佛	正念行，滿足四念處故；
			法	諸趣行，正覺法趣故；
			僧	慧行，隨順諸佛故；（行於有為，於佛相應故）
			精進	波羅蜜行，滿足一切智故；（住於自性，生諸萬法故）
			禪定	四攝行，教化成熟諸眾生故；
			般若	生死行，長養一切諸善根故；
			方便	一切眾生言戲行，拔出眾生故；
			願	貪熾然行，覺悟一切眾生諸根故；
			力	巧方便行，長養般若波羅蜜故；
			智	道場行，覺一切智不斷菩薩行故。
				佛子！是為菩薩摩訶薩十種行；若菩薩摩訶薩安住此行，則得一切諸佛無上大智慧行。
	般若十波羅蜜（十問百法）	佛波羅蜜	十種觀察	佛子！菩薩摩訶薩有十種觀察。何等為十？所謂：觀察善業，乃至微色，悉照見故；觀察死此生彼，不著一切眾生故；觀察一切眾生諸根，決定了知無根法故；觀察妙法，法界不可壞故；觀察現前於一切佛法，修佛眼故；觀察智慧，隨器說法故；觀察無生法忍，決定得佛法故；觀察不退佛地，除滅一切煩惱，超出三界、二乘地故；觀察甘露灌頂法地，於一切佛法得自在不動故；觀察佛三昧，於一切十方作佛事故。佛子！是為菩薩摩訶薩十種觀察；若菩薩摩訶薩安住此法，則得一切諸佛無上大智觀察。
		法波羅蜜	十種普觀察	佛子！菩薩摩訶薩有十種周遍觀察。何等為十？所謂：周遍觀察諸來求者，慈心施與滿彼意故；周遍觀察諸犯戒者，安置如來清淨戒故；周遍觀察害心眾生，安置如來堪忍力故；周遍觀察諸懈怠者，令彼眾生勤修精進究竟大乘故；周遍觀察亂心眾生，除彼亂心安置如來一切智地故；周遍觀察愚癡眾生，除彼疑惑一切有見故；周遍觀察諸善知識，隨如來教住佛法故；周遍觀察隨所聞法，具足成就無上義故；周遍觀察一切眾生，不捨大悲故；周遍觀察一切佛法，覺一切智故。佛子！是為菩薩摩訶薩十種周遍觀察；若菩薩摩訶薩安住此法，則得一切諸佛無上大智周遍觀察。

附38-1：華嚴經離世間品之普慧菩薩兩百問之四十六

菩薩入法界十波羅蜜百問	般若十波羅蜜（十問百法）	僧波羅蜜		佛子！菩薩摩訶薩有十種奮迅。何等為十？所謂：
			佛	色奮迅，於天、龍、夜叉、乾闥婆、阿脩羅、迦樓羅、緊那羅、摩睺羅伽等一切眾中現最勝故；
			法	象奮迅，示現象寶心故；
			僧	龍奮迅，興大法雲普覆一切，曜明解脫電光，震實義雷，降諸根力覺意禪定解脫三昧甘露法雨故；
			精進	大金翅鳥王奮迅，壞滅愚癡闇瞋穀膜消竭愛水，於大苦海搏撮煩惱諸惡龍故；
			禪定	師子奮迅，安住無畏，被執平等大智鎧仗，摧伏眾魔諸外道故；
			般若	勇健奮迅，能於生死大戰陣中，摧滅一切煩惱大怨敵故；
			方便	智慧奮迅，決定了知陰界諸入十二緣起，現一切佛自在法故；
			願	陀羅尼奮迅，聞持一切法未曾忘失，廣為群生分別說故；
			力	辯才奮迅，分別一切句身、味身無所罣礙，隨問即答，悉令歡喜，言不虛故；
			智	如來奮迅，坐師子座，降伏眾魔，調伏外道，滿足一切智，具一念相應慧，所得、所知、所覺、所成，皆悉覺知成無上菩提故。
				佛子！是為菩薩摩訶薩十種奮迅；若菩薩摩訶薩安住此法，則得一切諸佛無上自在奮迅。
		精進波羅蜜		佛子！菩薩摩訶薩有十種師子吼。何等為十？所謂：
			佛	我必成佛，是菩提心師子吼；
			法	於一切眾生起大悲心，未度者度、未脫者脫、未安者安、未涅槃者令得涅槃，是大悲師子吼；
			僧	守護受持不斷三寶性，是報如來恩師子吼；
			精進	令一切佛刹皆悉清淨，是究竟大誓師子吼；
			禪定	除滅一切惡道諸難，是自持淨戒師子吼；
			般若	滿足如來身、口、意相好莊嚴，是積集功德無厭足師子吼；
			方便	成滿一切諸佛智慧，是積集智慧眾具無厭足師子吼；
			願	除滅一切魔事專求正道，是除滅煩惱師子吼；
			力	知一切法無我、無我所，無命、無福伽羅，空、無相願，觀一切法淨如虛空，是於一切法得無生忍師子吼；
			智	一生補處菩薩摩訶薩，嚴淨震動一切佛刹，釋、梵、四天王咸悉請求降神下生，以無礙慧眼普觀世間一切眾生無勝我者，示現出生遊行七步大師子吼；我於世間最勝第一，我永究竟生老死法，是如說修行師子吼。
				佛子！是為菩薩摩訶薩十種師子吼；若菩薩摩訶薩安住此法，則得一切諸佛無上大師子吼。
		禪定波羅蜜	清淨施 十種	佛子！菩薩摩訶薩有十種淨施。何等為十？所謂：平等心施，無惡眾生故；隨意施，滿一切願故；無亂心施，不退轉故；隨應供施，分別了知福伽羅故；不選擇施，不求果報故；一向施，於一切物心無著故；內外一切施，究竟清淨故；迴向菩提施，遠離有為無為故；教化成熟眾生施，乃至道場不捨離故；三種圓滿清淨施，施者、受者、財物平等清淨如虛空故。佛子！是為菩薩摩訶薩十種淨施；若菩薩摩訶薩安住此施，則得一切諸佛無上清淨大施。

附38-1：華嚴經離世間品之普慧菩薩兩百問之四十七

菩薩入法界十波羅蜜百問	般若十波羅蜜（十問百法）	般若波羅蜜	清淨戒 十種	佛子！菩薩摩訶薩有十種淨戒。何等為十？所謂：身淨戒，防護身三惡故；口淨戒，遠離口四過故；心淨戒，永離貪恚諸邪見故；具一切淨戒，於天人中最勝妙故；守護菩提心淨戒，不樂小智故；守護如來所說淨戒，乃至微細罪大怖畏故；微密淨戒，善拔犯戒諸眾生故；不作一切惡淨戒，積集一切諸善法故；遠離一切有見淨戒，於戒無著故；守護一切眾生淨戒，出生大悲故。佛子！是為菩薩摩訶薩十種淨戒；若菩薩摩訶薩安住此戒，則得一切諸佛遠離眾惡無上淨戒。
			方便波羅蜜	佛子！菩薩摩訶薩有十種淨忍。何等為十？所謂：若他罵辱悉能堪忍，護彼心故；若他刀杖加害亦能堪忍，護彼我故；知一切瞋恚忍，自然不動故；自在處忍，能害不害故；眾生歸趣忍，不惜身命故；遠離我慢忍，不輕未學故；割截肢節忍，觀察如幻故；一切惡事忍，離自他想故；煩惱忍，遠離煩惱境界故；隨順一切菩薩方便智忍，得無生忍，於一切智境界不由他悟故。佛子！是為菩薩摩訶薩十種淨忍；若菩薩摩訶薩安住此忍，則得一切諸佛無上法忍，不由他悟。
		願波羅蜜		佛子！菩薩摩訶薩有十種淨精進。何等為十？所謂：
			佛	淨身業精進，恭敬、供養、奉給一切諸佛菩薩，尊重福田，不退轉故；
			法	淨口業精進，聞持一切諸佛正法，未曾忘失，讚歎如來，隨所聞法廣為人說，無疲倦故；
			僧	淨意業精進，巧方便入慈悲喜捨禪定解脫三昧，相續起無退轉故；
			精進	淨直心精進；遠離諂曲正直一切事，一切方便究竟不退轉故；
			禪定	淨深心精進，常趣勝趣，積集無上智慧白淨法故；
			般若	行不虛妄淨精進，攝取布施、戒、忍、多聞及不放逸，乃至道場不中息故；
			方便	降伏一切眾魔怨敵淨精進，悉能除滅貪、恚、愚癡、煩惱、邪見，諸纏障蓋故；
			願	滿足慧光淨精進，有所施作悉善思惟，心無中悔，究竟眾事得一切佛不共法故；
			力	無所染著淨精進，離心境界身、口、心相非相甚深法門，普觀境界決定了知真實如如故；
			智	具足成就法明淨精進，次第進入一切諸地，於諸佛所得甘露灌頂，受法王記無漏法身，現捨天壽降神世間，出家、成道、轉淨法輪、入大涅槃，究竟具足普賢行故。
				佛子！是為菩薩摩訶薩十種淨精進；若菩薩摩訶薩安住此法，則得一切諸佛無上大淨精進。
		力波羅蜜		佛子！菩薩摩訶薩有十種淨禪。何等為十？所謂：
			佛	常樂出家淨禪，捨離一切有故；
			法	親近善知識淨禪，諮受修習正法道故；
			僧	樂阿練若處淨禪，遠離我、我所法故；
			精進	離言戲憤鬧處淨禪，樂寂滅故；
			禪定	心柔軟淨禪，諸根不亂故；
			般若	智慧寂靜淨禪，一切音聲諸禪定刺不能亂故；
			方便	七覺八道淨禪，於一切智境界智慧決定故；

附38-1：華嚴經離世間品之普慧菩薩兩百問之四十八

菩薩入法界十波羅蜜百問	般若十波羅蜜（十問百法）	力波羅蜜	願	離味禪等諸煩惱垢淨禪，不取欲界故；
			力	諸通明內淨禪，決定了知一切眾生諸根故；
			智	以少方便現前遊戲神通淨禪，如來三昧不可稱量故。
				佛子！是為菩薩摩訶薩十種淨禪；若菩薩摩訶薩安住此禪，則得一切諸佛無上淨禪。
		智波羅蜜		佛子！菩薩摩訶薩有十種淨慧。何等為十？所謂：
			佛	知因淨慧，不壞果報故；
			法	解一切緣淨慧，不壞和合故；
			僧	解一切法不常不斷淨慧，了緣起如如故；
			精進	拔出一切邪見淨慧，不取眾生相故；
			禪定	解一切眾生心、心所行淨慧，觀一切法皆如幻故；
			般若	諸辯勝智淨慧，隨問能答無罣礙故；
			方便	降伏眾魔及諸外道出過聲聞、緣覺淨慧，深入如來方便智故；
			願	見一切佛清淨法身、見一切眾生皆悉清淨、見一切法皆悉寂滅、見一切世界皆悉虛空淨慧，於一切相智慧無礙故；
			力	攝取一切陀羅尼，辯諸波羅蜜巧方便淨慧，得一切勝智故；
			智	一念相應金剛智，覺一切法平等淨慧，具足成就無上智故。
				佛子！是為菩薩摩訶薩十種淨慧；若菩薩摩訶薩安住此慧，則得一切諸佛無上大智。
	方便十波羅蜜（十問百法）	佛波羅蜜	十種清淨慈	佛子！菩薩摩訶薩有十種淨慈。何等為十？所謂：等心淨慈，不選擇眾生故；饒益淨慈，於一切眾生有所施作，悉能辦故；救護淨慈，究竟度脫一切眾生，生死嶮難故；哀愍不捨一切眾生淨慈，長養有為善根故；解脫淨慈，滅一切眾生諸煩惱故；出生菩提淨慈，令一切眾生樂求菩提故；於一切眾生無礙淨慈，放無量光明普照眾生故；虛空淨慈，救護一切眾生故；法緣淨慈，覺悟真實法故；無緣淨慈，證取菩薩離生法故。佛子！是為菩薩摩訶薩十種淨慈；若菩薩摩訶薩安住此慈，則得一切諸佛無上清淨大慈。
			十種清淨悲	佛子！菩薩摩訶薩有十種淨悲。何等為十？所謂：不共淨悲，自大悲故；不厭淨悲，代一切眾生受大苦故；處一切惡道淨悲，受生死度眾生故；一切天人中受生淨悲，示現一切法悉無常故；為邪定眾生淨悲，於無量劫大誓莊嚴不捨離故；不著己樂淨悲，與眾生樂故；不求報淨悲，自心清淨故；除滅一切眾生倒惑淨悲，說實法故；知一切法自性清淨，空無所有，客塵所染，菩薩於彼而起淨悲，說真淨法故；解一切法如虛空足跡，眾生癡瞋不知真實，菩薩於彼而起淨悲，欲令眾生發大乘心，究竟涅槃故。佛子！是為菩薩摩訶薩十種淨悲；若菩薩摩訶薩安住此悲，則得一切諸佛無上清淨大悲。
		僧波羅蜜	十種清淨喜	佛子！菩薩摩訶薩有十種淨喜。何等為十？所謂：發菩提心淨喜；捨一切所有淨喜；於犯戒人不生惡心，教化成就淨喜；於一切諍訟眾生，悉令和合得無上智淨喜；不惜身命守護正法淨喜；遠離五欲常樂正法淨喜；令一切眾生不著資生之具，常樂正法淨喜；見一切佛恭敬供養無有厭足，而不壞法界淨喜；令一切眾生常樂禪定解脫三昧相續淨喜；令一切眾生專求寂靜，除滅亂想得無上慧，遠離邪見滿足諸願，究竟菩薩苦行淨喜。佛子！是為菩薩摩訶薩十種淨喜；若菩薩摩訶薩安住此喜，則得一切諸佛無上清淨大喜。

附38-1：華嚴經離世間品之普慧菩薩兩百問之四十九

菩薩入法界十波羅蜜百問	方便十波羅蜜（十問百法）	精進波羅蜜	十種清淨捨	佛子！菩薩摩訶薩有十種淨捨。何等為十？所謂：一切眾生恭敬供養不生愛著，一切眾生輕慢毀辱，不生瞋恚淨捨；常行世間，不為八法之所染污淨捨；於器知時，於非器不生惡心淨捨；不求聲聞、緣覺、學、無學淨捨；遠離五欲一切煩惱，乃至不生一念惡心淨捨；不歎修行二乘及厭生死淨捨；遠離世間語、非涅槃語、非離欲語、戲笑語、惱他語、聲聞緣覺語、乃至一切障菩提語淨捨；若有眾生待時受化，菩薩淨捨；若有眾生應受佛化，菩薩淨捨；菩薩摩訶薩遠離二法，無上、無下、無取、無捨、無虛、無實，觀察平等安住真實得忍淨捨。佛子！是為菩薩摩訶薩十種淨捨；若菩薩摩訶薩安住此捨，則得一切諸佛無上清淨大捨。
			十種義	佛子！菩薩摩訶薩有十種義。何等為十？所謂：多聞義，如說修行故；法義，善巧方便分別解故；空義，解第一空故；寂滅義，令一切眾生離生死故；不可說義，一切語言無所著故；如義，一切三世等觀察故；入法義，悉一味故；如來義，順如來故；實際義，覺真實故；大般涅槃義，滅一切苦，不斷菩薩行故。佛子！是為菩薩摩訶薩十種義；若菩薩摩訶薩安住此義，則得一切諸佛無上一切智義。
			十種法	佛子！菩薩摩訶薩有十種法。何等為十？所謂：真實法，如說修行故；無害法，遠離瞋恚故；無諍法，除滅一切諸煩惱故；寂滅法，離熾然故；離欲法，永離欲垢諸煩惱故；不虛法，離虛妄故；不生法，一切諸法悉虛空故；無為法，離三相故；性淨法，自然清淨故；報身煩惱滅無餘涅槃法，行菩薩行受持不捨故。佛子！是為菩薩摩訶薩十種法；若菩薩摩訶薩安住此法，則得一切諸佛無上之法。
		方便波羅蜜		佛子！菩薩摩訶薩有十種功德具。何等為十？所謂：
			佛	勸發眾生起菩提心是功德具，不斷三寶故；
			法	隨順十種迴向是功德具，斷一切不善法，集一切善法故；
			僧	智慧正教是功德具，於三界功德最殊勝故；
			精進	心無疲厭是功德具，度脫一切眾生到彼岸故；
			禪定	悉能捨離內外所有是功德具，於一切物悉無著故；
			般若	相好滿足，精進不退是功德具，止心馳騁故；
			方便	不輕三品善根是功德具，善巧方便迴向菩提故；
			願	於邪定犯戒眾生不起輕慢，增長大悲是功德具，顯現大人法故；
			力	恭敬供養一切如來，於一切菩薩起如來想，於一切眾生所作究竟是功德具，長養守護正直心故；
			智	菩薩摩訶薩於阿僧祇劫，具足修習一切善根，皆悉能捨，與一眾生，心無憂悔，如一眾生，一切眾生亦復如是，是為第十虛空界等大功德具，具足成就廣大智慧故。
				佛子！是為菩薩摩訶薩十種功德具；若菩薩摩訶薩安住此法，則得一切諸佛無上大功德具。

附38-1：華嚴經離世間品之普慧菩薩兩百問之五十

菩薩入法界十波羅蜜百問	方便十波羅蜜（十問百法）	願波羅蜜		佛子！菩薩摩訶薩有十種智具。何等為十？所謂：
			佛	親近真實多聞善知識，恭敬、尊重、禮拜、供養、奉給、隨順，不違其教，是第一智具，遠離諂曲故。
			法	離慢下意，心無放逸，身、口及意皆悉柔軟，無有輕躁，心常歡喜，護持淨戒，和顏愛語，先意問訊，遠離邪偽，是第二智具，自然成就佛法器故。
			僧	安住念慧，不捨正覺，除滅亂想，修習六念，行六和敬，不求其報，是第三智具，出生長養十種智故。
			精進	樂法樂義，勤修正法，學無厭足，遠離世論及世間語，樂聞離世間語，遠離小乘，樂求大乘，是第四智具，修習正念，不可思議故。
			禪定	正求六波羅蜜，受持修習，具足成就四種梵住，順諸明法，能問智人；遠離惡趣，專向善趣，慈心調伏，離訶責譏論，防護他心，是第五智具，如說修行諸佛真實法故。
			般若	常樂出家，不樂三界，守護自心，遠離三覺，不生惡心，身、口及意，皆悉柔軟，善知心性，是第六智具，令自、他心俱清淨故。
			方便	觀陰如幻界、如毒蛇入、如空聚，觀一切法如化如焰、水月鏡像、如夢、如電、如呼聲響、如旋火輪、如空中字、如因陀羅陣、如日月光、非常非斷、無來、無去、無住，深心信解，不起誹謗，是無生住滅第七智具，具足成就一切法空淨智慧故。
			願	無我、無眾生、無福伽羅、無思、無義、無貪恚癡、無所有、無毀、無譽、無取、無捨、無主、無行，究竟涅槃，若菩薩摩訶薩聞此深法，能信能解，除滅疑惑，是第八智具，究竟具足深解脫故。
			力	以正方便思惟止觀，調伏諸根，一切諸法無所造作；無生無為，皆悉寂滅，眾生計我者，究竟無所有、無縛、無脫、無身口心、亦無精進，觀察一切眾生、一切法、一切心、一切行，無前無後，皆悉平等，是第九智具，遠離一切相，究竟到彼岸故。
			智	菩薩摩訶薩善知緣起故，見法清淨；見法清淨故，見剎清淨；見剎清淨故，見虛空清淨；見虛空清淨故，見法界清淨；見法界清淨故，則見智慧；是第十智具，積集一切智故。
				佛子！是為菩薩摩訶薩十種智具；若菩薩摩訶薩安住此法，則得一切諸佛，一切法中，無上無礙清淨大智。
	力波羅蜜	十種明足		佛子！菩薩摩訶薩有十種明足。何等為十？所謂：深知佛法明足；一切法中除癡闇明足；遠離邪見明足；慧光清淨普照諸根明足；正方便勤修精進明足；深入菩薩真諦，正趣離生明足；滅煩惱業，成就盡智、無生智明足；思惟淨慧清淨天眼明足；清淨憶念，念宿命明足；具足淨地清淨諸明，除滅諸漏，漏盡智明足。佛子！是為菩薩摩訶薩十種明足；若菩薩摩訶薩安住此法，則得一切諸佛，一切法中，無上大明。
				佛子！菩薩摩訶薩有十種求法。何等為十？所謂：
			佛	直心求法，離於諂曲虛偽心故；
			法	精勤求法，離懈怠故；
	智波羅蜜	僧		一向求法，不惜身命故；

附38-1：華嚴經離世間品之普慧菩薩兩百問之五十一

菩薩入法界十波羅蜜百問	方便十波羅蜜	智波羅蜜	精進	為斷一切眾生煩惱求法，不求資生具故；
			禪定	為饒益一切眾生求法，不自利故；
			般若	為深入智慧求法，不輕彼故；
			方便	欲令正法常堅固求法，不樂世間故；
			願	為愍憫眾生求法，不捨菩提心故；
			力	為隨一切眾生所問能答求法，悉能除滅諸疑惑故；
			智	為具滿佛法求法，不樂餘乘故。
				佛子！是為菩薩摩訶薩十種求法；若菩薩摩訶薩安住此法，則得一切諸佛法中無上無礙智，不由他悟。
	願十波羅蜜（十問百法）	佛波羅蜜		佛子！菩薩摩訶薩有十種明了法。何等為十？所謂：
			凡夫	隨順世間明了法，為欲長養一切世間凡夫善根故；
			隨信	無礙不壞信明了法，解法真性，信行人故；
			隨法行	安住法界明了法，解法行人故；
			第八人	遠離八邪，向八正道明了法，解八人故；
			須陀洹	除滅眾結，斷生死漏，見真實諦明了法，解須陀洹故；
			斯陀含	觀味是患，還來受生明了法，解斯陀含故；
			阿那含	乃至須臾不樂三界，不著受生，專求盡漏明了法，解阿那含故；
			阿羅漢	六通自在，遊八解脫，隨意正受九次第定諸辯明了法，解阿羅漢故；
			辟支佛	常樂寂靜，因外緣解知足少事，不由他悟，成就智慧明了法，解緣覺故；
			菩薩	成就勝智，諸根明利，心常解脫，長養無量功德智慧，滿足諸佛十力、四無所畏，一切佛法明了法，解菩薩故。
				佛子！是為菩薩摩訶薩十種明了法；若菩薩摩訶薩安住此法，則得一切諸佛無上大智慧明了法。
	法波羅蜜	十種向法		佛子！菩薩摩訶薩有十種向法。何等為十？所謂：隨順恭敬善知識向法；覺悟諸天向法；於一切佛常懷慚愧向法；哀念眾生不斷生死向法；究竟一切事，不起虛妄心向法；遠離餘乘，專修菩薩大乘向法；遠離邪道，專求正道向法；降伏眾魔，滅除煩惱向法；安住佛地，知一切眾生諸根，隨應聞法，廣為演說向法；安住無量無邊清淨法界向法。佛子！是為菩薩摩訶薩十種向法；若菩薩摩訶薩安住此法，則得一切諸佛無上向法。
	僧波羅蜜	十種魔		佛子！菩薩摩訶薩有十種魔。何等為十？所謂：五陰魔，貪著五陰故；煩惱魔，煩惱染故；業魔，能障礙故；心魔，自憍慢故；死魔，離受生故；天魔，起憍慢放逸故；失善根魔，心不悔故；三昧魔，味著故；善知識魔，於彼生著心故；不知菩提正法魔，不能出生諸大願故。佛子！是為菩薩摩訶薩十種魔；應作方便，速遠離之。
	精進	佛		佛子！菩薩摩訶薩有十種魔業。何等為十？所謂：
	法	惡心布施，瞋持戒者，是為魔業；棄捨惡性懈怠眾生，輕慢厭惡亂心無智眾生，是為魔業；		

附38-1：華嚴經離世間品之普慧菩薩兩百問之五十二

菩薩入法界十波羅蜜百問	願十波羅蜜（十問百法）	精進波羅蜜	僧	慳惜正法，訶責法器眾生，貪求利養，為人說法，為非器人說深妙法，是為魔業；
			精進	不聞波羅蜜，雖聞不修行，生懈怠心，不求深妙無上菩提，是為魔業；
			禪定	遠離善知識，親近惡知識，樂求二乘，於受生處，起離欲、寂靜、除滅之心，是為魔業；
			般若	於菩薩所起瞋恚心，說其過惡，斷彼利養，常求罪釁，惡眼視之，是為魔業；
			方便	誹謗正法，不聞契經，聞不讚歎，若有法師說法，不能恭敬、下意、自謙，我說是義，彼說非義，是為魔業；
			願	學世間論，巧於文字，善於句味，手筆文誦，樂說二乘，隱覆深法，開演雜語，於非器所說甚深法，遠離菩提，安住邪道，是為魔業；
			力	已度已安者，親近恭敬而供養之，未度未安者，永不親近恭敬供養，亦不教化，是為魔業；
			智	墮增上慢，增長諸慢，輕蔑眾生，不求正法真實智慧，諸根散亂，難可化度，是為魔業。
				佛子！是為菩薩摩訶薩十種魔業；菩薩摩訶薩應速遠離，正求佛業。
		禪定波羅蜜	捨離十種魔業	佛子！菩薩摩訶薩有十種捨離魔業。何等為十？所謂：親近善知識捨離魔業；不自尊舉、不自讚歎捨離魔業；信佛深法，不生誹謗，捨離魔業；未曾忘失一切智心捨離魔業；安住不放逸，修習甚深法捨離魔業；安住菩薩藏，正求一切法捨離魔業；常欲聽法，樂聞深義，心無疲倦捨離魔業；歸依十方一切諸佛捨離魔業；信心正念一切諸佛菩提樹捨離魔業；一切菩薩出生善根，皆悉不二，捨離魔業。佛子！是為菩薩摩訶薩十種捨離魔業；若菩薩摩訶薩安住此業，則離一切諸魔業道。
			見十種	佛子！菩薩摩訶薩有十種見佛。何等為十？所謂：無著佛，安住世間成正覺故；願佛，出生故；業報佛，信故；持佛，隨順故；涅槃佛，永度故；法界佛，無處不至故；心佛，安住故；三昧佛，無量無著故；性佛，決定故；如念佛，普覆故。佛子！是為菩薩摩訶薩十種見佛；若菩薩摩訶薩安住此法，則能觀見無上如來。
		方便波羅蜜		佛子！菩薩摩訶薩有十種佛業。何等為十？所謂：
			佛	勸化眾生是第一佛業，隨順長養諸佛法故；
			法	夢中見佛是第二佛業，發起過去諸善根故；
			僧	多聞是第三佛業，逮得無疑決定智故；
			精進	為悔纏所纏者，善巧方便說悔過法，是第四佛業，除滅一切諸疑悔故；
			禪定	若有眾生起慳心、無智心、聲聞心、緣覺心、害心、疑心、憍慢心者，現如來身相好莊嚴，化斯等類，是第五佛業，出生長養過去諸善根故；
			般若	正法難時，廣為眾生說淨妙法，眾生聞已，使得具足陀羅尼智慧神通，如應示現，饒益眾生，是第六佛業，心力清淨故；
			方便	若魔事起，種種方便速遠離之，以虛空界等微妙音聲，亦不輕蔑他人，除滅一切魔業，具足忍辱，是第七佛業，正直功德故；



附38-1：華嚴經離世間品之普慧菩薩兩百問之五十三

菩薩入法界十波羅蜜百問	願十波羅蜜（十問百法）	方便波羅蜜	願	行無量行，不證聲聞、緣覺，離生聖行，諸根未熟者，不為彼人說解脫果，但除愛本，是第八佛業，出生本願故；
			力	斷除一切生死漏縛，一切諸結，出生菩薩行，於一切眾生，長養大悲，深信解菩薩所行，究竟涅槃，是第九佛業，不斷菩薩行故。
			智	菩薩摩訶薩為自他故，求解脫道而無厭足，離一切行及一切法，於如來色身無所染著，精勤專求無礙智慧，不由他悟，令一切佛剎嚴飾清淨，決定了知皆悉虛空，教化成熟一切眾生，而不捨無我性；安住法界，諸通自在，具足成就一切種智而不捨菩薩行；轉淨法輪，令一切眾生皆得歡喜，廣為眾生說甚深法；示現如來無量自在而不捨菩薩身，現大涅槃而不捨離一切處生。佛子！菩薩摩訶薩出生如是等，乃至翻覆三昧，是第十佛業。
				佛子！是為菩薩摩訶薩十種佛業；若菩薩摩訶薩安住此業，則得一切諸佛無上無師大業，不由他悟。
		願波羅蜜		佛子！菩薩摩訶薩有十種慢業。何等為十？所謂：
			佛	於尊重福田、和尚、阿闍梨、父母、沙門、婆羅門所，而不尊重恭敬供養，是為慢業。
			法	有諸法師得勝妙法乘，於大乘深知，出生死道，得陀羅尼；成就多聞，具智慧藏，善能說法，而不信受恭敬供養，是為慢業。
			僧	聽受法時，若聞深法，發離欲心，歡喜無量而不讚法師，令眾歡喜，是為慢業。
			精進	起憍慢心，自高降彼，不省己實，不調自心，是為慢業。
			禪定	起計我心，見有功德智慧者，不讚其美，見無德者，反說其善；若聞讚他，於彼人所起嫉妒心，是為慢業。
			般若	若有法師，知是法、是律、是實、是佛語，以憎嫉故，說言非法、非律、非實、非佛語，欲壞他信心故，是為慢業。
			方便	自敷高座，我為法師，不應執事，不應宗敬，供養餘人；諸修、梵行、尊長、有德，悉應恭敬供養於我，是為慢業。
			願	遠離嘖蹙、惡眼視彼；常以和顏，等觀眾生，言常柔軟，無有麤獷，離恚恨心；而於彼法師，求其過惡，是為慢業。
			力	以我慢心，於多聞者，不往恭敬，起聞法留難；亦不諮問何等為善，何等不善，何等應作，何等不應作，作何等業，長夜饒益一切眾生；作何等行，不益眾生；作何等行，從明入明；作何等行，從冥入冥；如是人輩，為我心漂沒，不能得見出要正道，是為慢業。
			智	起慢心故，不值諸佛難得之法，消盡宿世所種善根，不應說而說，起訶責心，更相譏論，住如是法；應入邪道，但菩提心力故，而不永捨菩薩所行，雖不捨菩薩道，而於無量百千萬劫，尚不值佛，何況聞法，是為慢業。
				佛子！是為菩薩摩訶薩十種慢業；若菩薩摩訶薩離此慢業，則得一切諸佛十種無上清淨意業。
		力波羅蜜		佛子！菩薩摩訶薩有十種智業。何等為十？所謂：
			佛	信解因緣，不壞因果，是為智業；
			法	不捨菩提心，常念一切佛，是為智業；
			僧	親近一切諸善知識，恭敬供養，心無懈怠，是為智業；

附38-1：華嚴經離世間品之普慧菩薩兩百問之五十四

菩薩入法界十波羅蜜百問	願十波羅蜜（十問百法）	力波羅蜜	精進	樂法樂義，多聞無厭，專求正法，遠離邪念，修習正念，是為智業；
			禪定	於一切眾生，不起我心，於一切菩薩，起如來想，愛樂菩薩猶如己身，愛重正法如惜己命，愛敬如來如護己目，於持戒者，生諸佛想，是為智業；
			般若	離身、口、意諸不善業，修行清淨身、口、意業，歎諸賢聖隨順菩提，是為智業；
			方便	不違緣起，離諸邪見，除滅癡闇，照一切法，是為智業；
			願	於十迴向起慈母想，於諸波羅蜜起慈父想，於巧方便起菩提想，是為智業；
			力	於布施、淨戒、多聞，專求止觀、功德、智慧，心無疲厭，是為智業；
			智	若業，諸佛所讚，能降眾魔，滅除煩惱、諸纏、障礙，教化眾生，順智律儀，攝取正法，嚴淨佛刹，正向通明，是為智業。
				佛子！是為菩薩摩訶薩十種智業；若菩薩摩訶薩安住此業，則得一切諸佛出生巧妙、方便、無上智業。
	智波羅蜜	魔所攝持	十種攝持	佛子！菩薩摩訶薩有十種魔所攝持。何等為十？所謂：懈怠心魔所攝持、捨佛正法魔所攝持、貪求無厭魔所攝持、專念自度魔所攝持、不發大願魔所攝持、遠離煩惱常樂寂靜魔所攝持、斷生死漏魔所攝持、捨菩薩行魔所攝持、捨教化成熟一切眾生心魔所攝持、於正法中生疑惑心誹謗佛法魔所攝持。佛子！是為菩薩摩訶薩十種魔所攝持，應速遠離。
			十種佛所攝持	若菩薩摩訶薩能棄捨此魔所攝持，則得一切諸佛十種攝持。何等為十？所謂：佛攝持故，初發菩提心；佛攝持故，常於生生未曾忘失菩提之心；佛攝持故，覺一切魔事能悉遠離；佛攝持故，聞六波羅蜜如說修行；佛攝持故，知生死苦而不厭惡；佛攝持故，觀甚深法得解脫果；佛攝持故，為眾生說聲聞、緣覺、解脫，而不樂彼乘；佛攝持故，觀無為性，心不樂住，於有為法，不生二相；佛攝持故，令不相續，得寂滅相續；佛攝持故，得一切智自在，而不捨眾生種姓、所行。佛子！是為菩薩摩訶薩十種佛攝持；若菩薩摩訶薩安住此持，則得一切諸佛十力所持。
	法波羅蜜	十種法所攝持	十種法所攝持	佛子！菩薩摩訶薩有十種法攝持。何等為十？所謂：一切行無常法所攝持；一切行苦法所攝持；一切法無我法所攝持；寂滅涅槃法所攝持；法從緣起，無緣則不起法所攝持；不正思惟故，起無明行乃至老死，不正思惟滅故，則無明滅，無明滅故，乃至老死滅法所攝持；三解脫門，出生聲聞乘，決定無諍法，出生緣覺乘法所攝持；六波羅蜜、四攝法，出生大乘法所攝持；知一切剎、一切法、一切眾生、一切世間，是佛境界法所攝持；斷一切念，捨一切取，離過去、未來、隨順涅槃法所攝持。佛子！是為菩薩摩訶薩十種法攝持；若菩薩摩訶薩安住此持，則得一切諸佛無上法持。
			佛	佛子！菩薩摩訶薩住兜率天有十種業。何等為十？所謂：菩薩摩訶薩為欲界諸天說離欲法，縱逸自在皆悉無常，一切快樂皆悉苦惱，勸發開導彼諸天子發菩提心，是為住兜率天第一所行事業。
	僧波羅蜜	法	法	菩薩摩訶薩為色界諸天，說諸禪解脫三昧相續，起彼諸禪支有味著者，因味起身見、邪見、無明煩惱，為說實智，於一切妙色起顛倒心，妄想取淨，為說不淨，觀察無常，勸發開導彼諸天子發菩提心，是為住兜率天第二所行事業。

附38-1：華嚴經離世間品之普慧菩薩兩百問之五十五

菩薩入法界十波羅蜜百問	力十波羅蜜（十問百法）	僧波羅蜜	僧	菩薩摩訶薩住兜率天，正受三昧，名光明莊嚴，於自身中放大光明，普照一切三千大千世界，隨其所應，以種種音聲而為說法；彼諸眾生聞說法已，皆大歡喜，起恭敬心，命終之後生兜率天，復為說法，皆悉令發菩提之心，是為住兜率天第三所行事業。
			精進	菩薩摩訶薩以無礙淨眼，普觀十方一切兜率天菩薩摩訶薩；彼諸菩薩亦見此菩薩摩訶薩，各相見已，為彼菩薩廣說正法；謂：降神母胎，出生世間，捨家求道，往詣道場，以大莊嚴而自莊嚴，發起過去所行，憶過去行，成就功德，不離此座；現如是等一切諸事，是為住兜率天第四所行事業。
			禪定	菩薩摩訶薩住兜率天，十方一切兜率天菩薩欲見此菩薩摩訶薩，恭敬、供養、禮拜故，皆來詣此；爾時，菩薩摩訶薩欲令彼諸菩薩皆悉歡喜，滿其願故，說大法門，隨彼菩薩所住之地，所行、所斷、所修、所證，具足廣說；彼諸菩薩聞說法已，皆大歡喜，各還本剎所住宮殿，是為住兜率天第五所行事業。
			般若	菩薩摩訶薩住兜率天，講說正法時，欲界主天魔波旬眷屬圍遶，詣菩薩所，壞亂說法；爾時，菩薩住金剛智所，攝般若波羅蜜巧妙方便深入智門，說甘露法，承佛神力說如來法，皆悉降伏彼諸魔眾；時，彼魔眾見菩薩如是自在神力，又聞說法，皆發阿耨多羅三藐三菩提心，是為住兜率天第六所行事業。
			方便	菩薩摩訶薩住兜率天，知欲界天子不識苦故，不樂聞法；爾時，菩薩摩訶薩放大音聲，告諸天子：今日菩薩摩訶薩出內眷屬，若欲見者應速詣此。聞是音已，無量億那由他天子悉往詣彼；爾時，菩薩摩訶薩普現宮內一切眷屬，彼諸天子未曾聞見；見已，皆大歡喜。此菩薩眷屬音樂之中出如是聲而告之言：諸天子！一切眾行皆悉無常，一切眾行皆悉大苦，一切諸法皆悉無我、寂滅、涅槃。又復告言：汝等皆應修菩薩行，究竟菩提，具一切智。時，諸天子聞是音已，心大恐怖，一向正求無上菩提，是為住兜率天第七所行事業。
			願	菩薩摩訶薩住兜率天，不捨兜率天所坐之處，悉能往詣一切佛所，見諸如來，恭敬禮拜、供養、聽法；爾時，諸佛為菩薩說甘露灌頂授記之法，一切諸明菩薩行地，欲令菩薩以一念相應慧，具足一切枝、一切種，深入一切智，是為住兜率天第八所行事業。
			力	菩薩摩訶薩住兜率天，以法界、虛空界等一切供養，恭敬供養一切世界諸佛，見此供養時，無量無邊眾生發菩提心，是為住兜率天第九所行事業。
			智	菩薩摩訶薩住兜率天，出生無量無邊法門，示現一切世界中，種種色、種種形、種種威儀、種種方便，隨其所應而為說法；欲令一切眾生悉歡喜故，是為住兜率天第十所行事業。
				佛子！是為菩薩摩訶薩住兜率天十種所行事業。若菩薩摩訶薩具足此業，則能下生人間。
		精進波羅蜜		佛子！菩薩摩訶薩於兜率天臨命終時有十種示現事。何等為十？所謂：
			佛	菩薩於兜率天，臨命終時，於足下相輪放大光明，名安樂莊嚴，普照三千大千世界一切諸難惡道眾生，觸斯光者，滅一切苦，皆得安樂；爾時，眾生咸作是念：今日忽有奇特大人出現于世。是為第一所示現事。
			法	菩薩摩訶薩於兜率天，臨命終時放眉間白毫相光，名曰覺悟；普照三千大千世界，觸彼宿世同行菩薩摩訶薩身。觸已，咸作是念：彼菩薩摩訶薩於兜率天，今將命終。時，諸菩薩即化作無量無邊供養之具，疾往詣彼菩薩摩訶薩所，是為第二所示現事。

附38-1：華嚴經離世間品之普慧菩薩兩百問之五十六

菩薩入法界十波羅蜜百問	力十波羅蜜（十問百法）	精進波羅蜜	僧	菩薩摩訶薩臨命終時，於右掌中出大光明，名淨境界；悉能嚴淨三千大千世界，此世界中，若有無漏諸辟支佛，覺斯光者，即捨壽命，若不覺者，光明力故，徙置他方餘世界中，一切諸魔及眾外道，有見眾生悉皆徙置他方世界，除如來住持所化眾生，是為第三所示現事。
			精進	菩薩摩訶薩從其兩膝放大光明，名曰離垢清淨莊嚴，普照最下諸天宮殿；上至淨居諸天宮殿，無不明了；時，諸天子咸作是念：今此菩薩摩訶薩於兜率天將捨壽命。時，諸天子疾辦供具、香華、瓔珞、塗香、末香、衣蓋、幢幡、及諸音樂，詣菩薩所，恭敬供養，我等咸皆隨侍守護，從此命終乃至示現大般涅槃，是為第四所示現事。
			禪定	菩薩摩訶薩於兜率天臨命終時，從其心中放大光明，名曰金剛淨妙莊嚴，普照一切世界金剛力士；爾時，百億金剛力士咸作是念：此是菩薩摩訶薩於兜率天將欲命終故，以此相示現我等，我等咸當隨侍守護。乃至示現大般涅槃，是為第五所示現事。
			般若	菩薩摩訶薩於兜率天臨命終時，從一切毛孔放大光明，名曰分別一切眾生，普照三千大千世界，遍觸一切諸菩薩身，觸已，復觸一切諸天世人；時，諸菩薩咸作是念：我等當往詣彼，恭敬供養如來，并復教化彼諸眾生。是為第六所示現事。
			方便	菩薩摩訶薩於兜率天臨命終時，於摩尼寶藏正法堂中放大光明，名善調伏；隨彼菩薩所降神處，普照王宮，彼諸菩薩各作是念：隨此菩薩所生之處，若於其家、若於聚落、若於城邑，若閻浮提內受生之處，我當生彼，為欲教化諸眾生故。是為第七所示現事。
			願	菩薩摩訶薩於兜率天臨命終時，天樓閣中放大光明，名淨莊嚴一切宮殿；放斯光明照所生母，照已，彼菩薩母安隱快樂，具足成就一切功德，其母身內自然樓閣七寶莊嚴，為欲安處菩薩身故，是為第八所示現事。
			力	菩薩摩訶薩於兜率天臨命終時，放足下光明，名曰安住；若諸天子及諸梵天其命將終，蒙斯光故，皆得住壽供養菩薩；從此命終，乃至示現大般涅槃，是為第九所示現事。
			智	菩薩摩訶薩於兜率天，從其小相放大光明，名嚴淨日眼，示現菩薩種種諸業。時，有人天或見菩薩在兜率天，或見命終、或見處胎、或見出生、或見捨家、或見成佛、或見轉法輪、或見如來大般涅槃，是為第十所示現事。佛子！菩薩摩訶薩或於坐處、或於樓閣、或於宮殿，放如是等百萬阿僧祇光，放斯光時，顯現無量諸菩薩業。
		禪定波羅蜜		佛子！菩薩摩訶薩具足如是等一切淨業故，從兜率天下生世間。
				佛子！菩薩摩訶薩有十種事故降神母胎。何等為十？所謂：
			佛	為教化成熟小心眾生故，示現處胎；不令小心眾生作如是念：菩薩自然化生，善根智慧不從行得。是為第一事示現處胎。
			法	又復欲令父母諸親長養宿世同行善根故，是為第二事示現處胎。
			僧	菩薩摩訶薩初受胎時，遠離愚癡，正念思惟，除滅亂想，成就念慧，心未曾亂，是為第三事示現處胎。
			精進	菩薩摩訶薩處母胎時，常講說法，十方世界諸菩薩眾，釋梵四天王，來詣菩薩，菩薩即時廣為說法；示現菩薩自在神力，菩薩摩訶薩具足成就無量無邊諸智慧故，現如是等奇特之事，是為第四事示現處胎。

附38-1：華嚴經離世間品之普慧菩薩兩百問之五十七

菩薩入法界十波羅蜜百問	力十波羅蜜（十問百法）	禪定波羅蜜	禪定	菩薩摩訶薩於母胎中，為化眾生故，令彼眾生本願滿故，是為第五事示現處胎。
			般若	菩薩摩訶薩於人中成道，應具人法受生故，是為第六事示現處胎。
			方便	菩薩摩訶薩於母胎中，三千大千世界眾生，普見菩薩處於母胎，如明鏡中見其面像；爾時，大心諸天龍、夜叉、乾闥婆、阿脩羅、迦樓羅、緊那羅、摩睺羅伽、人、非人等，悉詣菩薩，恭敬供養，是為第七事示現處胎。
			願	菩薩摩訶薩處母胎時，餘方世界，一生補處，在母胎者，悉共講說菩薩無盡智慧之藏，是為第八事示現處胎。
			力	菩薩摩訶薩初受胎時，正受離垢三昧，一切兜率天宮，一切供養莊嚴之具，悉入母胎三昧力故；令其母身無諸苦患，是為第九事示現處胎。
			智	佛子！菩薩摩訶薩處母胎時，具足成就無量無邊功德藏故，十方世界一切供具，悉以供養一切如來，彼諸如來為此菩薩，演說無量無邊法界法門，是為第十事示現處胎。
		般若波羅蜜	甚微細趣	若菩薩摩訶薩住此法門，則能示現菩薩十種微細趣。何等為十？所謂：菩薩摩訶薩處母胎時，示現初發菩提之心，乃至甘露灌頂授記之地；在母胎中，又復現處兜率陀天；在母胎中示現出生；在母胎中示現童子地；在母胎中現在宮殿色味之間；在母胎中示現出家；在母胎中現行苦行，往詣道場成等正覺；在母胎中現轉法輪；在母胎中示現大般涅槃；在母胎中示現微細諸法，一切菩薩行，一切如來自在神力無量行門。佛子！是為菩薩摩訶薩十種微細趣；若菩薩摩訶薩安住此趣，則得一切諸佛無上智慧大微細趣。
		方便波羅蜜	十種生	佛子！菩薩摩訶薩有十種生。何等為十？所謂：離愚癡生；放大光明網，普照三千大千世界生；除滅一切未來世最後身生；不生生；知三界諸劫悉如幻生；於十方世界普現身生；具足一切智身生；放一切如來光明普照覺悟一切眾生生；正受大智自在諸禪三昧身生；佛子！菩薩生時一切佛剎六種震動，一切眾生皆得解脫，一切惡道皆悉除滅，映蔽一切諸魔光明悉如聚墨，無量菩薩普來雲集。佛子！是為菩薩摩訶薩十種生，為欲化度眾生類故，示現是生。
		願波羅蜜		佛子！菩薩摩訶薩有十種大莊嚴而自莊嚴。何等為十？所謂：
			佛	菩薩摩訶薩作如是念：一切世間沒五欲泥，除我一人，無能濟彼，如是知故，發大莊嚴而自莊嚴。
			法	煩惱愚癡覆眾生眼，皆悉盲瞽，我今智慧自在，當普開導眾生慧眼，悉令清淨，發大莊嚴而自莊嚴。
			僧	我今因此假名身故，得如來無上清淨法身，充滿三世，發大莊嚴而自莊嚴。
			精進	菩薩摩訶薩以無礙淨眼，悉遍觀察十方一切諸梵天處，乃至大自在天處，是等眾生，皆自謂：我成就自在智慧之力。菩薩悉能摧滅彼我慢心，發大莊嚴而自莊嚴。
			禪定	菩薩摩訶薩見諸眾生，於過去世種諸善根，今欲退沒，我今還令彼諸眾生，住不退地，發大莊嚴而自莊嚴。
			般若	欲令眾生種少善根，得無量果，發大莊嚴而自莊嚴。
			方便	見佛無量自在神力，發大莊嚴而自莊嚴。
			願	觀見過去同行菩薩，染著餘事，不成正覺，發大莊嚴而自莊嚴。

附38-1：華嚴經離世間品之普慧菩薩兩百問之五十八

菩薩入法界十波羅蜜百問	力十波羅蜜（十問百法）	願	力	菩薩摩訶薩，見諸天人疲頓厭倦，退正希望，發大莊嚴而自莊嚴。
			智	菩薩摩訶薩為一切如來光明觸故，長養一切大正希望，發大莊嚴而自莊嚴。
				佛子！是為菩薩摩訶薩十種大莊嚴，為教化眾生故，發此莊嚴而自莊嚴。
		力波羅蜜	示現十七種步	佛子！菩薩摩訶薩有十種事故，遊行七步。何等為十？所謂：現菩薩力故，遊行七步；現七寶故，遊行七步；滿地神願故，遊行七步；現超出三界相故，遊行七步；現大象王、牛王、師子王最勝行故，遊行七步；現金剛地相故，遊行七步；欲與眾生力故，遊行七步；現七覺寶相故，遊行七步；具足成就一切佛法，不由他悟故，遊行七步；欲自稱：我於世最勝無倫匹故，遊行七步。佛子！是為菩薩摩訶薩十種事故，遊行七步。教化眾生故，作是示現。
				佛子！菩薩摩訶薩有十種事故，現童子地。何等為十？所謂：
			佛	書、數、算計、刻印、方便現此業故，現童子地；
			法	現乘象、馬、車乘、弓射諸武藝故，現童子地；
			僧	欲學一切世間巧妙談論諸嬉戲故，現童子地；
			精進	離身、口、意一切惡業故，現童子地；
			禪定	現正向般涅槃，正受三昧充滿一切諸世界故，現童子地；
			般若	現菩薩力過天、人、龍、夜叉、乾闥婆、阿脩羅、迦樓羅、緊那羅、摩睺羅伽、釋梵、四天王故，現童子地，
			方便	現殊妙色，出過一切釋梵四天王故，現童子地；
			願	欲令眾生遠離五欲，常樂正法故，現童子地；
			力	為現尊重正法，供養一切世界諸如來故，現童子地；
			智	常樂正法，普現一切受持正法故，現童子地。
	智十波羅蜜（十問百法）	智波羅蜜		佛子！是為菩薩摩訶薩十種事故，現童子地。
				佛子！菩薩摩訶薩現童子地已，有十種事故，現處中宮。何等為十？所謂：
			佛	令修同行者，增長善根故，現處中宮；
			法	欲明菩薩諸善根故，現處中宮；
			僧	為著樂天人故，現處中宮；
			精進	於五濁世，隨應化故，現處中宮；
			禪定	於深宮內正受三昧，欲明菩薩功德力故，現處中宮；
			般若	欲令宿世同行眾生滿本願故，現處中宮；
			方便	欲令父母親屬滿本願故，現處中宮；
			願	欲以妓樂出妙法音供養一切佛故，現處中宮；
			力	菩薩摩訶薩於其宮內入甚深三昧，成等正覺，乃至示現大般涅槃故，現處中宮；
			智	隨順守護法故，現處中宮。
				佛子！是為菩薩摩訶薩十種事故，現處中宮，以此事故，最後生菩薩示現出家。

附38-1：華嚴經離世間品之普慧菩薩兩百問之五十九

菩薩入法界十波羅蜜百問	智十波羅蜜（十問百法）	法波羅蜜		佛子！菩薩摩訶薩有十種事故，示現出家。何等為十？所謂：
			佛	欲令眾生厭離家故，示現出家；
			法	為著家眾生故，示現出家；
			僧	欲現隨順諸賢聖道故，示現出家；
			精進	欲宣揚讚歎出家法故，示現出家；
			禪定	欲令眾生離二見故，示現出家；
			般若	欲令眾生離欲樂、我樂故，示現出家；
			方便	欲現出三界相故，示現出家；
			願	欲顯自在不由他悟故，示現出家；
			力	欲隨順如來十力、四無畏故，示現出家；
			智	一切最後生菩薩法應爾故，示現出家。
				佛子！是為菩薩摩訶薩十種事故，示現出家，為化眾生故。
		僧波羅蜜		佛子！菩薩摩訶薩為十種事故，示現苦行。何等為十？所謂：
			佛	菩薩摩訶薩欲教化成熟小心眾生故，示現苦行；
			法	為拔著邪見眾生故，示現苦行；
			僧	為無業報邪見眾生，欲令知業報故，示現苦行；
			精進	為隨順五濁世界眾生故，示現苦行；
			禪定	為懈怠眾生故，示現苦行；
			般若	欲令眾生樂求法故，示現苦行；
			方便	為著欲樂、我樂眾生故，示現苦行；
			願	為顯菩薩殊勝行故，示現苦行；
			力	欲令未來眾生發精進故，示現苦行；
			智	諸天世人諸根未熟，待時熟故，示現苦行。
				佛子！是為菩薩摩訶薩為十種事故，示現苦行。
		精進波羅蜜		佛子！菩薩摩訶薩有十種事故，往詣道場。何等為十？所謂：
			佛	欲普照一切世界故，往詣道場；
			法	為震動一切世界故，往詣道場；
			僧	欲於一切世界普現身故，往詣道場；
			精進	為覺悟一切菩薩、一切眾生、一切同行故，往詣道場；
			禪定	為示現道場莊嚴事故，往詣道場；
			般若	為隨應受化示現莊嚴菩提樹故，往詣道場；
			方便	欲對見十方世界一切佛故，往詣道場；
			願	欲於舉足、下足，念念悉入無量正受諸三昧門成等正覺故，往詣道場；
			力	為受一切天、龍、夜叉、乾闥婆、阿脩羅、迦樓羅、緊那羅、摩睺羅伽，乃至釋梵、四天王等，恭敬供養各不相知故，往詣道場；
			智	欲以無礙智眼，普觀一切世界，正念一切佛，於一切剎現成佛故，往詣道場。
				佛子！是為菩薩摩訶薩十種事故，往詣道場，為教化眾生故。

附38-1：華嚴經離世間品之普慧菩薩兩百問之六十

菩薩入法界十波羅蜜百問	智十波羅蜜（十問百法）	禪定波羅蜜	坐道場	佛子！菩薩摩訶薩有十種事故，坐於道場。何等為十？所謂：種種震動一切剎故，坐於道場；普照一切諸世界故，坐於道場；除滅一切諸惡道故，坐於道場；變一切剎為金剛故，坐於道場；觀一切佛師子吼故，坐於道場；離一切虛妄，心淨如虛空故，坐於道場；示現隨順淨身威儀故，坐於道場；隨順圓滿金剛三昧故，坐於道場；受一切佛清淨坐處故，坐於道場；自善根力悉能受持一切眾生故，坐於道場。佛子！是為菩薩摩訶薩十種事故，坐於道場。
				佛子！菩薩摩訶薩坐道場時，有十種奇特未曾有法。何等為十？所謂：
		般若波羅蜜	佛	菩薩摩訶薩坐道場時，十方世界一切諸佛，觀此菩薩咸舉右手讚言：善哉！善哉！無上導師。是一奇特未曾有法；
			法	菩薩摩訶薩坐道場時，一切如來、應供、等正覺，皆悉護持，是二奇特未曾有法；
			僧	菩薩摩訶薩坐道場時，宿世同行菩薩悉來雲集，以種種莊嚴具恭敬供養，是三奇特未曾有法；
			精進	菩薩摩訶薩坐道場時，十方一切世界草木、叢林、非眾生類，皆悉曲躬歸向道場，是四奇特未曾有法；
			禪定	菩薩摩訶薩坐道場時，正受三昧，名善知法界，得此三昧故，究竟菩薩一切諸行，是五奇特未曾有法；
			般若	菩薩摩訶薩坐道場時，得陀羅尼，名曰離垢勝妙海藏，菩薩摩訶薩住此陀羅尼故，一切諸佛降甘露法，雨此菩薩，是六奇特未曾有法；
			方便	菩薩摩訶薩坐道場時，以神通力恭敬供養一切諸佛，是七奇特未曾有法；
			願	菩薩摩訶薩坐道場時，入於無上智慧法門，善巧方便，悉知一切眾生諸根，是八奇特未曾有法；
			力	菩薩摩訶薩坐道場時，正受三昧，名曰善覺，菩薩摩訶薩入此定已，得淨法身滿虛空界、一切三世，是九奇特未曾有法；
			智	菩薩摩訶薩坐道場時，清淨身業，攝取三世無礙智慧，普照一切，是十奇特未曾有法。
				佛子！是為菩薩摩訶薩坐道場時，得十種奇特未曾有法。
		方便波羅蜜		佛子！菩薩摩訶薩坐道場時，有十種義故，示現降魔。何等為十？所謂：
			佛	五濁惡世眾生，樂相征伐，欲顯菩薩功德力故，示現降魔；
			法	悉滅天人諸疑惑故，示現降魔；
			僧	為欲化度魔眷屬故，示現降魔；
			精進	諸天世人樂征伐者，令集受化故，示現降魔；
			禪定	集天人已，顯現菩薩功德之力不可破壞，調伏眾生故，示現降魔；
			般若	發起一切眾生力故，示現降魔；
			方便	哀愍未來一切眾生故，示現降魔；
			願	乃至道場現有魔事，悉能超出眾魔境故，示現降魔；
			力	顯現煩惱力勢羸劣大悲善根勢強盛故，示現降魔；
			智	順五濁世諸眾生故，示現降魔。
				佛子！是為菩薩摩訶薩十種義故，坐道場時示現降魔。



附38-1：華嚴經離世間品之普慧菩薩兩百問之六十一

菩薩入法界十波羅蜜百問	智十波羅蜜（十問百法）	願波羅蜜		佛子！菩薩摩訶薩有十種覺如來力，何等為十？所謂：
			佛	超出一切眾魔事業，除滅煩惱，究竟一切菩薩所行，覺如來力；
			法	於一切菩薩三昧而得自在，覺如來力；
			僧	具足成就一切菩薩諸禪三昧，覺如來力；
			精進	滿足一切諸白淨法，覺如來力；
			禪定	分別善法調伏世間法，覺如來力；
			般若	以淨法身滿一切剎，覺如來力；
			方便	所出淨音，悉與一切眾生心等，覺如來力；
			願	悉能受持一切佛法，覺如來力；
			力	得與三世如來身、口、意等，於一念中，知三世法，覺如來力；
			智	得善覺三昧，具佛十力，所謂是處、非處智，乃至漏盡智，覺如來力。
				佛子！是為菩薩摩訶薩十種覺如來力，菩薩摩訶薩具此力故，得名如來。
		力波羅蜜	轉大法輪 十種事	佛子！如是得成如來、應供、等正覺已，能轉十行清淨法輪。何等為十？一者、具足清淨四無所畏；二者、出生四辯淨妙音聲；三者、明了四諦；四者、隨順諸佛無礙法門；五者、清淨等心，悉能普覆一切眾生；六者、所說不虛，決定濟度眾生苦際；七者、宿世大悲所持；八者、以妙法音充滿世界一切眾生，無不聞知；九者、阿僧祇劫常說正法，未曾暫息；十者、轉諸根力，覺意、解脫諸禪三昧，相續不絕。佛子！如來、應供、等正覺，轉如是十行等無量行法輪。
				佛子！如來、應供、等正覺清淨法輪，因十種白淨法故，轉入眾生心，出生無相，決定不虛。何等為十？所謂：過去願力故；大悲所持故；不捨眾生故；智慧自在，隨其所應為說法故；未曾失時故；隨彼法器不增減故；決定了知三世智故；身行最勝故；口行無虛故；智行隨音聲悉覺悟故。佛子！是為因十種白淨法故，能轉法輪入眾生心，出生無相，決定不虛。
觀十種義示現涅槃		智波羅蜜	白淨法 十種	佛子！如來、應供、等正覺究竟佛事已，有十種義，示現大般涅槃。何等為十？所謂：（此末問答與前重複）
				結會
				佛
				法
				僧
				精進
				禪定
				般若
				方便
				願
				力
				智
				佛子！以此十種義故，如來、應供、等正覺示現大般涅槃。佛子！一切如來、應供、等正覺法皆如是，所願已成，已轉法輪，所應度者，皆悉已度；已與菩薩授尊記號，一切佛事皆悉究竟，安住不變，示現大般涅槃。佛子！是為如來、應供、等正覺，以十義故，示現大般涅槃。

（返回第441頁）

附38-2：華嚴經離世間品之普賢菩薩說偈結會之一

勸聞總說			無量無數劫，勤修諸苦行，供養無量佛，生此真佛子。
自性三寶圓滿成就	佛十波羅蜜	佛	化度無量眾，安立無上道，菩薩無等行，我說善諦聽。
		法	供養無量佛，皆悉無染著，化度一切眾，不起眾生想。
		僧	常求佛功德，其心無所依，說彼勝妙行，令眾悉歡喜。
		精進	降伏一切魔，滅三界煩惱，已具聖功德，示現童子地。
		禪定	滅惡煩惱癡，其心常寂然，示現無量行，我說彼功德。
		般若	遠離一切惡，究竟到彼岸，無量眾生中，種種現變化。
		方便	知心生住滅，示現一切事，說彼妙功德，令眾悉歡喜。
		願	見三有眾生，無量苦逼迫，流轉於生死，煩惱火熾然。
		力	欲令彼解脫，一向求菩提，略說彼淨德，一心善諦聽。
		智	施戒忍精進，禪定得自在，具足慧方便，大慈度眾生。
	法十波羅蜜	佛	無量無數劫，樂修悲喜捨，我說彼功德，仁等當諦聽。
		法	枯槁無量身，常正求菩提，不惜其壽命，究竟無上道。
		僧	常為利眾生，不求自安樂，慈悲心牟尼，我說彼勝行。
		精進	無量無數劫，說少分不盡，虛空可度量，海水可滄數。
		禪定	菩薩功德海，無可為譬喻，饒益眾生故，略說其小分。
		般若	持眾生善根，長養白淨法，遠離憍慢心，求法無厭足。
		方便	令眾得安止，長養智慧樹，菩薩心如地，饒益一切眾。
		願	柔軟慈心根，無上大悲莖，功德葉智華，持戒為妙香。
		力	如來淨慧光，開敷菩薩華，不著有為水，普令眾生喜。
		智	直心為種子，慈悲為根芽，智慧方便莖，五度為枝條，
	僧十波羅蜜	佛	禪葉諸明華，一切智為果。法樹神力鳥，普覆三世間，
		法	真實諦為足，白淨法為身，正念為頸頂，智首解脫頂，
		僧	慈悲明淨眼，實義幽谷出。菩薩法師子，調伏一切魔，
		精進	生死為曠野，煩惱諸惡道，邊見為賊難，癡盲迷正路。
		禪定	菩薩大導師，見彼迷冥者，開示其正道，引至安隱處。
		般若	貪恚諸煩惱，常惱害眾生，無量眾苦患，長夜而逼切。
		方便	菩薩見彼苦，為發大悲心，具說八萬四，對治濟度之。
		願	菩薩為法王，正道化眾生，遠惡修眾善，一向求菩提。
		力	一切諸佛所，受自在智記，廣施賢聖珍，令具七覺寶。
		智	清淨戒為穀，精進以為輻，三昧正受輞，三轉淨法輪。
涅槃	佛波羅蜜	佛	清淨心為楯，明利智慧劍，摧滅諸煩惱，外道眾魔怨。
		法	甚深智慧海，正法一味水，禪覺寶充滿，一切莫能知。
		僧	直心淨彌廣，一切智為潮，菩薩智慧海，演說不可盡。
		精進	世間高無上，於彼無所著，禪明智慧山，堅正不傾動。

附38-2：華嚴經離世間品之普賢菩薩說偈結會之二

涅槃十波羅蜜	佛十波羅蜜	禪定	若有親近者，疾得同彼慧，住智須彌頂，普觀一切世。
		般若	深心如金剛，一切悉堅固，三寶一切智，信心不可壞。
		方便	降伏一切魔，除滅諸煩惱，安住無所畏，度脫諸群生。
		願	興起大慈雲，普覆於一切，明曜大悲電，雷震法洪音。
		力	四辯澍法雨，八正甘露水，除滅煩惱火，安住一切義。
	法十波羅蜜	智	白淨法為城，智慧為牆壁，無上智樓閣，慚愧為深塹，
		佛	三空解脫門，正念為防守，四道為正路，遊之出三界，
		法	建無上法幢，摧滅一切魔。法身金翅鳥，四如意為足，
		僧	慈悲明淨眼，住一切智樹。菩薩金翅王，生死大海中，
		精進	搏撮天人龍，安置涅槃岸。淨戒圓滿日，清淨智光明，
		禪定	神足為疾行，消竭愛欲水。覺長夜眾生，長養根力藥，
		般若	菩薩明淨日，一切無不照。圓滿法界月，眾生觀無厭，
		方便	映蔽於二乘，小智螢火光。菩薩清涼月，遊於畢竟空，
	僧十波羅蜜	願	垂光照三界，心法無不現。自在諸法王，功德色嚴身，
		力	方便淨智眼，安住勝妙法。相好莊嚴身，一切觀無厭，
		智	彼法自在王，如法治眾生。除滅欲煩惱，超出於三界，
		佛	常樂勤修習，慈悲喜捨法。菩薩大梵王，普現種種身，
		法	演出淨妙音，三界無不聞。遠離一切行，境界常清淨，
		僧	逮得不退智，具足法自在。永離二乘道，諸佛所授記，
		精進	乘於無上乘，究竟一切智。心淨如虛空，永離一切有，
		禪定	行於世間事，其心無所依。究竟白淨行，亦令眾生然，
	精進十波羅蜜	般若	菩薩慧彌廣，清淨如虛空。無量方便地，饒益諸群生，
		方便	清涼慈悲水，消滅熾煩惱。智慧猛盛火，燒盡煩惱習，
		願	風馳遊十方，廣作諸佛事。菩薩如意寶，除滅眾貧苦，
		力	智慧如金剛，摧滅諸邪見。無量德莊嚴，悉令眾生喜，
		智	究竟無上行，安住如來處。菩薩功德華，七覺令開敷，
		佛	諸願為寶鬘，嚴飾世間頂。菩薩淨戒香，遠離諸惡戒，
		法	以此淨戒香，塗熏一切眾。菩薩無上蓋，普覆諸世間，
		僧	建立智慧幢，摧滅眾魔幢。菩薩莊嚴行，淨妙智慧幡，
		精進	慚愧功德衣，普覆一切眾。菩薩無上乘，乘之出三界，
		禪定	其心善調順，安住寶象王。菩薩大龍王，具足自在力，
		般若	普降甘露法，澤潤諸群生。菩薩甚難值，猶如優曇華，
		方便	降伏一切魔，除滅諸煩惱。佛所轉法輪，彼能隨順轉，
		願	慧燈除眾闇，普令見正道。菩薩功德河，隨順正道流，
		力	常為生死橋，度人無休息。菩薩正法船，汎遊諸願海，
		智	智慧悉成滿，度人到彼岸。菩薩淨園林，實樂樂眾生，

附38-2：華嚴經離世間品之普賢菩薩說偈結會之三

涅槃十波羅蜜	禪定十波羅蜜	佛	正法解脫華，明淨智宮殿。菩薩雪山頂，出生藥樹王，
		法	除滅煩惱病，悉令一切喜。菩薩等如來，覺悟諸眾生，
		僧	除滅愚癡闇，得成等正覺。最勝所從來，菩薩如是來，
		精進	逮得平等智，究竟到彼岸。菩薩大導師，教化諸群生，
		禪定	自然成正覺，一切智境界。具足無量力，一切莫能壞，
		般若	安住無所畏，知法了眾生。乃至色界中，所有諸眾生，
		方便	一切語言音，皆悉能隨順。過色至無色，現彼一切事，
		願	一切諸眾生，說之不能盡。菩薩悉成就，如是等功德，
		力	解了性非性，所有無所有。具足真實智，除滅一切縛，
		智	究竟一切智，其心無所著。說彼甚深行，令眾悉歡喜，
	般若十波羅蜜	佛	了達一切法，皆悉如幻化。發起方便悲，一切佛護持，
		法	出生智化門，普現無量事。仁等當諦聽，菩薩諸功德，
		僧	一身無邊際，普現無量身。非心非心境，應現一切眾，
		精進	出于妙音，究竟語言法。悉攝眾生類，一切語言音，
		禪定	遠離煩惱身，隨應示現身。無量方便身，一切音說法，
		般若	其心常寂滅，清淨如虛空。以心莊嚴刹，示現一切眾，
		方便	示現種種身，於彼無所著。遠離一切生，亦不壞彼因，
		願	隨順一切趣，受生無所著。了身如虛空，隨其所應現，
		力	菩薩現如是，無量無邊事。恭敬供養彼，最勝兩足尊，
		智	塗香末香華，幢蓋幡音樂，無上供養具，直心供諸佛，
	方便十波羅蜜	佛	不離一佛會，普在諸佛所。善巧能問難，聽受深妙法，
		法	聞此正法故，逮得諸三昧。一一三昧中，生無量定門，
		僧	又復能普現，無量三昧起。智慧巧方便，究竟到彼岸，
		精進	覺悟一切法，皆悉如幻化。示現種種身，出生無量音，
		禪定	入眾生想網，其心無染著。或時現眾生，隨順世間義，
		般若	或示菩提行，無量無有邊。布施持淨戒，忍辱勤精進，
		方便	定慧四無量，修行四攝法。或現行成滿，或得無生忍，
		願	或受灌頂記，或一生補處，或現聲聞乘，或復現緣覺，
		力	無量刹涅槃，不捨菩薩行。或現為帝釋，或現梵天王，
		智	或天女圍遶，或復獨宴默，或現比丘像，淨戒調諸根，
	願十波羅蜜	佛	或現自在王，或現入法網，或現巧術女，或現修苦行，
		法	或現在五欲，或復在禪定，或現般涅槃，或復現受生，
		僧	或現童子身，或復現衰老，若有思議者，迷亂心發狂。
		精進	或在天宮殿，或現終下生，或現處母胎，成佛轉法輪，
		禪定	或復現出生，或現般涅槃，或現童子術，或復現出家，

附38-2：華嚴經離世間品之普賢菩薩說偈結會之四

涅槃十波羅蜜	願十波羅蜜	般若	或現坐道場，或成無上道，或復示現轉，自在正法輪，
		方便	或現求正法，或現為佛身。充滿無量刹，不退菩薩行，
		願	深入無量劫，究竟到彼岸。無量劫一念，一念無量劫，
		力	一切劫非劫，示現眾生劫。無來無積聚，示現諸劫事，
		智	於一微塵中，普見一切佛。一切諸群生，無處不有佛，
	力十波羅蜜	佛	一切諸佛刹，及眾生境界，悉能分別知，一切諸法印，
		法	一切劫可盡，法印無窮已。如是知眾生，無量無有邊，
		僧	彼一眾生有，無量百千萬。那由他等身，因緣亦如是，
		精進	如彼一眾生，一切亦復然。如是究竟知，亦令一切學，
		禪定	悉知眾生根，上中下不同。諸根常流轉，知是器非器，
		般若	一根一切根，展轉相依持。菩薩微細智，皆悉分別知，
		方便	亦知諸欲性，種種煩惱垢。了過去心行，未來今現在，
		願	悉知眾生行，究竟到彼岸。知行無所行，為眾說妙法，
		力	如是知心行，染污及清淨。菩薩一念中，逮得一切智，
		智	深入如來心，究竟難思議。一念悉能知，諸佛無上智，
	智十波羅蜜	佛	究竟神力智，具足諸通明。能於一念中，悉詣十方刹，
		法	如是疾遊行，無量無數劫，不離本坐處，安住甚深法。
		僧	猶如工幻師，種種現形色，非色非無色，幻化無所有，
		精進	菩薩亦如是，深知廣方便，示現眾變化，充滿一切世。
		禪定	譬如明淨日，出現於世間，悉能除眾冥，一切靡不照。
		般若	菩薩智慧日，明淨甚圓滿，出淨心境界，普照一切法。
		方便	猶如人夢中，造作種種事，無量劫可盡，夢性無窮盡。
		願	菩薩於一念，示現夢等法，無量劫可盡，智慧無終極。
		力	常樂居山澤，遠離世間語，究竟語言道，其心無染著。
菩薩十波羅蜜	佛十波羅蜜	智	菩薩悉了知，諸法真實性，普說眾生音，不起虛妄想。
		佛	譬如春月時，眾生見焰氣，愚者謂為水，尋之增渴愛。
		法	菩薩如是見，眾生煩惱覆，如焰增渴愛，一向求解脫。
		僧	知眾生非實，而更增大悲，觀色如聚沫，受如水上泡，
		精進	想如春時焰，眾行如芭蕉。心如工幻師，示現種種事，
		禪定	善分別五陰，其心無所著。諸入悉空寂，遠離自在事，
		般若	諸界無實性，示眾生界分。第一真實諦，決定寂滅性，
		方便	廣演分別法，而心不染著。菩薩知五陰，無有去來今，
		願	因由煩惱業，轉此三苦輪。演說緣起法，非有亦非無，
		力	深解真實義，於彼無所著。菩薩淨智慧，解說三世法，
		智	示現諸群生，皆悉是一念。欲色無色界，示現眾生事，

附38-2：華嚴經離世間品之普賢菩薩說偈結會之五

菩薩十波羅蜜	法十波羅蜜	佛	三乘戒解脫，究竟一切智。了知處非處，知業知諸根，
		法	欲性諸煩惱，一切至處道。宿命智天眼，除滅諸煩惱，
		僧	知佛十種力，而猶未究竟。隨順諸佛法，深解諸法空，
		精進	悉滅眾煩惱，而不盡諸漏。廣入甚深道，教化諸群生，
		禪定	佛子住無畏，不捨菩薩行。無謬無漏失，亦不捨正念，
		般若	精進欲三昧，智慧無損減。三種常清淨，明達於三世，
		方便	大慈念眾生，一切無障礙，深入諸法門，具足如是行。
		願	我說其少分，莊嚴功德義，無量無數劫，說之不可盡，
		力	我所說少分，如大地一塵。常依如來智，而亦無所依，
		智	常修奇特想，大悲堅強故。安住清淨戒，常勤修精進，
	僧十波羅蜜	佛	教化諸群生，授真佛子記。究竟佛功德，知刹知眾生，
		法	分別三世劫，其心無疲倦。具陀羅尼力，深解真實義，
		僧	思惟無等法，逮得無上道。一切妙功德，發願求菩提，
		精進	慈悲因緣力，令菩提淨勝。具足波羅蜜，隨順善究竟，
		禪定	決定諸智力，覺悟無上道。成就方便智，樂說甚深法，
		般若	隨順常守護，逮得法王處。安住勝妙法，於彼無所著，
		方便	出生智慧化，覺悟勝菩提。住持一切劫，菩薩得正望，
		願	安住甚深法，除滅眾生疑。修習甚深智，善能分別法，
		力	究竟定慧境，覺悟一切智。智入諸解脫，究竟到彼岸，
		智	具足諸通明，離垢清涼園。具足白淨法，示現種種行，
	精進十波羅蜜	佛	普現莊嚴法，皆悉不可議。善知眾生心，能說令究竟，
		法	清淨菩提印，智光照一切。一切莫能稱，遠離懈怠法，
		僧	安住如山王，具功德智海。金剛妙寶法，安住大莊嚴，
		精進	究竟諸大事，一切莫能壞。得授菩提記，安住廣大心，
		禪定	得佛無盡藏，覺悟一切法。世智常自在，遊戲諸神通，
		般若	一切法境界，自在無障礙。身願行自在，智慧亦自在，
		方便	無量億自在，示現於一切。具足諸自在，遊戲諸通力，
		願	深入佛境界，一切莫能壞。點慧所莊嚴，無畏不共法，
		力	修行佛子業，遠離一切惡。清淨身身業，清淨口口業，
		智	諸佛守護故，成辦十大事。心心所起住，顯現無上事，
	禪定波羅蜜	佛	安住諸根定，逮得最勝根。清淨正直心，遠離諸諂曲，
		法	深入眾生性，示現種種事。除滅煩惱習，究竟無上行，
		僧	具足深智慧，逮得一切智。遠離一切惡，方便趣寂滅，
		精進	出生功德道，善學一切學。無量道心境，修習無所著，
		禪定	安住深智慧，示現道莊嚴。手足及心腹，無上智慧藏，

附38-2：華嚴經離世間品之普賢菩薩說偈結會之六

菩薩十波羅蜜	禪定波羅蜜	般若	其心如金剛，智慧為器仗，智慧觀察頂，深入菩提行。
		方便	清淨戒為鼻，除滅諸熾然，四辯廣長舌，無處不至身，
		願	淨妙智慧心，諸善行為行。道場安隱住，師子座為坐，
		力	梵住為安臥，無礙第一義。觀察善逝智，普照於一切，
		智	遍觀眾生行，種種妙功德。以此為奮迅，離貪為淨施，
	般若十波羅蜜	佛	不慢清淨戒，不動為淨忍，不轉淨精進，自在為淨禪，
		法	不行愚癡智，虛空慈普救。不憂惱為悲，清淨法為喜，
		僧	離諸煩惱捨，寂靜為深義。境界為正法，迴向功德具，
		精進	智具如利劍，普照為眾明。聞法無厭足，是為正求法，
		禪定	不惜身壽命，是為明正法。隨順諸佛教，除滅諸魔道，
		般若	清淨正直心，攝取諸佛業。遠離眾魔業，長養諸智慧，
		方便	遠離魔所持，安住諸佛持。究竟得法持，住無住智慧，
		願	作業已命終，降神入母胎。示現微細趣，又復現出生，
		力	現稱我最勝，示現行七步。現為童子地，復現處深宮，
		智	現出家學道，莊嚴諸道場。普放無量光，覺悟諸群生，
	方便十波羅蜜	佛	降伏一切魔，得成無上道。現轉淨法輪，示現如來地，
		法	增長白淨法，現大般涅槃。菩薩修諸行，無量無有邊，
		僧	如我向所說，略舉其少分。無量劫修習，令眾住菩提，
		精進	眾生諸法行，於彼無染著。如是具足行，成就力自在，
		禪定	以無量諸刹，安置一毛道。掌持無量刹，遍遊諸世界，
		般若	還置於本處，眾生無恐怖。菩薩以一切，嚴淨諸佛刹，
		方便	安置一毛孔，眾生無不見。能以一毛孔，悉受一切海，
		願	大海不增減，眾生無燒害，示現如是等，一切諸事相。
		力	無量金剛山，手磨為微塵，以此一切塵，遍散諸佛刹，
		智	復末塵下刹，遍布餘世界，一切塵可知，智慧不可盡。
	願十波羅蜜	佛	於一毛孔中，放演淨光明，普照一切世，悉蔽日月光，
		法	珠火天神光，隱沒悉不現，除滅惡道苦，為說無上法。
		僧	菩薩一言音，出生一切音，一切諸眾生，無不悉聞者。
		精進	以聞此法音，皆得大歡喜，具足廣宣暢，諸佛所說法。
		禪定	過去一切劫，安置未來今，未來現在劫，迴置過去世。
		般若	十方一切刹，皆悉現成壞，以一切眾生，安置一毛道。
		方便	過去及現在，一切諸如來，具足自在力，悉於身中現。
		願	深知變化法，善能隨所應，普現無量身，於彼悉無著。
		力	帝釋梵王身，四天大王身，諸天清淨身，一切眾生身，
		智	聲聞緣覺身，如來清淨身，普現一切身，善修菩薩行。

附38-2：華嚴經離世間品之普賢菩薩說偈結會之七

菩薩十波羅蜜	力十波羅蜜	佛	現入眾想網，上中下諸品，一切智所持，普現佛及刹。
		法	具足深智慧，除滅諸想網，示現菩薩行，究竟成菩提。
		僧	示現如是等，無量自在力，一切無不現，舉世莫能知。
		精進	示現無所現，究竟無有上，隨順應眾生，為說決定行。
		禪定	淨身等虛空，妙音滿世間，淨戒為塗香，慚愧衣普覆。
		般若	離垢正法繒，一切智摩尼，功德莊嚴身，拜署無上王。
		方便	波羅蜜金輪，諸通為象寶，神足為馬寶，淨慧無上珠，
		願	妙行為女寶，四攝寶藏臣，方便主兵寶，無上轉輪王。
		力	勝妙三昧城，空觀妙宮殿，慈悲大莊嚴，智慧為利劍。
		智	堅強正念弓，明利根為箭，諸佛護持蓋，建立智慧幢。
	智十波羅蜜	佛	直入諸魔軍，忍力悉摧滅，陀羅尼平地，淨妙行流水。
		法	深智為涌泉，淨慧清涼林，空為澄淨池，七覺妙華敷。
		僧	神足以莊嚴，三昧為娛樂，法門為歌頌，思惟正法女。
		精進	甘露法之食，解脫味為漿，御調順三乘，遊戲無上園。
		禪定	此等諸勝行，及餘無上法，無量劫修學，其心無疲倦。
		般若	供養一切佛，嚴淨一切刹，普令一切眾，安住一切智。
		方便	一切刹微塵，悉可知其數，一切虛空界，皆悉可度量，
		願	一切眾生心，念念可知數，佛子諸功德，說之不可盡。
		力	欲具此功德，及餘勝妙法，欲滅一切苦，安樂諸群生。
		智	欲與諸如來，身口意齊等，應發金剛心，究竟此勝行。

(返回第442頁)